

পাষণপুরী



## এক

ঢং, ঢং, ঢং, ঢং—

ভোর চারিটার ঘড়ি পেটা শেষ হইয়া গেল। ওদিকে কোন একটা টাওয়ার ক্কে শেষ দুইটা ঘণ্টা এখনও বাজিতেছে। চারি দিক্‌প্রান্তের অন্ধকার নিশ্চিন্ত ঝাপসা হইয়া আসিতেছে। সমস্ত ধরণী একটা তন্দ্রাতুর নিস্তক্কতায় আচ্ছন্ন। শুধু একটা সনসন শব্দ অবিশ্রান্ত শ্রোতের মত বহিয়া চলিয়াছে—যেন ওই নিস্তক্ক অন্ধকারের মাঝে কে মুহু গুঞ্জে বিলাপ করিতেছে।

হয়তো বা মা ধরণী,—

মাহুষের উপর মাহুষের অত্যাচারের লজ্জায়, বেদনায়, জীবধাত্রী বৃষ্টি নিস্তক্ক অন্ধকারে মুখ লুকাইয়া কাঁদিয়া লইতেছেন।

ঝাপসা অন্ধকার আর ওই স্করূপ সুর-শব্দের আচ্ছন্নতার মধ্যে বিশাল প্রাচীর-বেষ্টনীতে ঘেরা বন্দীশালা যেন একটা রহস্যপুরীর মত দাঁড়াইয়া আছে।

চারিদিকে পাষণ-বেষ্টনী। সম্মুখে লোহার গরাদে ঘেরা বিশাল লৌহদ্বার মোটা লোহার শিকলের পাকে পাকে বাঁধা। লৌহদ্বারের সম্মুখে উত্তমাত্র জাগ্রত প্রহরী। তন্দ্রাতুর এলায়িত-তনু বিশ্ব-প্রকৃতির মধ্যেও শক্তিমানের শাসন সমান দৃঢ়, সমান রূক্ষ, সমান সজাগ রহিয়াছে। সে যেন শিথিল হইবার নয়।

বন্দীশালার ভিতরের রূপ তখন আরও ভয়াল।

চারি দিক্‌প্রান্তের স্বচ্ছতার মাঝে বন্দীশালার বৃকে বৃকে তখনও জমাট অন্ধকার জাগিয়া আছে। প্রভাতের অগ্রগামী ক্ষীণ প্রসন্নতা যেন ওই বিশাল প্রাচীর-বেষ্টনী লঙ্ঘন করিয়া আসিতে সাহস করে না।

ওই অন্ধকারের মধ্যে আলো ফেলিয়া সাক্ষীর দল এখার হইতে ওখার পর্যন্ত পাহারা দিয়া চলিয়াছে।

‘চার-ঘণ্টা’ বাজিতেই ওয়ার্ডে ওয়ার্ডে কয়েদীর দল উঠিয়া জাগিয়া বসিল। এইবার দ্বার খুলিবে, বাহির হইবার হুকুম আসিবে।

ভোরের একটা রহস্যভরা ঘুমঘোর প্রতি মুহূর্তেই তাহাদের অবসন্ন চোখের পাতায় পাতায় চাপিয়া বসে, সকলেই যেন ঢুলিয়া ঢুলিয়া পড়িতে চায়।

ঘরের বাহিরের বাঁধানো ফালি রাস্তাটার শিথিল অবসন্ন পদের নাল-মারা বুটের আওয়াজ বাজিয়া গেল—খট্ আবার খট্। প্রহরীর পা-ও যেন আর চলে না। ওদিকে গুমটি হইতে হাঁক আসিল,—‘আ—হো—চার নম্বর!’

নাল-মারা বুটের শব্দ ত্রুণ্ড ভাবে উচ্চতর হইয়া উঠিল; সিপাহী ষাড়া হইয়া তালে তালে পা ফেলিয়া চলিল—খট্—খট্—খট্—খট্—

চার নম্বর ওয়ার্ডের ভিতরে কয়েদী, প্রহরী, মেট বিচিত্র সুরে গান করিয়া গণনা শুরু

করিয়া দিল—এক, দুই, তিন, চার,—

তুঙ্গাতুর বন্দীদল চকিতে সজাগ হইয়া বসিল। কি জানি কেন দীর্ঘশাসও ফেলিল কেউ কেউ। হয়তো বা তাহাদের সুখস্বপ্ন ভাঙ্গিয়া গিয়াছে—কত দিন না-দেখা প্রিয়র মুখ, কচি শিশুটির মুখ, ওই রহস্যমাখা অন্ধকারে মিলাইয়া গেছে বুঝি।

সাইদ আলি দেখে তার হাতের উপর সত্ত-উষ্ণ কয় ফোঁটা জল। তবে তো তাহারা সত্যই আসিয়াছিল!

স্বপ্নেও তবে তো মাহুষ আসে! নহিলে তার চোখে তো জল কখনও বাবে না, সে তো জানে চোখের শিরায় তাহার জল নাই।

চোখ রগড়াইয়া সে ঘুম ছাড়াইতে চাছিল,—চোখের পাতা ভিজা।

চোখের কোণেও কয় ফোঁটা জল জমিয়াছিল। আঙ্গুলের চাপে সে জল গাল বহিয়া করিয়া পড়িল।

সাইদ নিজেই আশ্চর্য হইয়া গেল।

পাষাণের বৃকের মধ্যে কোথায় থাকে নিৰ্বরিণীধারা, পাষাণ আপনার সে পরিচয় জানে না,—খরমধ্যাহ্নে সে তৃষ্ণায় হা-হা করে।

অন্ধকার ধীরে ধীরে ফিকা হইয়া আসিল। লজ্জিতা জননীর মত আলোক-শিশুটিকে ধরণীর বৃকে শোঁকাইয়া দিয়া রজনী-মা ধীরে ধীরে বনাস্তরালের মধ্য দিয়া চলিয়া গেল।

আলোকের স্পর্শে চোখের ঘুম টুটিয়া গেল, সাইদ সজাগ হইয়া বসিল। মনটা তখন তাহার ধীরে ধীরে শক্ত হইয়া আসিতেছে। সে একটু হাসিল—আপনাকে ব্যঙ্গ করিয়াই হাসিল।

অন্ধকারে যে আসিয়াছিল—সে ওই অন্ধকারের মধ্যেই স্নান মুখ লুকাইয়া কোথায় গেল!

ঢং ঢং করিয়া পাঁচটা ঘণ্টা বাজিল।

তখন চারিদিকে রক্ত-আলোর মধ্যে বিশাল প্রাচীর-বেষ্টনী সুস্পষ্টভাবে জাগিয়া উঠিয়াছে। প্রাচীরের রক্ত-রাঙা রং প্রভাত-আলোর আভায় উজ্জ্বল, দীপ্ত। মনে হয় ওই রক্ত-বর্ণটা কাঁচা, সত্ত মাখানো। হয়তো যুগ-যুগান্তর ধরিয়াকত বন্দীর আত্মা মাখা কুটিয়া ওর সমস্ত অন্ধ রক্তাক্ত করিয়া তুলিয়াছে। সে রং আজও বুঝি কাঁচা আছে, বন্দীর দল দৃষ্টি-মাত্রে শিহরিয় উঠে।

ধীরে ধীরে প্রভাতালোক ধরের মধ্যেও ফুটিয়া উঠিল। মোটা মোটা গরাদের ছায়া ক্ষীণ স্নান রেখায় মেঝের উপর ঝাঁক হইয়া জাগিয়া উঠিল।

বাহিরে খটাখট তাল খোলার শব্দ শুনিয়া এবার বন্দীর দল জ্বস্ত হইয়া সারি দিয়া বসিল। নাল-মারা বুটের শব্দে ঘরখানা ভরিয়া দিয়া থাকী উর্দিপরা প্রহরীর দল করেদী গনিয়া গেল—এক, দো, তিন, চার—

গণনা শেষ হইলে বাহিরে খটার শব্দ বাজিয়া উঠিল। এবার করেদীর দল সারিবন্দী

বাহির হইয়া আসিয়া মুক্ত আকাশের তলে সেই সারিবন্দী ভাবেই বলিয়া গেল—বগলে কবলের বাণ্ডিল, হাতে থালা বাটি। সিপাহী হাঁকিল,—‘সরকার’—

এরা সব পুতুলের মত সেলাম বাজাইয়া গেল।

ততক্ষণে সাইদ আলি বেশ সামলাইয়া লইয়াছে।

সে তখন হাজতী আসামীদের প্রহরায় নিষুক্ত সিপাহীটার সঙ্গে গল্প জুড়িয়া দিয়াছে ; কৌতুকে সে হাসি কত,—আর সে হাসির রূপই বা কি ! বেদনার কণাও যার অন্তরে থাকে সে কখনও এমন হাসি হাসিতে পারে না। আর সে কৌতুক, রজনীর অন্ধকারে স্বপ্নাবরণের মধ্য দিয়া যে ম্লানমুখী নারীটি আসিয়াছিল তাহাকে লইয়াই হয়তো।

জীবনে বেদনাকে কি মানুষ এমনি করিয়া হত্যা করিতে পারে !

ওদিকে দশ নম্বর ওয়ার্ডে জানালার গরাদে ধরিয়া আসিয়া দাঁড়াইল একটি সুকুমার কিশোর, পিছনে পিছনে আরও কয়জন,—প্রদীপ্ত শীর্ণ তনু, মুখে মিষ্ট হাসি। এতটুকু ম্লানিমা নাই কোথাও।

সেলাম বাজাইয়া কয়েদীর দল মুখ ধুইতে চলিল সেই সারিবন্দী ভাবে। চলিতে চলিতে ওই বহিঃস্থার মত প্রোঞ্জল মূর্তি-কয়টির পানে ওরা একবার পরম বিস্ময়ে চাহিয়া গেল।

বিচারাবধীন রাজদ্রোহীর দল। সম্মুখে দীর্ঘ কারাবাস, তবু ওরা এমন হাসি হাসে কি করিয়া !

বিস্ময় জাগিবারই কথা।

আবার এই নির্মম পাষণপুরীকেই বলে—‘মুক্তি-মন্দির’ !

একজন কয়েদী হয়তো মৃৎস্বরে বলে,—আহা, ছুথের ছেলে সব—

আর একজন প্রতিবাদ করে,—আরে ওসব গান্ধীজীর চেলা,—মহীরাবণের বেটা অহিরাবণ। ওরা মাটিতে পড়ে পড়েই লড়াই করে বাবা !

ওদের কণ্ঠস্বরে একটা সঙ্গমের আভাস পাওয়া যায়।

দশ নম্বরের ভিতরে তখন একটা হাসির কলরব উঠিয়াছে। ঘুমন্ত একজনকে কবলসুদ্ব ঘরময় টানিয়া লইয়া পান্থখানার দরজার গোড়ায় কেলিয়া দেওয়া হইয়াছে।

ওদেরই একজন কহিল,—আহা, ঘুমন্ত একজনকে—

যে টানিয়াছিল সে হাত নাড়িয়া বলিল,—উপায় নেই, আইন ইজ আইন। ওর মাঝে দরামায়া নেই। সত্যগ্রহ জেল-আইনে ছাঁটার পর ঘুমোলেই তার শাস্তি হচ্ছে কবল প্যারেড।

ঘুমন্ত-জন সেইখানে পড়িয়া পড়িয়াই বলিল,—সত্যগ্রহ করলাম আমি, যতক্ষণ তোমরাই না সরিয়ে দেবে ততক্ষণ সরচি না। সঙ্গে সঙ্গে বক্তৃতার ভঙ্গীতে হাত পা নাড়িয়া শুরু করিল,—নড়ি না হুচ্যা যেদিনী যতক্ষণ না সরাইবে তোমরা ;—এই যাঃ, ছন্দ কেটে গেল !

বলিয়া এমন ভাবে হতাশা প্রকাশ করিল যে, সুকলে কলরব করিয়া আবার হাসিয়া উঠিল।

কাইল-বন্দী কয়েদীর দল চলিতে চলিতে গুদের পানে সবিস্ময়ে তাকায়। একজন আতঙ্কভরে কহে—সর্বনেশে হাসি—

অপর একজন মৃত্যুঞ্জনে সায় দেয়,—সর্বনাশী ঘাড়ে চেপেছে যে—

আর একজন, সত্যি, নইলে কি এমন হাসি মাছুষে হাসতে পারে !

দশ নম্বরের ঘর হইতে ভারী গলায় কে কহিল,—উপাসনার সময় হয়েছে, এস তোমরা।

সমস্ত হাসি, চাপল্য এক মুহুর্তে নীরব, সংযত, সংহত হইয়া গেল। শাস্ত-পদক্ষেপে ছেলেগুলি ধীরে ধীরে পাশের ঘরে চলিয়া গেল। গেল না শুধু সেই ছোট ছেলেটি, প্রভাতের প্রথমালোকেই যে আসিয়া গরাদে ধরিয়া দাঁড়াইয়াছিল।

শাস্ত গম্ভীর সুরে উপাসনার গান ধনিয়া উঠিল।

উপাসনা শেষ হইয়া গেল—এ ছেলেটি তখনও গরাদে ধরিয়া তেমনি দাঁড়াইয়া। আর একটি ছেলে আসিয়া তাহার কাঁধে হাত দিয়া কহিল,—নরু, একদিন উপাসনায় যোগ দিয়েই দেখ !

—না।

—কিন্তু সত্যাত্মহী তুমি—

—ঠিক কথা সঞ্জীবদা, তাই আমি অনন্তভূত কিছুকে সত্য বলে মেনে মাথা নোয়াতে পারি না।

সঞ্জীব স্তব্ধ হইয়া গেল। নরু তেমনি ভাবে দাঁড়াইয়া রহিল। প্রভাত-রাগরেখা তাহার রুক্ষ পিঙ্গলাভ চুলের উপর জলজল করিতেছিল। মন্দ বায়ে চুলগুলি মৃদু নাচিতেছিল—যেন ছোট ছোট আগুনের শিখা।

দিন আগাইয়া চলে,—

কয়েদীর দল আপন আপন নির্দিষ্ট কর্মে খাটিয়া যায়। জেলের কারখানার মধ্যে ঘানি ঘোরে, চাকি ঘোরে, ঢেঁকি চলে, ছাপাখানায় কাগজের পর কাগজে কালির হরক উঠে, সতরঞ্চিতে ফুলের পর ফুল কোটে, দড়ির দৈর্ঘ্য বাড়িয়াই চলে।

দশ নম্বরের সম্মুখে সেদিন একটা বুড়া কয়েদীকে ঘাস ছিঁড়িতে দেওয়া হইয়াছে। দারুণ রৌদ্রে সত্য সত্যই তার মাথার ঘাম পায়ের উপর ঝরিয়া পড়িতেছিল। পাশেই একটা নিম গাছের ছায়া, বেচারী এদিক ওদিক চাহিয়া ওই ছায়ার গিয়া দাঁড়াইল। শীতল ছায়ার স্পর্শ যেন সাস্থনা মাথা, বলসানো দেহখানা তাহার জুড়াইয়া গেল। মুখ দিয়া আপনি বাহির হইয়া গেল—আঃ! সন্ধ্যা সন্ধ্যা ওদিকের 'চাকি শেড' হইতে একটা কর্কশ কণ্ঠের বিল্বী গালি শোনা গেল। বুড়া কয়েদীটা চমকাইয়া উঠিল। তাড়াতাড়ি সে গিয়া আবার ঘাস ছিঁড়িতে বসিল।

ততক্ষণ 'চাকি-শেড' হইতে সিপাহীটা তাহার পিছনে আসিয়া দাঁড়াইয়াছে। বুড়া ভীত সঙ্কম্ভাবে আড়চোখে পিছনপানে চাহিতেই সিপাহীর সহিত চোখোচোখি হইয়া গেল—নিষ্ঠুর নির্ভয় দৃষ্টি! বেচারীর বুকের রক্ত সেই দারুণ উত্তাপের মধ্যেও যেন হিমু হইয়া গেল।

সিপাহীটা তাহার কোমরের চামড়ার পেটটা ছুঁতাজ করিয়া মুড়িয়া সজোরে বুড়ার পিঠের উপর ঢালাইয়া দিল—আর, দিল বেশ সহজ ধীরতার সহিত ।

কয়েদীটার চোখের জলে, মুখের বিরক্ত রেখার বুকফাটা যাতনার কথা ব্যক্ত হইল, কিন্তু মুখ ফুটিয়া এক বিস্মু আতর্নাদ বাহির হইল না । অন্তরের ও দেহের বেদনা গোপন করিতে বুড়া আরও ঝুঁকিয়া কাজে মন দিল ।

হরস্ত অগ্নিবর্ষণের মধ্যে সিপাহী আর সেখানে দাঁড়াইয়া থাকিতে পারিল না । সে 'চাকি-শেভের' তলায় গিয়া মাথার পাগড়ি খুলিয়া কপালের ঘাম মুছিয়া ফেলিল ।

এতক্ষণে বুড়া কয়েদীটা একটা দীর্ঘশ্বাস ফেলিয়া চোখের জল মুছিবার অবসর পাইল । চোখ মুছিতে মুছিতে সে আপন মনেই আক্ৰোশভরা নিয়কণ্ঠে কহিল,—যায় জেলখানাগুলো একদিন ভূঁইকম্পে ভেঙে চুরমার হয়ে !

দশ নম্বরের জানালার ধারে দাঁড়াইয়া নরু কহিল,—কি নির্লজ্জ লোকটা !

জানালার ধারে দাঁড়াইয়া সে ঘটনাটা প্রত্যক্ষ করিয়াছিল । তখনও পর্যন্ত তাহার গরাদে-ধরা হাতের মুঠি দুইটি লোহার মতই কঠিন হইয়া আছে ।

পিছন হইতে সঞ্জীব কহিল,—অক্ষম দুর্বলের বিদ্রোহ এমনই হয় নরু । এই তার রূপ । দুর্বলের বিদ্রোহ শুধু অভিশাপ আর দীর্ঘশ্বাস !

নরু কিন্তু সঞ্জীবের কথা শোনে নাই, সে ওই বুড়াকেই লক্ষ্য করিতেছিল—

বুড়া ঘাস ছিঁড়িতে ছিঁড়িতে আবার দীর্ঘশ্বাস ফেলিয়া সেপাইটাকে লক্ষ্য করিয়া কহিল,—তোমর আর দোষ কি ! আমার পাপের সাজা, অদৃষ্টের ভোগ তো আমাকে ভুগতেই হবে ।

নরু কহিল,—শুনচ সঞ্জীবদা ?

সঞ্জীব কহিল,—সত্যি কথা ভাই । ওর পাপের সাজা ওকেই ভুগতে হবে ।

নরু হাসিয়া কহিল,—পাপ-পুণ্যের একটা কল্পিত রেখা টেনে মানুষকে আর কতদিন ঠেকিয়ে রাখবে সঞ্জীবদা ? জুজুর ভয় দেখানো শিশুকেই ভাল, মানুষ তার শৈশব অবস্থা পার হয়ে এসেছে ।

—তোমার কথা সত্য হোক, ধরণীর স্বপ্ন সার্থক হোক, কিন্তু নরু, তা হবার নয় । যারা শৈশব পার হয়ে এসেছে, তারাই অপরের শৈশব ঠেকিয়ে রেখেছে । নানা বিধানে, শৃঙ্খলে তারা ছনিয়ার শৈশবকে বেঁধে রেখেছে ; নহিলে যে তাদের বঞ্চনা করা চলে না । এ মানুষের প্রকৃতি, স্বার্থপরতা তার জীবনের ধর্ম । সাপের মুখে বিষ যে দিয়েছে, মানুষের বৃকে স্বার্থপরতা সেই দিয়েছে । ভগবানের—

—ভগবানের কথা তুল না সঞ্জীবদা । আমি তাকে মানি না । সেই অন্ধ শক্তিকে মানুষ একদিন নিজের ইচ্ছায় পরিচালিত করবার স্বপ্ন দেখে ।

নরুর চোখ ছুটি দূর নীল আকাশের নীলিমায় নিবদ্ধ । যেন সে ভবিষ্যতের সেই অনাগত দিনটির দূরত্ব নির্ণয় করিতেছিল ।

উত্তরে সঞ্জীব একটা কি বলিতে বাইতেছিল, হরেন আঁসিয়া সব উন্টাইয়া দিল । সে

হুইজনের মাঝে পড়িয়া হাত মুখ নাড়িয়া, ভঙ্গী করিয়া কহিল,—যাক্ যাক্, তর্ক করবার আবশ্যক নেই। প্যারাজাইস ব্লেটানের লেটেস্ট সংবাদ হচ্ছে কি জান ? ‘বিশ্বাসীর জালায় এবং অবিশ্বাসীর ঠেলায় ভগবান ঠিক করিয়াছেন যে, ‘বিশ্বাসীর কাছে তিনি থাকিবেন, এবং অবিশ্বাসীর কাছে তিনি থাকিবেন না।’

তাহার ভঙ্গী দেখিয়া নরু পর্যন্ত হাসিয়া উঠিল।

ভিতর হইতে কে গাহিয়া উঠিল,—“শিকল-দেবীর ঐ যে পূজাবেদী চিরকাল কি রইবে খাড়া ?”

হরেন চট করিয়া পাদপূরণ করিয়া গাহিয়া উঠিল,—চিরকাল কি খেতে হবে লক্ষ্মি এবং পুঁইএর খাড়া ? হায় রে কপাল !—বলিয়া সে হতাশভাবে সঞ্জীবের কপালে একটা করাঘাত বসাইয়া দিল।

আবার সেই সর্বনাশা হাসি !

বুড়া করেদীটা বিস্মিত হইয়া তাহার হাতের কাজ ভুলিয়া গেল।

নরু ধীরে ধীরে নিজের চরকায় গিয়া বসিল।

## ছুই

বেদে সাপকে কাঁপির ভিতর পুরিয়া রাখে, তার বিষদাঁত ভাঙে, বিষের খলি গালিয়া ফেলে ; —কিন্তু বিষের উৎস তাহার নিঃশেষ হয় না। দিন দিন আবাব সে বিন্দু বিন্দু করিয়া সঞ্চয় করে।

ছুনিয়ার প্রচলিত বিধানে পাষাণের অবরোধে পাপীকে আবদ্ধ করিয়া শিকলের পেষণে শাসক তাহার পাপকে বিনাশ করিতে চায়। কিন্তু তা হয় না। পাপীর পাপ শাসনে পেষণে নিঃশেষ হয় না, ভয়ে সাপের মত মনের কন্দরে গিয়া লুকায়। শুধু লুকায়ও না, কন্দরের মাঝে আহত সাপের মতই আক্রোশে গর্জায়। বিষকে অমৃত্তে পরিণত করিবার উপায় মানুষের বুদ্ধি আজও জানা নাই। যদিবা জানা থাকে, তবে শক্তির মত্ততার শাসন প্রয়োগের প্রলোভন সে ত্যাগ করিতে পারে না। তাই দাগী চোর জেল খাটিয়া ষাগী হইয়া ফিরে।

পশ্চিম দিকের প্রাচীরের গায়ে নেবু বাগান। নেবু গাছের নিবিড়তার মধ্যখানে বেশ একটু গোপন স্থান। সেখানটিতে প্রাচীরের গায়ে সাইদ আলি উপুড় হইয়া ঝুঁকিয়া গলায় আঁকুল দিয়া বসি করিতেছিল, আর এদিক ওদিক চাহিয়া দেখিতেছিল। গলায় আঁকুল দিতেছিল কিন্তু এমন ভাবে যেন শব্দ না হয়। মুখ হইতে বাহির হইল সিকি, ছুঁআনি, হাফ গিনি করটা। গলায় ওর খলি আছে।

পাপের বোঝা গলায় ঝাঁঝিয়া মানুষ মরণের বুকু ডুবিবে, তবু ত্যাগ করিতে পারিবে না।



একটা সিকি রাখিয়া বাকীগুলো সব আবার সে মুখে পুরিয়া বিচিত্র কৌশলে গলায় খলির মধ্যে রাখিয়া দিল ।

হাসপাতালের ফটকে একটা কালা-পাগড়ি পাহারা দিতেছিল, তাহার কাছে আসিয়া সাইদ আলি কহিল,—মাল নিকালো—

কালা-পাগড়ি দশ-বিশ বছরের আসামী । এখন সে সিপাহী হইয়াছে । মাসে চার আনা তলপ । কালা-পাগড়ি পকেট চাপড়াইয়া হাত পাতিল ।

সাইদ হাসিয়া সিকিটা দেখাইল, দিল না । কহিল,—একবার একটা সিকি মেরে দিয়েছে একজন । থো কড়ি খা পিঠে, বাবা, এক হাতে দাও—এক হাতে নাও ।

দাঁত মেলিয়া কালা-পাগড়ি কহিল,—বহুত হুঁশিয়ার হো তু সাইদ আলি !

সাইদ আলি কহিল,—একবারকার রোগী ফেরবারকার ওঝা । দাদা, বের কর এক বাগুিল বিড়ি, শিবের জুটা চার পয়সা, একটা দেশলাই ।

কালা-পাগড়ি হিসাব করে—তিন পয়সা বিড়ি, চার গো জুটা, ছয়া সাত, আউর মাচিস এক পয়সা, আঠ, আঠ দোনা ষোলা পয়সা—চার আনা । ঠিক ঠিকসে নিকালকে লে আয়া ! নিকাল না আওর একগো চৌ-নি, সাইদ আলি !

সাইদ আলি সরিয়া গিয়া তকাৎ হইতে কহিল,—বাবা, এক টাকার মাল ছু' টাকার বেচছ, আবার ?

কালা-পাগড়ি হাসিয়া, পাগড়ি পকেট কোমর হইতে বাহির করিল গাঁজা, ব্রিডি, দেশলাই । মুখে বলিল,—ই-তো জেলখানাকে রুল হায়,—তুনা দাম । জাস্তি তুম কেয়া দিয়া ? হামকোভি তো দেনে হোগা !

জিনিসগুলো লইয়া সাইদ আলি বলিল,—হাতকে রুলকে গুঁতোর চোটে রুল তো বানায়া সব, আর হাম কিছু দানছত্র খুলা নেহি ।

সাইদ আলি টুপি খুলিয়া মাথায় বিড়ি দেশলাই রাখিয়া টুপিটা চাপা দিল ও গাঁজার পুরিয়াটা রাখিল কোমরে, পেটির নীচে । সেও মেট—সৎ কয়েদী, সিপাহী হইয়াছে । চামড়ার পেটিও একটা মিলিয়াছে ।

—সেলাম, কামমে যাতা, বলিয়া সে সরিয়া পড়িতে চাহিল ।

কালা-পাগড়ি বলিল,—বৈঠ না খোড়া, তু তো মেট হো ।

—তোমার কি বল ? আসামীদের কাজ না হলে তখন তুমিই দেবে ঠাণ্ডা গারদ । বলিয়া সে চলিয়া গেল ।

ও মাথায় নেবু গাছের তলা সাফ করিতেছিল একটা ছেলে ; বছর পনের বয়স, মাথায় লম্বা চুল, কালো ঠোঁট, বসা চোখ, দীপ্তি তার ম্নান । শহরের চোরাগড়ে ছেলে । পকেট কাটার চার মাস মেয়াদ হইয়াছে । আগে আরও বার তিনেক সে জেল ফিরিয়া গিয়াছে । কোন বিষয়তা নাই, হেলিয়া দুলিয়া আবদারের ভঙ্গীতে ঘোরে ফেরে, আর বলে,—বেশ জায়গা

এ মাইরি, দিবি পাকা ঘর, তকতকে উঠোন। আর অভাবই-বা কিসের? দে মাইরি আমার পিঠটা চুলকে। একটা বিড়ি দে না ভাই—দিবি না, আচ্ছা! বলিয়া সে ঠোঁট ফুলায়।

সাইদ আলি ওর কাছে আসিয়া কহিল,—বিড়ি খাবি?

ছেলেটা যেন এলাইয়া পড়িয়া হাত বাড়াইয়া দিল,—একটু কামও করে দে না মাইরি।

সাইদ আলি ওর কাজ করিতে বসিল। ছেলেটা বিড়ি টানিতে টানিতে ওর পিঠে চিমটি কাটিয়া দিল। সাইদ আলি চমকাইয়া কহিল,—উঃ!

ছেলেটা খিলখিল করিয়া হাসিয়া উঠিল।

সাইদ আলি কাজ ফেলিয়া ওর দিকে কিরিয়া কহিল,—আচ্ছা, আয় গল্প করি দুটো। তোর কথা বল। তোর বাপ মা—

—কে জানে তোর বাপ মা! মা বেটী রাস্তার ফেলে সরেছে না মরেছে সে হারামজাদীই জানে। আর বাবা, দেখিইনি, তা তোর নাম ধাম! বাবা আসত যেত গুলি খেত, মাথা দেখিনি। বলিয়া হাসে।

—পকেট-মারার দলে কদ্দিন আছিস?

ছেলেটা শুইয়া শুইয়া দিবি বলিয়া যায়,—সে সাত বছর বয়সে। ওস্তাদজী বলে কি জানিস? বলে, সোনায় তোর হাত বাঁধিয়ে দেব। দেখ্ দেখি হাতখানা কায়সা পাতলা! শালা আঙ্গুল তো নয় যেন পালক, গায়ে হাত দিলে জানতেই পারবি না। বলিয়া ওর গায়ে হাত দিয়া যেন পরীক্ষা দিতে চাহিল।

সাইদ বলিল,—চারবার ধরা পড়লি কেন?

—তুই ধরা পড়লি কেন? ও ধরা পড়ে যায়,—বুকলি? জানিস, একবার সেপটী ফুরের বেলেড দিয়ে চোরা পাকিট শালা এয়াইসা চির দিলাম,—দু'হাজার টাকার নোটের বাঙল পাকা আমের মত হাতে এসে পড়ল। জানিস, বুক চিরে তোর জান নিকলে লোব, তুই জানতেও পারবি না। বলিয়া হাসিতে লাগিল।

—দেখি তোর হাত,—পকেট মারতে কেমন পারিস? বলিয়া ওর হাতখানা সাইদ আপন মুঠোর মধ্যে পুরিয়া চাপ দেয়।

ছেলেটা হাসিয়া কহিল, ছাড়, লাগে! দূর—শুধু বিড়ি! এই লে তোর বিড়ি, বলিয়া পোড়া বিড়িটা সাইদের গায়ে ছুঁড়িয়া মারিল।

সাইদ আলি কহিল,—দুখ খাবি? আয়, হাসপাতালের চৌকোয় চারটে বিড়ি দিলেই দুখ মিলবে।

ছোঁড়াটা উঠিয়া চলিতে চলিতে সাইদকে ঠেলা দিয়া কহিল,—একটা সিটি মারব মাইরি,—ভারী মন করচে।

—নানা। জেলখানাতে যা করবি শালা চুপি চুপি। দেখিরে কিছু না,—টেঁচিরে কিছু না। জেলখানা—না গুমখানা।

—জানিস মাইরি, এ্যাসা সিটি মারব ভব্বুসে যে, সব শালা সেপাই ছুটে আসবে সতি সিটি ভেবে ।

সাইদ আলি ছেলেটার হাতে আর একটা চাপ দিয়া কহিল,—তুই একটা জহরৎ রে !

ছোঁড়া কহিল,—গলায় ঝুলিয়ে রাখ তুই ।

হাসপাতালের চোঁকা হইতে ফিরিয়া সাইদ কহিল,—তুই বোস্ মাইরি, আমি একটা হাজতী আসামীর সাথে দেখা করে আসি । কবুল খাবে শালা ।

—কোন্ বে রে ? তোর দলের ?

—না, কোন্ দলের কে জানে । তবু শালাকে দেখি যদি সামলাতে পারি ।

—এথুনি সব আদালতে যাবে বুঝি ?

—শুনলি না—দশটা বাজল !

—যা । বলবি শালাকে, জান যাবে কবুল করলে । আমাকে দেখাস তো শালাকে ।

—দেখবি কি, কবুলী আসামী থাকে যে ডিগ্রীতে, পাছে কেউ বিগড়ে দেয় ।

ওদিকে মোটরের হর্ন শোনা যাইতেছিল ।

ছেলেটা বলিল,—ওই ভ্যাঁক্ ভ্যাঁক্ করচে, যা জলদি ।

সাইদ আলি চলিল রান্নাশালায় । ছোঁড়াটা ঘাস ছিঁড়িতে ছিঁড়িতে আপন মনে গান ধরিল,—মুহুস্বরে ।

গৌর দাস রান্নাশালার মেট, লম্বা মেয়ানের আসামী, পাকা লোক । সাইদ গিয়া কহিল,—ডাক্তার বাবু বলছিল এখানে ঘাস হয়েছে, মাছি হবে ।

গৌর হাসিয়া কহিল,—ভয় নেই, সেপাই গেছে গুদমে ।

সাইদও হাসিল, বলিল,—ডিগ্রীতে গিয়েছিলে ?

—হ্যা, ভাত দিয়ে এলাম । বলে এলাম শালাকে ।

—সেপাই ঢোকেনি পিছ শিছ ?

—চুকেছিল । আমি ঘরে চুকেই বললাম,—উঃ, কি গন্ধ ঘরে ! শালা আর ঘরে ঢুকল না । ওকে বললাম,—দেখ, কবুলই কর আর যাই কর, তোকে জেলে দেবেই । কেন মিছামিছ কবুল করে দলমুদ্র ফাঁসাবি ? দল বেঁচে থাকলে তোর মাগ ছেলের একটা হিলে হবে । বেরিয়ে একটা আশ্রয় পাবি ।

—কি বললে ?

—চুপ করে রইল । তখন শাসিয়ে দিলাম কি,—শালা কবুল করলেও তোমার জেল, খালাস হবে না । তখন এখানে আসতেই হবে । এসে পড়বে আমাদের হাতে—বুঝবে তখন । খাড়া-হাতকড়ি পরিয়ে রেখে দেব দুটি মাস । তখন বেটা বললে,—না না, আমি কবুল করব না । দাও—দাও, লোক দুটো লাগিয়ে দাও এখানে । ঘাস দেখে সাহেব চটে যাবে । বল না সিপাইজী, পরিষ্কার করে দিতে ।

সিপাহী আসিয়া পড়িয়াছিল। গৌর দাসের কথা শুনিয়া কহিল,—দেও, দুটো আসামী  
হিয়া দে দেও।

ওদিকে মোটরের হর্ন বাজে ঘন ঘন।

দশ নম্বরের ছেলে কয়টিও চলিয়াছে, ওদেরও আজ বিচার হইবে। চারি-দিক-ঢাকা  
জেলের মোটরবাস। চালকের পাশে সশস্ত্র প্রহরী, ঘারে প্রহরী, ভিতরে প্রহরী—উজতাস্ত্র।

বাসে বসিয়াই সঞ্জীব আপন মনে গান ধরিয়াছে—

বেলা তিনটায় সকল কয়েদী আপন কাজের হিসাব লইয়া দাঁড়াইল। কেষ্ঠ দাস চুরির  
আসামী, দু'বছর মেয়াদ হইয়াছে। বাইশ-তেইশ বয়স—মুখখানি বেশ ডগডগে। কিন্তু বুকের  
পাঁজরা এক একখানি করিয়া গনা যায়। বেচারী বলে,—কি করব, রোজ জর হয়।

গৌর উপদেশ দেয়,—হাসপাতালে যা।

—তা কি যাইনি! ওরা বিশ্বাস করে না।

—যা, তুই ফের যা।

কেষ্ঠ হয়তো ফের হাসপাতালে যায়।

—ভাস্কর বাবু, হজুর হাতটা দেখুন।

ভাস্কর শাসাইয়া বলেন,—হাসপাতালে যাবার মতলব!

কেষ্ঠ দাস করুণ স্বরে উত্তর দেয়,—আজ্ঞে না, দেখুন—গা গরম।

—রোদ্দুরে গা গরম করেচ, এ্যা? ললিত, এরে এক দাগ দাও তো!

ললিত কম্পাউণ্ডার। সে ওর মুখে এক দাগ কুইনিন মিকশচার ঢালিয়া দেয়।

ভাস্কর ব্যবস্থা করেন,—কাল সাবু পাবি, আজ ভাত খাস্ গিয়ে। হিসেব আমি কাটতে  
নারি ফের।

বিকৃত মুখে কেষ্ঠ দাস কিরিতে কিরিতে বলে,—দড়ি একগাছা পাই তো গলায় দি।

আবার নিজেব বৃকে হাত বুলাইতে বুলাইতে বলে,—মরব তো শীগগিরই। বুক হয়েছে  
দেখ না যেন ফুটো হাপর। তখন কি করবি শালারা! কাকে খাটাবি, চোখ রাজাবি? মেথরে  
ফেলবে? তাই ফেলে যেন, আমার বয়েই যাবে।

## তিন

কেষ্ঠ দাসের আজ কাজ পুরা হয় নাই, সে গম পিষিয়া শেষ করিতে পারে নাই। জমাদার  
কৈফিয়ৎ চাহিল,—রোজ তেরা এঁহি হাল?

কেষ্ঠ সন্ডরে জবাব দিতে গেল,—আজ্ঞে, জরে হজুর—

জমাদার একটা পেটি কবিয়া বলিল,—জর ভাগ যারোগা। দোসরা রোজ হাম ছোড়বে

না, আপিসমে গিয়ে যাবে ।

কেষ্ট হাস মুখ ফিরাইয়া কাঁদিতে কাঁদিতে সরিয়া আসিল ।

পেশী ফুলাইয়া সাইদ আলি দাঁত কস্ কস্ করিতে করিতে বলিল,—আমাকে মারুক তো! কি বলব, এটা জেলখানা, নইলে বেটা ছাত্তু—

একটু থামিয়া আবার বিরক্তিতরে কহে,—আরে ই-শালালোক যে ভয়ে পেছায়, নেহি তো—

এ পাশ হইতে ছেলেটা বলিল,—আরে তু ভি তো ভাগচিস, তু সৰ্কাবি ?

—আলবৎ । আমাকে মারুক না দেখি ? পরের জন্মে কে হাকামা করে ?

গৌর বলিল,—রান্ধস বেটারা একটা রোগা লোককে—

—চূপ কবু ভাই, শুনলে আবার আমার বিপদ । যা বলেছিস সেই ঢের । আমাকে বেশী লাগেও নাই । বলিয়া কেষ্ট হাসিতে চেষ্টা করে । বলে,—দিন একদিন আসবে রে,—বেকুব তো একদিন !

ওই একটা দিনের আশাই এদের দুর্বহ জীবনকে সম্মুখের পথে টানিয়া লইয়া চলে । যখনই স্বযোগ ও সময় মেলে ফটকটার ঘুলঘুলি দিয়া দৃষ্টি প্রসারিত করিয়া বুঝি দেখে—সেদিন আর কতদূর !

কেষ্ট কহে,—ফাঁক দিয়ে বাইরেটা দেখলে তবু মনে হয় একদিন বেকবে ।

গৌর বলে,—দু-রো, ও আমি ভাবিই না । যখন মন হবে ওদের, তখন ছাড়বে ।

সাইদ বলিয়া তখন মার্কীর হিসাব করে, গৌরও বলিয়া যায় ।

—বছরে তিন মাস । সাত বছরে তিন সাতে একুশ মাস । খাটা হল—এক বছর আট মাস ।

মাটিতে খোলা দিয়া যোগ করে । একুশ আটে উনত্রিশ,—দু'বছর পাঁচ মাস—আর এক বছর, হল গিয়ে তিন বছর পাঁচ মাস । দু-রো, ঢের বাকী ।

কেষ্ট বলে,—আমার আর এক বছর দু'মাস ন'দিন ।

সাইদ আপন হিসাবের অঙ্ক হাত দিয়া মুছিয়া একাকার করিয়া দেয়, ওয় সেদিন হিসাব ধরা পড়ে না বুঝি ।

বড় ফটক খুলিয়া নতুন আসামী আসিল ক'জন ।

সাইদ জিজ্ঞাসা করিল,—কোন্ কেলাস ভাই ?

দাঁত উঁচু কালো জোয়ানটি উত্তর দিল,—চণ্ডা আছে দাদা—“বি” ।

আর ক'জন নতুন লোক, তাহার্য এদের মুখপানে চাহিয়া রহিল । গৌর হাসিয়া বলিল,—এরা বুঝি নতুন লোক ?

সাইদ ভাচ্ছিল্যভরে জিজ্ঞাসা করিল,—কি, ধান চুরি নাকি ?

এতক্ষণে একটা ছোকরা ওপাশ হইতে দম্ভভরে উত্তর করিল,—ভাকাতি ।

গোঁর হাসিয়া কহিল,—বহৎ আচ্ছা! মরদ ছায়!

সহসা লাইদ বলিয়া উঠিল,—আরে আরে, ও কে রে! ফের বেটা গুলি-খোর এসেচে,—  
ফুকমিঞা এসেছে যে ফের!

ফুকমিঞার মাথায় ফুলদার টুপি, পরনে লুঙ্গি, গায়ে একটা কোট। কটা চুল, কটা  
চোখ—বংটাও কটা ছিল, এখন জামাটে। মুখে গুর এক মুখ হাসি। ফটকের মুখ হইতেই  
ভুরু ঘন ঘন নাড়িতেছিল, ষাড় হুলিতেছিল, ইশারায় ও সবার সাথে আলাপন সারিয়া  
লইয়াছে।

গুদামের জমাদারও ফুককে দেখিয়া হাসিয়া কহিল,—কেয়া, কিন ঘুমকে আয়া?

এক মুখ হাসির সাথে সেলাম জানাইয়া ফুক উত্তর করিল,—জী হজুর,—

—আরে, আভিতো পঁদরা রোজ নেছি ছয়া তুম নিক্লা হিঁয়ালে।

—ইয়া হজুর, রইন্তে নারলাম।

—কেয়া কিনা ই-দফে?

—করব আর কি, পয়সা ছিল না, একজনদের বাসন ছিল ঘাটে, একটা বাটি তুলে  
নিয়োছিলাম। বলিয়া বেশ কোঁতুকভরে হাসিতে লাগিল।

ওদিকে নতুন আসামীদের খবরদারকারী সিপাহী হাঁকিল,—এ শালা বদমাশ, আও আও।

—আসি হজুর, দেখা তো হবেই, রইলামই তো।

ফুকমিঞা ইশারায় ভুরু নাচাইয়া সবার সঙ্গে আবার কথ্য সারিয়া লইল। ষাইতে ষাইতে  
গুনগুন করিয়া গান ধরিল,—

‘সইরে আমার—মনের কথা বলে আসা হ’ল না’ -

বিরহ-কাতর আঁখি, মানমুখী কোন সখীর স্মৃতি গুর বৃকে জাগে কি?

দাঁত-উঁচু জোয়ানটি হাসিয়া ফুকর হাতে একটা চিমটি কাটিয়া দিল। ফুক গান ছাড়িয়া  
দিল,—উঃ!

দাঁত-উঁচু লোকটি হাসিয়া জিজ্ঞাসা করিল,—বউয়ের জন্তে মন কেমন করচে?

ফুক এবার সশব্দে হাসিয়া উঠিল,—হি—হি—হি; সিপাহী ধমক দিল,—এই উল্লু!

ফুক সেলাম জানাইয়া বলিল,—সেলাম হজুর, এ ব্যাটার বাড়ির জন্তে মন কেমন করচে,  
—ভাই হেসে ফেলিচি।

জোয়ানটি চুপি চুপি কহিল,—তোর না আমার?

ফুক বড়া আঁচুল নাড়িয়া জবাব দিল,—খট খট লবডকা। বউই নাই তা মন কিসের রে  
শালা? দোসরা দফে যখন ছ’বছর মেয়াদ খাটি, তখনই সে পথ দেখেচে—নেকা করেচে।  
ওটা গানের গান। শোন্—শোন্, শেষটা শোন্—

‘আমি ভো-মায় ভুল-ব নাক, তু-মি যেন-তুল না’—

ভাকাতির নতুন আসামীটি আপন মনেই একটা দীর্ঘনিশ্বাস ফেলিল। বিচারাধীন  
আসামী কয়টিও ফেলে।

কেমন যেন বিবল ভাব। শুধু সেই ছেলেটি—নরু ছাড়া সকলে নীরবে রাঙা স্বরকি বিছানো পথ বহিয়া চলিয়াছে। সকলের অঙ্গে কয়েদীর পোশাক।

মধ্যপথে একজন সিপাহী নরুকে বলিল,—আপ চলিয়ে ডিগ্রীয়ে।

ওদের বিচার হইয়া গেছে, বিচারে নরুর তিন বৎসর মেয়াদ হইয়াছে। আবার জেল-গেটে আসিয়া জেল-পোশাক পরিবার সময় এক ঝগড়া বাধাইয়াছিল, তাহার জন্য ওকে পৃথক রাখার হুকুম হইয়াছে।

—আসি দাদা, বলিয়া নরু এদের কাছে বিদায় লইয়া চলিল ডিগ্রীতে।

এরা চলিল সব দশ নম্বরে।

### চার

এদিকে কেষ্ট দাসের প্রহার লইয়া ওদের মধ্যে উষ্ণ আলোচনা তখনও শেষ হয় নাই। সবাই একটু প্রথর হইয়া নিজেদের মধ্যে তখনও জটলা পাকাইতেছে।

ওদিকে ঘণ্টা পড়িল,—ঢং ঢং ঢং—

সেই সঙ্গে ওদের এক্য ভাঙ্গিয়া গেল—অভ্যাস বশে সংকেতের আদেশে সবাই উঠিয়া পড়িল।

প্রতি মানব-মনে যে বিজোহী বাস করে, সে বুকি আগিবার অবকাশ পায় না। একখানা শিকলে যেন সব গাঁথা, আর সে শিকলখানা অতি দ্রুত-আবর্তনে আবর্তিত হইতেছে, এতটুকুখানি পাশে সরিয়া ঘাইবার অবকাশ নাই, সারিবন্দী উঠা, সারিবন্দী বসা, সারিবন্দী চলা, সারিবন্দী থাওয়া। প্রত্যেক কর্মটি যন্ত্রের মত ঘণ্টার সংকেতে নিয়ন্ত্রিত। চিন্তা করিবার, বুক বাধিবার মুহূর্ত অবকাশ নাই। জীবনটা যেন যন্ত্র হইয়া উঠিয়াছে।

সব আসিয়া জোড়া জোড়া সারিবন্দী বসিয়া গেল,—সম্মুখে থালা আর বাটি।

গৌর দাস পরিবেশন করে—রাঙা রাঙা ভাত এক বাটি, মসুরির ডাল এক ভাবুয়া, শুস্ককারি এক ছটাক, আর খানিকটা ছুন।

তাও এতটুকু পড়িয়া থাকে না; সকলে গো-গ্রাসে গিলিয়া চলে।

সাইদ আলি চৌকা হইতে চুরি-করা রুটি বাহির করিয়া ছেলেটাকে দিয়া কহিল,—শীগিরি খেয়ে নে। আরও দিল এক টুকরা পেঁয়াজ, আধখানা লছা।

সম্মুখেই বসিয়া কেষ্ট দাস কাঙালীর মত ছেলেটার আহ্বারের পানে তাকাইয়াছিল, এবার অসংকোচে বলিয়া ফেলিল,—খানিকটা লছা দে না ভাই, জরমুখে কিছু ভাল লাগছে না।

সাইদ আলি অগ্নান বদনে থাইয়া চলিল, ওর কথা যেন কানেই যায় নাই।

কেষ্ট আবার ডাকিল,—সাইদ রিঞা—

সাইদ স্বচ্ছন্দে ওর চোখে চোখ রাখিয়া রুটি চিবাইতে চিবাইতে বেশ বুঝাইয়া বলিল,—

জানিস, এটা খেলখানা—

ছেলেটা খানিকটা পেয়াজ, লস্ক, আর আধখানা রুটি কেটেকে দিয়া সাইদ আলিকে বলিল,  
—আহা জর হয়েছে, ভাত খেলে আরও বাড়বে।

সাইদ আলি জবাব দিল না, আপন মনে খাইয়াই চলিল।

কেট সতয়ে রুটি আর পেয়াজ ছেলেটাকে ফেরত দিতে গেল—না না, রুটি আমি খাব না,  
এই পেয়াজই আমার ঢের।

ছেলেটা বলিল,—আমার মাথার দিব্যি, তুই খা।

সাইদ আলির চোখের দৃষ্টিটা হইয়া উঠিল যেন সাপের দৃষ্টি, নিমেষহীন, ভাবলেশহীন।  
কেট দাস যেন ভয়ে মরিয়া গেল।

থাওয়া হইয়া গেল, আবার ঘণ্টা পড়িল।

সিপাহী হাঁকিল,—সরকার—

ওরা আবার সেলাম বাজাইল।

আবার ঘণ্টা,—ওরা থালা বাটি তোলায় লাগিয়া গেল।

আবার ঘণ্টা। এবার ওরা সেই লাইনবন্দী চলে চৌবাচ্চায়—থালা বাটি পরিকারে।  
সেখানেও তাই, ঘণ্টার সংকেতে বসে, ঘণ্টার সংকেতে জল তুলিয়া ধোয়, আবার ঘণ্টার  
সংকেতে উঠিয়া আসিয়া একে একে ঘরের সম্মুখে সেই ফাইলবন্দী বসিয়া যায়।

মেট গনিয়া যায়,—এক, দুই, তিন, চার। শেষে হাঁকে, চকিশ জোড়া, আটচল্লিশ  
আসামী।

এর পর জমাদার নাম ডাকে,—ওরা হাজির হাঁকে।

শেষ হইলে মেট আবার হাঁকে—সরকার—

ওরা সেলাম বাজায়।

তারপর সারিবন্দী পিপীলিকার মত ঘরে ঢুকিয়া যায়।

সিপাহী দরজা বন্ধ করে, জমাদার চাবি বন্ধ করে, চীফ-হেড্-ওয়ার্ডার আসিয়া তালাগুলোকে  
সবলে টানিয়া দেখিয়া যায়; তখনও বাহিরে ধোরে প্রহরী।

ঘরের মধ্যে প্রবেশ করিয়াই ওদের নৃত্তি পালটাইয়া যায়। তুবড়িতে যেন আগুন ধরাইয়া  
দেওয়া হইয়াছে। ওদের ভিতরের গুপ্ত ফাহুসটি যেন রং-বেরংএর ফুলঝুরির হব্বা ছুটাইয়া  
বাহির হইতে থাকে।

প্রথমেই এক দফা নৃত্ত্য শুরু হইয়া যায়,—খেমটা, ঝুমুর, সাঁওতালী, আবার নাম না-দেওয়া  
কত নাচ। সবাই নাচে, দর্শক কেহ নাই। যোগা কেটলাল, সেও মাথায় হাত দিয়া  
কোমর ঘুরাইয়া নাচিয়া বেড়ায়। নাচ থামিলে, সব আপন আপন বিছানা পাতিতে বসে।  
কঘল কাড়ার একটা সাড়া পড়িয়া যায়।

আটচল্লিশখানা কঘল একসঙ্গে বেতলা শব্দ করে—কটাং কটাং। প্রতিধ্বনিতে ঘর ভরিয়া  
যায়।



ঘরের মধ্যে চারিটা বড় বড় জানালা, একটা জানালার ধার সাইদেয়, একটা গৌরেশ, একটা তহিদেয়, একটা জোবেদেয় ।

তহিদ ডাকাত্তির আসামী । জোবেদও তাই ।

সাইদ আলির পাশেই সেই ছেলেটা থাকে, সে বিছানায় বসিয়া বলিল,—বিড়ি দে ।

সাইদ চূপ করিয়া রহিল, কথা বলিল না ।

—রাগ করেছিল সাইরি ?

সাইদ তথাপি চূপ, ছেলেটা হাসিতে লাগিল । সহসা সাইদ বলিয়া উঠিল,—দেব শালা রোগা পটকার জান একদিন মেরে,—তোয় কাছ থেকে ফের যদি কিছু নেবে ।

—আমি যে দিলাম—

—ও নেবে কেন ? আমাকে চাইলেই তো দিতাম ।

—তুই দিলি কই ?

—না, দিলে না,—শালা পটল তুলবে এই রোগের ওপর খেয়ে ।

ছেলেটা অনর্গল হাসিতে লাগিল । সাইদ আবার বলিল,—দেখিস আমি বললাম, বক্রিটা দাঁত আমার,—আমার কথা ফলবেই । ও শালা এইখানেই থাকবে ।

—আচ্ছা, আচ্ছা, আমি আর ওকে দেব না । তুই দিবি তো ?

—জরুর ! ও বেচারারোগা ! আমি কি পাথর যে, চাইলে দেব না !, নে, বিড়ি নে । এই কেটা শোন্ ।

কেট সতয়ে আগাইয়া আসিল । ওকেও একটা বিড়ি দিয়া সাইদ আলি বলিল,—বিড়ি খা । বোস, একটান মালও পাবি—

ও কি বাহির করিয়া টিপিয়া বিড়ির মধ্যে পুরিল ।

ওপাশে ঠিক তাই করে গৌরদাস । বিড়িটা খাইয়া গৌর কেমন ভাম হইয়া বসিল । সহসা সমাগত সন্ধ্যার স্নান অঙ্ককার ভেদিয়া ওর চোখের সামনে ভাসিয়া উঠিল বর বাড়ি, একটি নারীর স্মিত হাসি, মনে পড়িল ছোট একটি ছেলের হুয়স্তপনা, মনে পড়িল—

পাশের বুড়া সীওতালটাকে ডাকিয়া বলিল,—মাঝি !

মাঝির নয়নে তখন ঘুমঘোর চাপিয়াছে । সে শুধু উত্তর করিল,—উ !

ওই এতটুকু ক্ষুদ্র সংক্ষিপ্ত উত্তর পাইয়াই গৌর বলিয়া চলিল,—আমার ছেলের কথা বলছিলাম মাঝি, এমন ছেলে আর হয় না ! বুঝলি মাঝি ! পথের পথিকে ডেকে কোলে করে । ফরসা নয়, তবু দেখলেই ভালবাসতে ইচ্ছে হয় । ছেলেটারও কি, একেবারে কারা নেই ! যে হাত পাতবে তারই কোলে যাবে । তুই যখন বাড়ি যাবি তখন আমার বাড়ি হয়ে যাস । ওখানে খাবি, দেখবি আমার ছেলে কেমন, পরিবার কেমন লোক দেখবি । হাসি মুখে লেগেই আছে ।

এইখানে সে একবার নীরব হইয়া গেল । আবার একটা দীর্ঘশ্বাস ফেলিয়া বলিয়া চলিল,—ভারা কি আর আছে যে, হয়তো শুকিয়ে আধখানা হয়ে গিয়েছে । তাও তুই যদি আমার

খবর নিয়ে যাস—কত বস্তু আন্নি করবে দেখবি তোকে ।

মাঝি কোন উত্তর করিল না, গৌরও নীরবে জানালার বাহিরের পানে শূন্য মনে চাহিয়া রহিল ।

অন্ধকার ! শুধু জানালার ফাঁক দিয়া একটা ক্ষীণ দীর্ঘ আলোকের ধারা দিবসের বৃকে ছায়ার মত লাগিয়া আছে । কালো আকাশে অগণ্য তারা ঝিকমিক করিতেছে । প্রাচীরের ওপারে বাগানের বড় বড় গাছগুলো নিবিড়তর পুঞ্জীভূত অন্ধকারের মত মনে হয় । গরাদেব ওপাশেও সবই অন্ধকার, প্রাক্ষণ নিস্তক । যেন এই জেলখানা ছাড়া আর বিশ্বের কিছু নাই । এই গারদখানাটা বিশ্ব হইতে বিচ্ছিন্ন হইয়া গিয়াছে, দুই এর মধ্যে এক বিরাট ভ্রমশা-প্রবাহের ব্যবধান ।

মাঝে মাঝে আলোকের একটা রেশ জাগাইয়া এক জোড়া বুটের শব্দ একটার পর একটা শোনা যায় । সাজী পাহারা দেয়, এক পাশ হঠতে আর এক পাশ পর্যন্ত বাতি হাতে অবিশ্রাম চলিয়াছে—খট্ খট্ খট্ খট্ -- একটা নির্দিষ্ট সময় অন্তরে, নির্দিষ্ট তালে ।

সাজী কাছে আসিতেই গৌরের চমক ভাঙ্গিল, সে কহিল,—মাঝি ঘুমোলি ?

মাঝি উত্তর দিল,—হঁ ।

তার ঘুমে জাগরণে গৌরের কিছু আসে যায় না । সে বলিয়াই চলিল,—দেখবি আমার ঘর দোর, আর এক জোড়া বলদ যা আছে আমার—ইয়া হান্তির মত । একটা সাদা, একটা কালো, গলায় আবার লাল রঙের বনাতের ওপর ঘুঙুরে-ঘণ্টায় গাঁথা মালা । গাড়ি যখন চলে, তখন এয়াস তালে তালে বাজে যেন বাই নাচচে, ধর না গান তার সঙ্গে । আমার পরিবার তার সেবা করে নিজের হাতে । ভাতটি, মাড়টি, তরকারির খোসাটি দিচ্ছেই ভাবাতে—দিচ্ছেই । গরু ছুটোও কি তার বশ ! আমাকে মাথা নাড়ে, কালো রঙের কিছু দেখলে তো চার পায়ে লাফায় । কিন্তু যেই লালপেড়ে শাড়ির আঁচলটুকু দোরের গোড়ায় দেখতে পেয়েছে, অমনি মুখ তুলে দাঁড়াল । কিছু নাই তো সে শুধু হাতই বাড়িয়ে দেয়—তাই চেটেই ওদের সূখ ।

গৌরের কথা আর চলিল না, ঘরে তখন কবিগান আরম্ভ হইয়া গেছে ।

বিড়িটা টানিয়া কেই একটু চাক্সা হইয়া উঠিয়াছে । বলিল,—আমি আজ কবি গাইব সাইদ মিক্সা ।

—তুই পারবি ?

—দেখ, জরে কাবু হয়ে থাকি তাই । আমি খুব গাইতে পারি ।

সাইদ বলিল,—বহুত আচ্ছা !

ছোকরাটা উঠিয়া মজলিস বানাইতে লাগিয়া গেল ।

কেই বলিয়া বসিয়া গান তাঁজিতে লাগিল ।

ওপাশ হইতে উঠিল চৈতন্য । সে বলিল,—আমি গাইব ।

গণশা বলিল,—কেটা জানে কি, —আমি গাইব।  
সাইদ বলিল,—খবরদার, আজ কেটা গাইবে—ও একটা হীরে। লাগ তোরা একে একে।  
কবিগান আরম্ভ হইল। মাঝখানে গান—চারিদিকে সব ঘিরিয়া বসিয়াছে। বিচারক  
হইল সাইদ, গৌর, তাহিদ আর জোবেদ।

কেটে কোমরে হাত দিয়া নাচের সঙ্গে সঙ্গে চাপা গলায় গান ধরিল—

জেলের মধ্যে কবিগান হয়ই বারো মাস,  
গণশা শালায় বদলে আজ গাবেন কেটেদাস,—  
আপনারা দ্বেবেন গো সাবাস্।

ছোকরা টেচাইয়া উঠিল,—সাবাস্—সাবাস্।

সাইদ বলিল,—বহুত আচ্ছা!

গৌরেরও উদাস ভাব কাটিয়া গেল, সে কহিল,—বেটা মানিক যে আমার।

গণশা রাগিয়া গেল, জ্রোতারা হাসিতে লাগিল—চুপি চুপি, সম্ভ্রতভাবে।

সাজী পার হইয়া গেল, মেট বলিল,—ঠিক হ্যায়।

লালমারা জুতার শব্দ ক্রমশঃ ক্ষীণ হইয়া আসিল।

কেটে আবার গান ধরিল—

আজকে আমি রাবণ রাজা চৈতনা আজ মন্দোদরী,  
গোঁফ ছুটো ভাই দাও কামিয়ে তবেই প্রেমের ছন্দ ধরি।

হাসির হব্বরা বহিয়া গেল।

সহসা সাইদ হাঁকিল—চোপ. চোপ। আবার নিম্ন কণ্ঠে কহিল,—গান চালাও, ও নিম্নমরকে।

গান চলিল। কেটে প্রব্র কবিয়া যায়, ঠৈতন্ত উঠিয়া গান ধরিয়া বসিকতার পালটা জবাব

দেয়—

গোঁফ কামিয়ে মন্দোদরী ধরবে মুড়ো খাঁটা,

পরের নারী হরণ করার দেখাবে মজাটা।

সবাই হাসিতে লাগিল, গণশা খুব বেশী।

কেটের প্রেমের জবাবটা কিন্তু ও ভাল করিয়া দিতে পারিল না, গোলমালে সারিয়া দিল।

কেটে পালটা গাহিল—

কবি করতে আলি চৈতনা

তবু কি তোয় গেয়ান হৈল না,

আপনকারা বিচার কর ও জবাব কেন কৈল না।

তারপর আবার ধরিল—

তোকে যেতে বজ্রাম ছব্বরাজপুর, তুই চলে গেলি গুঁধরা।

ওগো, তোরা বলে কয়ে মন্দোদরীর হাঁশ করা।

দুবরাজপুর পশ্চিমে গুরুরা দক্ষিণে । কাজেই এবার হাসিটা বিপুল বেগে পড়িয়া গেল ।  
ওদিকে কটকে বাজিল নয়টা ঘণ্টা ।

সমস্ত ঘরখানা আপনি নীরব হইয়া গেল । কবিগান ভাঙ্গিয়া গেল । সব আপন আপন  
বিছানায় গিয়া শুইল ।

কেট আপন বিছানায় গিয়া হাঁপায়, আর ছটফট করে । আবার জর, যন্ত্রণা সব আসিয়া  
বুক চাপিয়া ধরে । জরের আনন্দ আর থাকে না ।

চৈতন্য আর গণনা পাশাপাশি শুইয়া সকলের নিন্দ্রা করে ।

বাহিরে গুমটি হইতে হাঁকে,—এক নম্বর—

এক নম্বর মেট সাইদ গানেব সুরে গণনা শুরু করিয়া দেয়,—এক, দুই, তিন, চার—

এক নম্বরের গণনা শেষ হইলে গুমটির জমাদার হাঁকে,—দো নম্বর ।

পরের পর, পরের পর গানের সুরে গণনা চলে ।

গৌর আসিয়া শুইয়া পড়িল, তার সে ঘোর তখন অনেকটা কাটিয়া গিয়াছে ।

মাস্কি কহিল,—দাস, আমি ভোর বাড়ি—

ওর বুকি এখন আর ঘুম আসিতেছিল না ।

গৌর বিরক্তিতে উত্তর করিল,—ভাগ, রাতহুপুরে ব্যাব্ব ব্যাব্ব । সান্না হাঁকিল,—এক  
নম্বর—

সাইদ হাঁকিয়া গেল,—এক, দুই, তিন, চার—

আর সব নিস্তক, ঘেন মরণ ঘুমে অচেতন ।

## পাঁচ

জেলের পূর্বদ্বার খোঁজিয়া সেলের সারি । ছোট ছোট ঘর, ঘর বলিলে ভুল হয়,—পিঞ্জর,  
খাঁচা ।

হিন্দুস্থানী সিপাই, কয়েদী সকলে এগুলিকে বলে—শের কা পিঞ্জর । ওখানে থাকে খুনী,  
ডাকাত, দুর্দাস্ত আসামী সব, যাহাদের বাহিরে রাখা নিরাপদ নয় । ওগুলিরই তিন নম্বর  
সেলে থাকে একজন সভ্য বাবু-চোর । মোটা টাকা ভাঙ্গিয়া এখন জেলটাকেই বরণ করিয়া  
লইয়াছে ।

ওর ব্যবস্থা সাধারণ কয়েদীর মত নয়, ও বিশেষ শ্রেণীর কয়েদী । ওর ঘরে খাটের ব্যবস্থা,  
তাহার উপর তোশক, বাঁশ । খাওয়া,—তাও উচ্চ শ্রেণীর, কারণ সাধারণ কয়েদী-জীবনে  
ও অভ্যাস নয়,—ওর ভাল খাওয়া, ভাল পরা অতীত জীবনে অভ্যাস ছিল ।

মাস্কিটির ধরন অতি অদ্ভুত,—নিজের মত সগর্বে বলিয়া যায়, মুক্তিও বেশ বিচিত্র । সেদিন  
বিছানায় বলিয়া সিগারেট টানিতে টানিতে বলিতেছিল,—আমি হুনিয়ার ভোগ করিতে এসেছি,

ভাৱ জন্তু অৰ্থ আমাৰ প্ৰয়োজন,—সে আমি যেমন কৰে হোক উপাৰ্জন কৰেছি fair or foul! পাপ! কিসেৰ পাপ? প্ৰায়শ্চিত্ত কৰলে পাপ মুছে যায়! সে প্ৰায়শ্চিত্ত কৰতে প্ৰয়োজন টাকার। টাকা থাকলে সমাজে গো-বধ, ব্ৰহ্ম-বধ, সব পাপেৰ প্ৰায়শ্চিত্ত কৰা যায়; কোৰ্টে জরিমানা দেওয়া যায়। সমাজেৰ ঘৃণা!—সমাজ আবার কি? সমাজ তো একটা ভোগেৰ জায়গা, বোধ হয় হাট বললেই মানেটা বেশী বোকা যায়,—একটা মাৰ্কেট। এখানেও সেই টাকাই হল বড় জিনিস। জান, দুনিয়াটা কাৰ বশ? উত্তৰ ঐ কথাতেই পাবে, খুঁজে নাও। আৰ সাৱ, সমাজ এই দুনিয়াৰ মধ্যেই!

ভাৱ কথা শুনিয়া উপস্থিত সকলেৰ মনে যেন একটা শঙ্কা বহিয়া গেল।

ও আৰও হাসে আৰ বলে,—রাগ কৰো না দাদা! দেখ না, পয়সা ছিল আমাৰ, তাই ভাল খেতে পরতে অভ্যাস কৰেছিলাম; তাৰ ফলে দেখে জেলে এসেও তাতে বঞ্চিত হইনি। এ সেই পয়সাৰ সন্মান। ছোট লোকেৰ গায়েৰ গন্ধ সন্ন না, থাকি আলাদা সেলে; শুয়ে শুয়ে কাঁৱাদও ভোগ কৰি, ধূমপানে বাধা নাই। কিসেৰ জন্তু? ওই টাকা—money, দানা, money is might, money is right, money is light.

ভেপুটি জেলাৰ দাঁড়াইয়া শুনিতেছিলেন। যোষে তাঁহাৰ মুখ লাল হইয়া উঠিল, কহিলেন,—জানেন, এতে আমাদেৰ সন্মানহানি হয়?

লোকটি তেমনি হাসিয়া উত্তৰ দিল,—আজকাল সন্মানহানিৰ প্ৰতিকাৰ কি জানেন তো? —মানহানিৰ নাশি। আৰ মানহানিৰও বিনিময় হয় টাকায়। অবশ্য আমি ভাৱ জন্তু মানুহকে দোষ দিই না; বরং তাঁদেৰ বুদ্ধি অনেক উন্নত হয়েছে মনে কৰি। তারা যে আগেৰ মন্ত মানেৰ জন্তু প্ৰাণ পণ কৰে বসে না, ভাৱ জন্তু congratulate কৰি তাঁদেৰ।

ভেপুটিবাবুৰ মাথায় এৰ উত্তৰ যোগাইল না, হাসিয়া বলিলেন,—আচ্ছা আসি। পাঁচ নম্বৰে সেই সত্যাগ্ৰহী ছেলেটি আবার 'হান্কাৰ স্ট্ৰাইক' কৰে বসে আছে। বলিয়া বাইবাব উপক্ৰম কৰিলেন।

বাবুটি একটি সিগাৰেট বাড়াইয়া দিয়া জিজ্ঞাসা কৰিল, —কেন?

ভেপুটিবাবু হাত পা নাড়িয়া বতচূৰ নিয়াশা প্ৰকাশ কৰিতে পাৰা যায়, কহিয়া বলিলেন,—আৰ বলেন কেন মশায়! সত্যি বলেন আপনি, সব fool-এৰ দল। কবে কোন সেপাই কোন বুড়া কয়েদীকে পেটি মেয়েছে, কাঁদেৰ খাবাৰ ভাল হয় না—যত সব পৰেৰ জন্তু ওদেৰ মাথাব্যথা, আৰ আমাদেৰ মৰণ। বলিয়া নিজেৰ কাজে চলিয়া গেলেন।

বড় লোহাৰ গেট বখন খোলে, মনে হয় একটা বিশাল দৈত্য হাঁ কৰে। ভাৱই মাৰ্কে শক্তিৰ চানে প্ৰবেশ কৰে অপরাধীৰ দল। সেদিন আসিল একটা লোক—ব্ৰহ্ম শীৰ্ষ মূৰ্তি, লম্বা লম্বা পিঙ্গল চুলগুলি জটা বাঁধিয়া গেছে। ধূলি-ধূসৰিত দেহ, তাম্ৰাভ বং, কোটবগত ছোট ছোট চোখ—তাহাতে পিঙ্গল তারা অস্থিৰ ভাবে যুৰিতেছে, দুটি অৰ্ধশূন্ত, কিন্তু যেন ভয়াৰ্ত। চাৰিদিকেৰ সকল ছবিই যেন তাহাৰ কাছে বিভীষণ জাল-সুকাৰী।

হাতে তার হাতকড়ি, কোমরে দড়ি, কপাল-জোড়া মস্ত একটা মস্ত-ক্ষতচিহ্ন,—সর্বদে প্রহায়ের দাগ,—সৌটা কালো কালো দাগগুলিতে অবরুদ্ধ রক্তধারা ভিতরে জমাট বাধিয়া গেছে।

পুলিসের দারোগা স্বয়ং জেলের আফিসে আসামীকে জমা দিতে লইয়া আসিয়াছে।

আহত আসামীটা গেটের রাস্তাতেই অবসন্ন ভাবে শুইয়া পড়িল। সঙ্গে সঙ্গে তাহার চোখ দুইটা নিম্নোক্ত হইয়া আসিল,—সমস্ত চৈতন্যশক্তি যেন তাহার নিঃশেষে ব্যয়িত হইয়া গেছে।

দারোগা জেলারকে সতর্ক করিয়া দিয়া বলিল,—সাবধান, লোকটা কিন্তু বড় ভায়লেন্ট।

জেলার জিজ্ঞাসা করিল,—কেসটা কি ?

—খুন।

—ভাৰ্কাতি করতে গিয়ে খুন নাকি ?

—না। লোকটা ছিল একঘরে। গ্রামের কারুকে মানত না, তাই গাঁয়ের লোক ওকে একঘরে করে। বেটা করলে কি, রাস্তিরে লাগাতে লাগল আশুন। নালিশ হল, ওয়ারেন্ট বেরুল। ও হল ফেরার। ফেরার মানে নিরুদ্দেশ নয়—আজ্ঞ এ-গ্রাম, কাল ও-গ্রাম এমনি আর কি। মোট কথা, ধরতে পারা যায় না। শেষ যেদিন, মানে দিন পাঁচেক আগে, আবার ও গ্রামে দিলে বেড়া-আশুন। সমস্ত গ্রাম পুড়ে ছারখার হয়ে গেল। সেদিন গ্রামের সকল লোক ওর পেছনে করলে তাড়া; তিন দিন পেছনে লেগে লেগে ক'জনে ওকে এক জায়গায় ধরে ফেলে, কিন্তু তাদের মেরে ও আবার পালাল। ওই দেখচেন চিমড়ে চেহারা, কিন্তু দেহে সাংঘাতিক ক্ষমতা মশাই। তার ওপর জাত কামাং, লোহা-পেটা হাত। বাগিয়ে ধরতে পারলে পিষে মেরে দেবে। হ্যাঁ,—সেখান থেকে পালিয়ে ও পাশের গ্রামের একথানা পড়ো-বাড়িতে গিয়ে ঢুকে পড়ে। বাড়িখানা কোঠাবাড়ি। সেই কোঠার ওপরে গিয়ে লুকায়। গ্রামের লোক ধরতে গেল; ওর হাতে ছিল একথানা শাবল, সেই শাবলের ঘাসে সামনের লোকটার মাথা একেবারে চূর করে দেয়। অথচ সে লোকটাও ছিল এরই বন্ধু, বহুমাইশিতে দোসর—

জেলার শিহরিয়া কহিল,—Horrible !

দারোগা বলিয়া চলিল,—বীতংস দৃষ্ট সে মশাই। লোকটার মুখ চোখ খিলু রক্ত—উঃ, শরীর শিউরে উঠছে। লোকটাকে আর চেনবার উপায় নেই। আর সে লোকটা কি জোয়ানই ছিল। খুন হতেই গ্রামের সব লোক দে ছুট। তার পর আবার ও সেখান থেকে পালায়। শেষ সেখান থেকে আমরা তাড়া করে, তিন ক্রোশ দূরে আর একটা গ্রামে, মেরে ঘাসেল করে তবে ওকে ধরি। দেখুন না, কপালের ক্ষতটা আর—পিঠে মায়ার দাগ। ভা-ও ভাগিয়স্ তখন ওর হাতে কিছু ছিল না। আর খুন করে কতকটা অজ্ঞানের মতই হয়েছিল। হ্যাঁ, মায়ের ব্যাপারটা দেখবেন যেন টিকিটে—

জেলার জেল-টিকিটে ওর বিষয়ে লিখিতে লিখিতে একটু হাসিয়া কহিলেন,—আচ্ছা, টিকিট

লেখা শেবই হোক না ; তার পর কি লিখলাম দেখবেন ।

দারোগা জেলাঘের দিকে একটা সিগারেট বাড়াইয়া দিয়া বলিল,—নি্ন একটা সিগারেট খান ।

কাজ শেষ করিয়া দারোগা চলিয়া গেল । একজন সাত্রী আসিয়া তজ্রাচ্ছন্ন আসামীটাকে একটা রুট খাঁকানি দিয়া টানিয়া তুলিল ।

ভয়াৰ্ত্ত চিৎকার করিয়া লোকটা উঠিয়া বলিল । বিহ্বল দৃষ্টিতে চারিদিকে তাকাইয়া যেন সে দেখিতেছিল—কি এটা ।

চারিদিকে অবরুদ্ধ প্রাচীর । লোহার ফটকের মাঝখানে লিক দেওয়া একটা খিলানের মধ্য দিয়া খানিকটা আলো আসে বটে, কিন্তু এতখানি অন্ধকারের মধ্যে সে কতটুকুই বা ! তা-ও যেন গ্লান, ভীত সন্ত্রস্ত ! ওই গ্লান আলোকের সম্মুখে দাঁড়াইয়া গেট-ওয়ার্ডার । মাথায় তাহার পাগড়ি, গায়ে খাকী উদ্দি, বৃকে পৈতায় মত্ত খুলান মোটা শিকল-বাঁধা চাবির খলে ।

লোকটা আতঙ্কে ভয়াৰ্ত্ত বস্ত্র-পত্তর মত দেহটা কুণ্ডলী পাকাইয়া বৃকে হাঁটিয়া সরিয়া বাইতে চেষ্টা করিল । গেট-ওয়ার্ডার গেটের তলায় চাবি ঘুরাইয়া ফটক খুলিয়া দিল ।

ভিতরের ফটকটা খুলিতেই আলোকসম্পাতে রক্তবর্ণ দরজাটা উজ্জ্বল হইয়া উঠিল ।

আসামীর চোখ দুইটা আরও বিস্ফারিত হইয়া গেল ।

জেলায় বলিয়া দিল,—চার নম্বর ডিগ্রী ।

একজন সিপাহী গুকে টানিয়া তুলিয়া কর্ণিল,—আ-য়ো !

লোকটা চলিল, পার হইবার সময় ফটকটার গায়ে একবার সন্তর্পণে হাত বুলাইয়া, চোখের সম্মুখে মেলিয়া অতি নিবিষ্ট চিত্তে দেখিল । তারপর নাকের কাছে লইয়া শুঁকিল । তাহাতেও যেন সে কিছু স্থির করিতে পারিল না ।

আবার ঘন ঘন হাতটা মুঠি বাঁধিয়া ও খুলিয়া দেখিতে লাগিল । হাতটা যেন তাহার চটচট করিতেছে—আঠার মত !

সহসা ওর বিকৃত মুখ হইয়া উঠিল আরও বিকৃত, পাংশু, বিবর্ণ । সমস্ত দেহটা তাহার ভয়ে থরথর করিয়া কাঁপিতে লাগিল । বিস্ফারিত দৃষ্টি তখনও পিছনের ওই রক্তবর্ণ দরজাটার দিকেই নিবদ্ধ ।

জমাদার এবার ধমক দিয়া হাঁকিল,—আরে আ-য়ো—

লোকটা চমকিয়া আবার চলিতে আরম্ভ করিল, কিন্তু সে যেন স্বপ্নে চলা । পথে দুই তিনবার ঠোঁড়র খাইল । রাঙা কাঁকরের পথ ছাড়িয়া কে জানে কেন সে পাশের ঘাসের উপর দিয়া চলিতেছিল, সহসা বলিয়া উঠিল,—আচ্ছা ওটা কি ফাঁসির আসামীর রক্ত ?

খুনী আসামীর ভয়াৰ্ত্ত বিষয়ে সিপাহী আশ্চর্য হইল না । খুনীদের এমন হয় । সে তাহাকে ভাড়া দিয়া আদেশের টানে টানিয়া লইয়া চলিল ।

এই বিশাল প্রাচীর-বেষ্টনীর মধ্যে চারিদিকে যেন মরণের এক কল্পিত ছবি ময়ীচিকার মত

কল্পিত ভয়ংকর হাসি হাসিতেছিল। চলিতে চলিতে শামনের ড্রাম জুলিয়া গিয়া বিহ্বল ভাবে আবার সে জিজ্ঞাসা করিল,—ওই যে ফটকের গায়ে মাথানো রক্ত, টকটকে লাল—

দয়া, মেহ, মায়ী যেমন মাহুষের একটা দিক, তেমনি নির্মমতা, নৃশংসতাও মাহুষেরই আর এক দিক। শৈশব হইতেই সে প্রবৃত্ত মাহুষ আপন বৃকে পুষ্ট করিয়া তোলে। শিশু ফুল দেখিয়াও হাসে, আবার কৌটকে কোমল হাতে দলিয়া মারিয়াও তাহার কম আনন্দ হয় না; তাই মাহুষ অভ্যাসের বশে পশু, পাখি, মাছি শিকারের বস্ত করিয়া লইয়াছে। এটা তাহার খেলা। ইহাতেই তাহার আনন্দ। অভ্যাসের বশে কয়েদীকে শাসন করিয়া সিপাহীর কিছুমাত্র শোচনা হয় না, মাহুষ মারিয়া সৈনিকের বৃকে বাজে না। মাহুষের বৃক বিধিয়া বিজয়ী সৈনিক বাড়ি ফেরে সহজ আনন্দেই এবং আর একটি মাহুষকে—হয়তো বা সে নারী—হয়তো বা সে শিশু—বৃকে জড়াইয়া ধরে। এতটুকু বাধে না।

এর অজ্ঞে সব চেয়ে বেশী দায়ী বোধ হয় সে-ই, যে দাগ টানিয়া টানিয়া এক মাহুষের মাঝে শত জাতি, সহস্র শ্রেণী সৃষ্টি করিয়াছে, শত লক্ষ সূক্ষ্মাতিসূক্ষ্ম বিভাগের সৃষ্টি করিয়াছে।

বিহ্বলের ওই মৃত্যু-কাতরতা-ভরা প্রশ্নে তাই ওই সিপাহীটার মনে বিন্দুমাত্র দাগ পড়িল না। তাহার প্রশ্নের উত্তরে সে অতি স্বচ্ছন্দে একটা নির্মম বাঁকানি দিয়া কহিল,—কেয়া, পাগলা বন্তা হায়—না কেয়া ?

আসামীটা বাঁকানিতে সচেতন হইয়া কহিল,—আজ্ঞে না, পাগল হইনি তো।

—তব, কেয়া বলছে তু ?

—এটা তো জেলখানা ?

পাশেই একটা কয়েদী বলিয়া ঘাস পরিষ্কার করিতেছিল, সে মুচকি হাসিয়া উত্তর করিল,—না, এটা তোর স্বপ্নবাড়ি। ছাকা রে !

লোকটা বিহ্বল দৃষ্টিতে শুধু তাহার পানে ফ্যালফ্যাল করিয়া চাহিয়া রহিল।

কাপড়ের ঘর হইতে তাহার মিলিল ছ'খানা কবল ; গুদাম হইতে পাইল একখানা খালা, একটা বাটি।

সেখান হইতে তাহাকে লইয়া চলিল চার নম্বর সেলে।

পথে একটা পূর্বানো কয়েদী একে কিসকিস করিয়া জিজ্ঞাসা করিল, কিসের মামলা ?

পাগলা হয়তো সে কথাটা স্মরণেই পাইল না। ব্যগ্রভাবে জিজ্ঞাসা করিল,—আচ্ছা, ওই যে ফটকের গায়ে লাল টকটকে রং—ও রক্ত নয় ? ফাঁসির আসামীর রক্ত বৃকি ?

কয়েদীটা বিস্মিতভাবে তাহার মুখ-পানে চাহিয়া জিজ্ঞাসা করিল,—খুন করেছিস ?

সে পাংশু মুখে অতি দ্রুত হাত নাড়িয়া প্রতিবাদ করিল,—না, না, খুন তো করি নাই—

ধমক দিয়া ওয়ার্ডার হাঁকিল,—এই—আ-য়ো, মারে ধাঙ্গড় !

পূর্বানো আসামীটা সঙ্গে সঙ্গে সরিয়া পড়িল। এ লোকটা দ্রুত-পদে সিপাহীর অহুসরণ করিতে করিতে কহিল,—মনে নেই, আমার তো মনে নেই, যা কালীর দিব্যি, আমার মনে নেই। তখন—



ওয়ার্ডার আবার ধমক দিল বিরক্তিতে—আরে !—

—আজ্ঞে, আমাকে চার দিন কুকুরের মত ভাড়িয়ে নিয়ে ফিরেছে। চারদিন কিছু খাইনি  
হজুর,—চার দিন ঘুমোইনি।

সম্মুখে আসিয়া পড়িল এক নম্বর ডিগ্রী,—সেল।

সেলের প্রথমেই একটা অ্যাণ্ডিসেল, তারপর সেল। অ্যাণ্ডিসেলগুলি ঘরের বারান্দার মত।  
কিন্তু সেগুলিরও চারিদিক ঘেরা,—শুধু মাথার ওপরটুকু খোলা।

অ্যাণ্ডিসেলের দরজাটা খোলা ছিল। ভিতরে লোহার গরাদে ঘেরা দরজা, তা-ও খোলা।  
ভিতরের কয়েদীটাকে একটু আলো বাতাস ভোগ করিবার অবসর দেওয়া হইয়াছে। কিন্তু  
কয়েদীটার সে তৃষ্ণা ঘেন নাই। আপন বিছানার উপরে সে লম্বা হইয়া পড়িয়াই ছিল।  
লোকটা 'লালটুপি'।

ভাকাতি ও ব্যভিচারের অপরাধে উহার বারো বৎসর মেয়াদ হইয়াছে। কিন্তু দুর্দান্ত  
লোকটা জেলের মধ্যে থাকিয়া\* পরিতপ্ত হইতে পারে নাই; প্রথম বৎসরই একদিন সে জেল  
হইতে পলাইবার চেষ্টা করে। তারপর ধরা পড়িয়া মেয়াদ আরও বছর দুয়েক বাড়িয়া  
গেছে। তাই ওকে চিহ্নিত করিতে মাথায় উঠিয়াছে লাল টুপি, বাস হইয়াছে পিঞ্জরে—  
ওই সেলে।

লোকটা শুইয়া শুইয়া আপন মনে গান করিতেছিল—

'লাল গামছা ডুরে শাড়ি কিনতে হবে হাটে,

বউটি আমার দাঁড়িয়ে কাছে গাঁয়ের ধারে মাঠে।'

ছায়া-নিবিড় গ্রামপ্রান্তে পদাচরু-আঁকা শীর্ণ একটি পথেরখার পাশে কোন প্রতীক্ষমাণা  
তরুণীর সতৃষ্ণ-নয়নের ছবিটিই বৃষ্টি আজ হতভাগ্যের নিঃসঙ্গ নিঃশব্দবনের একমাত্র সঞ্চল।  
তাই বারবার সে ওই গানটিই গায়। ওর বৃকের ভিতরের কোমল মাহুঘটি ওই ছবিটির  
ছায়াতেই অতি কষ্টে বাঁচিয়া আছে। এত বড় বৃকের আর সবখানা দখল করিয়া আছে  
নির্মম, নৃশংস-মাহুঘ।

বাহিরে সজ-আগত শূলিধুমস্নিত ওই বিহ্বল মাহুঘটিকে দেখিয়া অকস্মাৎ তার ভিতরের  
কঠোর মাহুঘটি ঘেন কোঁতুকভরে আগিয়া উঠিল। গান ছাড়িয়া সে জিজ্ঞাসা করিল—আরে,  
এ কে এল ?

খুনী আসামীটি তাহার দিকে তেমনি বিহ্বল-দৃষ্টিতে চাহিয়াই রহিল। 'লালটুপি' আবার  
জিজ্ঞাসা করিল,—ভাকাতি, না খুন ? কি সাক্ষাত, কথা কইচ না যে ?

ওয়ার্ডার 'লালটুপি'কে একটা ধমক দিয়া কহিল,—চুপ রহো।

'লালটুপি' ধমকে ভয় পাইল না, ব্যঙ্গ করিয়া দাঁত মেলিয়া হাসিয়া উঠিল।

খুনী আসামীটা ধমক শুনিয়া অস্তভাবে বলিয়া উঠিল,—কিছুই তো মনে নেই ! মা কালীর  
দ্বিবি—

'লালটুপি' এবার উচ্চরোলে হো হো করিয়া হাসিয়া উঠিল। বলিল,—সাক্ষাত বড় পেশানা। হোঃ-হোঃ-হোঃ—

এদিকে তাহার হু'জন আসিয়া পড়িল হু'নম্বর সেলের সম্মুখে। তখনও 'লালটুপি'র নির্মম হাসিটা শোনা যাইতেছিল।

হু'নম্বরে একটা খিটখিটে রোগা লোক উদ্ভব হইয়া খাড়া দাঁড়াইয়া আছে। উপরে দেওয়ালে-আবদ্ধ হাতকড়িতে তার হাত দুইটা আটকানো। জেলের আইন ভঙ্গ করার অপরাধে 'স্ট্যাণ্ডিং হ্যাণ্ডক্যাক'—খাড়া-হাতকড়ি সাজা দেওয়া হইয়াছে।

লোকটার চোখ দুইটা যেন ঠেলিয়া বাহিরে আসিয়া পড়িয়াছে। বুকের প্রকট পঙ্করগুলো অবশ পদের শিথিলতার নীচের মাটির টানে ও উপরের হাতকড়ির টানে হাপরের মত প্রতি নিঃশ্বাসে নিঃশ্বাসে ঢুলিতেছে; মনে হয় এখনি ফাটিয়া যাইবে বুক।

ছবিটা দেখিয়া মনে হয়, জননীর বক্ষ হইতে যেন সম্ভান কাড়িয়া লইতে চায় কোন বিজয়া সৈনিক। নীচে বুক পাতিয়া টানে অনন্ত বাৎসল্যময়ী ধরিত্রী-জননী, আর উপরে টানে শক্তির লৌহ-শৃঙ্খল।

ওর ছবি দেখিয়া নতুন আসামাটা ভয়ে চিৎকার করিয়া উঠিল। ওর মনে হইল, লোকটা বুক ফাঁসি কাঠে ঝুলিতেছে।

ওয়ার্ডারটির আর সহ হইল না। কোমরের পেটি ওর পিঠে সজোরে চালাইয়া শাসন করিয়া দিল।

তখনও চোখের সম্মুখে বোধ করি সে সেই ছবিই দেখিতেছিল; অতি আতঙ্কে স্থানকাল হারাইয়া সে ছুটিয়া পলাইতে চাহিল।

সিপাহী তাহার চুলের মুঠিতে ধরিয়া টানিয়া লইয়া চলিল তিন নম্বর সেলের সম্মুখে দিয়া।

তিন নম্বরে থাকে সেই বাবু-চোরটি।

লোকটা তখনও অতি-আতঙ্কে তেমনি চিৎকার করিতেছিল। চিৎকারে বাবুটি বিছানার উপর উঠিয়া বলিয়া সিপাহীকে জিজ্ঞাসা করিল,—কে ?

একটু সন্ত্রমের সহিতই সিপাহী জবাব দিল,—খুনী আসামা, বহুত বদমাশ! ভাগনেকো মতলব।

বাবুটি হাসিয়া কহিলেন,—ভয় নেহি দাদা, ছোড় দেও। জেলখানাকে পাঁচিল নিদ্ নেহি বাতা, হরদম খাড়া হ্যায়। ভাগেগা কাহা ?

সিপাহী রহস্যটা বুঝিয়া হাসিয়া ছাড়িয়া দিল। আসামাটা এতটুকু করুণা পাইয়াই আরও করুণার আশায় বাবুটির সেলটাতেই গিয়া ঢুকিয়া পড়িল। সিপাহী আবার তাহাকে ধরিতে যাইতেছিল, বাবুটি ইঙ্গিতে নিবেদন করিয়া নিজের হাতের সিগারেটটি আসামাটার দিকে

ছুঁড়িয়া দিয়া কহিল,—নে, থা!

সিপাহী কহিল,—নেহি বাবু, এইস্তা রুল—

বাবুটি হাসিয়া কহিল,—আরে যানে দেও ভেইয়া! নে-নে, নে বেটা টেনে নে, গলায় রস হবে।

সিপাহীকে কহিল,—মিঠাই লে যাইও সিপাহীজী!

সভয়ে বাবুটির মুখপানে তাকাইতে তাকাইতে সস্তর্পণে আসামীটা আধপোড়া সিগারেটটায় দুইটা টান দিল। শক্তি দৃষ্টি, সর্বাঙ্গ তাহার কাঁপিতেছিল। একটা নির্ধাতনের ভয়ে সর্বদাই সে যেন অস্থির।

বাবুটি জিজ্ঞাসা করিল,—কাকে খুন করেছ? বেটা বুঝি কুপণ, বড়লোক ছিল? কত টাকা পেলে?

—দারোগা বাবু!

বাবুটি হাসিয়া বলিল,—আমিও চোর, দারোগা নই।

কথাটা যেন তাহার বিশ্বাস হইল না। পরম বিস্ময়ভরে নিজের মনেই কহিল,—চোর! চোর খাটে শোয়!

কথা শুনিয়া বাবুটি হাসিতে চেষ্টা করিল, কিন্তু ওই বিহ্বল, বিস্ময়ভরা দৃষ্টি তাহার সে প্রচেষ্টা ব্যর্থ করিয়া দিল। তাহার মনেও যেন ওর ওই দীর্ঘনিঃশ্বাসের মতই একটি ব্যথিত আন্তরিকতা জাগিয়া উঠিতেছিল। কিন্তু তাহার সহজাত লজ্জার সংস্কার মুহূর্তে খাড়া হইয়া আপন অস্তিত্বের সাড়া জানাইয়া দিল। বাবুটি মুখ কালো করিয়া ধমক দিয়া কহিল,—ভাগ্, ভাগ্ বেটা খুনী!

সিপাহীটা তাহাকে টানিয়া লইয়া চলিল। কাতর ভাবে লোকটি বাবুটির মুখপানে চাহিয়া কহিল,—বাবু!

বাবু কহিল,—ভাগ্!

বলিয়া সে নিজেও উপুড় হইয়া বিছানায় শুইয়া পড়িল।

এয়া আসিয়া পড়িল চার নম্বরে।

পাঁচ নম্বর সেলে নরু কব্বলের উপর শুইয়া ছিল। সে অনশনব্রত লইয়া আহাৰ পরিত্যাগ করিয়াছে। ডেপুটি জেলার, সুপারিন্টেণ্ডেন্ট সাহেব সাধ্যসাধনা করিয়া গেছেন। সে আহাৰ গ্রহণ করে নাই।

একটা সিপাহী আপন বুদ্ধিমত সরল সত্য তাহাকে বুঝাইয়া গেছে,—ইসমে কেয়া ফায়দা বাবু! জান যায়গা আপকা, হুনিয়া যায়সা চলতে রহা ঐসি মজ্জেমে চলতে রহেগা।

নরু শুইয়া শুইয়া আপন মনে সেই কথাটাই ভাবিতেছিল। এত জনের এত কথার মধ্যে তাহার এই কথাটাই ভাবিয়া দেখিবার যোগ্য বলিয়া বোধ হইয়াছে। রক্ত দেহভার মরণ-খেলার প্রতি মুহূর্তে লক্ষ কোটি জীবের অস্তিত্ব মমতাময়ী স্নন্দরী ধরণীর বুক হইতে মুছিয়া

বাইতেছে। কে কাহার খোঁজ রাখে ? এই মুহূর্তের শোকাশ পর মুহূর্তের হাসির উচ্ছ্বাসে ডুবিয়া যায়।

ভাবিতে ভাবিতে নরু সহসা আপন মনেই হাসিয়া উঠিয়া বসিল।

হঠাৎ তাহার নজরে পড়িল,—পিপীলিকার একটা সারি। তাহারই অভুক্ত আহাৰের কয়টা কণা মেঝের উপর পড়িয়াছিল, তাই লইয়া তাহার মহাব্যস্ত। আবার এই আহাৰের কণা লইয়াই তাহাদের মধ্যে খণ্ডখণ্ড বাধিয়া বাইতেছে। সারিটা চলিয়া গিয়াছে ওই দেওয়ালের মাথা পৰ্বন্ত। সেখানে আবার আর এক কৌতুক ! একটা টিকটিকি ছাদ হইতে মধ্য মধ্য লাফ দিয়া আসিয়া উহাদের ধরিয়া ধরিয়া খাইতেছে। বহুকণ একদৃষ্টে নরু এই কৌতুক দেখিল।

ও-ঘরের খুনী-আসামীটার মূৰ্ছিত আর্তচিৎকার তখনও ভাসিয়া আসিতেছে।

তিন নম্বরের বাবুটির গলাও শুনা গেল ; অত্যন্ত বিরক্তিভরে কহিতেছে,—আজই ওকে ফাঁসি দেওয়া উচিত।

আবার সহসা উচ্চকণ্ঠে ধমক দিয়া উঠিল, Shut up you scoundrel !

ছাদ হইতে খসিয়া-পড়া পলস্তারার একটা টুকরা দিয়া নরু মেঝের উপর দাগ দিতে দিতে লিখিতে লাগিল—

“মাছঘের ভয়,—

সে তো কত মরণকে নয় !

দুর্ভেদ্য তমসা-মাথা আবরণ তার

ভয় সেই ; ভয় শুধু তাই অজানার।”

বাহিরে তালা বন্ধ করার শব্দ হইল। দিনের আলো বাহিরে মান হইয়া আসিয়াছে। সেলের ভিতরে অন্ধকার ধীরে ধীরে আসন পাতিয়া বসিতেছে। নরুর সেদিকে দৃষ্টি নাই। সে আপন মনেই লিখিয়া চলিয়াছে,—

\*কে,—কে,—কে দিবে সে রূপ পরিচয়,

মাছঘের করিতে নির্ভয় ?—

ছয়

খুনী আসামীটা সেলের এক কোণে গুঁড়ি মারিয়া বসিয়াছিল।

বল্ল-আলোকিত নির্জন সেলটার ভিতর একটা নিরাপদ আশ্রয় পাইয়াছে মনে করিয়া সে যেন বেশ একটু নিশ্চিন্ত বোধ করিল। কিন্তু দিনান্তের যে স্তিমিতপ্রায় আভাটুকু ঘরের অন্ধকাররাশিকে দ্বন্দ্ব স্বচ্ছ করিয়া রাখিয়াছিল, সেটুকুও ধীরে ধীরে মিলাইয়া বাইতে শুরু করিল। যত্নে যেমন জীবের মেঘে রুদ্র-রূপের কালো ছায়া ফেলিয়া ধীরে ধীরে জীবনকে

তার নিঃশেষে গ্রাস করিয়া ফেলে—চারিদিক হইতে তেমনি একটা তরল অঙ্কবায়ের স্রোত  
ক্লে ক্লে ওই আলোকভাটুককে গ্রাস করিবার জন্যে সম্ভরণে আগাইয়া আসিতে লাগিল।

বাহিরে সেলের পর সেলে তালা বন্ধ হইতে লাগিল। তালা চাবির খটাখট শব্দ,  
লৌহ-শৃঙ্খলের ঝনঝন ওকে যেন স্থান কাল, বর্তমান ভবিষ্যৎ, সব স্মরণ করাইয়া দিল; ওর  
মনে পড়িয়া গেল এটা জেলখানা, সম্মুখে ওর—ফাঁসি, মৃত্যু।

সে বুক চাপড়াইয়া আতর্জনাদ করিয়া উঠিল,—হায় হায়, আমি এ কি করলাম গো! এ  
আমি কি করলাম!

সহসা ওর সেলের দরজায়ও শব্দ হইল; ওর করণ আক্ষেপও সঙ্গে সঙ্গে বন্ধ হইয়া গেল।  
কোনও আশায় নয়—একটা নির্ঘাতনের আশঙ্কায়।

সেলের দরজাটা খুলিয়া প্রবেশ করিল কয়েদী পাচক, আর তার পিছনে আলো লইয়া  
প্রহরী।

—খালা পাত—খালা। ভাত নে—

আসামীটা পাচকের পানে বিমূঢ়ভাবে তাকাইয়া রহিল, সে তাহার কথা কিছু বুঝিতেহ  
পারে নাই যেন।

সঙ্কের সিপাহীটা ধমক দিল,—এই, খালি নিকালো!

খালাটা সম্মুখে পড়িয়া, অখচুলোকটা বিহ্বলের মত চারিপাশে খুঁজিতে লাগিল। ওর  
মনের মধ্যে হয়তো খালার ছবি জাগিতেছিল না, জাগিতেছিল ওই যমদূতাকৃতি সিপাহীর নির্মম  
মুতিটা।

সিপাহীটা অগত্যা কয়েদী পাচকটিকেই বলিল,—দেও, দেও, তুমিই খালাটো লিয়ে দিয়ে  
দেও।

খাবার দিয়া পাচক ও সিপাহী চলিয়া গেল। বাহিরে তালা চাবি শিকলের ঝনঝন শব্দ  
ভিতরের বন্দীটিকে আবার শঙ্কাতুর করিয়া তুলিল। সম্ভ্রপিত দৃষ্টিতে ওই শব্দ লক্ষ্যে সম্মুখের  
বন্ধ-দ্বারের অঙ্ককার পানে চাহিয়া আসামীটা ভয়ে ধরধর করিয়া কাঁপিতে লাগিল। সহসা  
তাহার দৃষ্টি পড়িল রাখিয়া-মাওয়া সম্মুখের ওই খালাটার উপর।

অস্থির চক্ষে তাহার একটা বিচিত্র দৃষ্টি খেলিয়া গেল। ব্যগ্র বাহু বাড়াইয়া সে খালাটা  
টানিয়া আনিল আপন বকের তলায়। তার পর অতি ভীক লোলুপ-বুজুকায় ঘন ঘন গ্রাসে  
সমস্তটাই যেন ও একনিঃশ্বাসে শেষ করিয়া ফেলিতে চাহিল। ঋশানচারী শৃগাল যেমন অপরের  
লুক্ক দৃষ্টি বাঁচাইয়া সতলক্ক শব্দেহটাকে গ্রাসের পর গ্রাসে নিঃশেষে উদরস্থ করিয়া ফেলিতে চায়,  
ঠিক তেমনি ওর ভীকতা, তেমনি লোলুপতা, তেমনি ব্যগ্রতা। সে গ্রাস করিতে চায় কিন্তু গিলিতে  
পারে না; রসনা রসহীন, লালাহীন জিহ্বাগ্র হইতে সমস্ত বুকটা যেন শুক্ক মরুভূমি,—হ হ  
করিতেছে। ভুক্ত আহাৰ্ষ সমস্তটা উগারিয়া ফেলিয়া দিয়া, রাটির জলটা ঢকঢক করিয়া নিঃশেষে  
পান করিয়া ও মাটির বকের উপর এলাইয়া পড়িল। উদগরীত উচ্ছ্বিত গায়ে, হাতে, সর্বদলে  
লাগিয়া গেল; সেদিকে দৃষ্টি নাই, হাত মুখ পর্বস্ত ধুইবার খেয়াল নাই—বুঝি শক্তিও নাই।

ক্লান্তি—ক্লান্তি, হারুণ অবলাদ !

দেখিতে দেখিতে বিশ্বরাজ্যের ঘুম আলিয়া যেন ওকে আচ্ছন্ন করিয়া ফেলিল।

—ওঠো, ওঠো, ওগো, শীগগির ওঠো—

ও ভাড়াভাড়ি উঠিয়া দেখে,—ভয়ঙ্কর বাসিনী।

হ্যা, সেই তো! সেই কালো পাথরে খোদা সেই স্কন্দর রূপ, সেই বড় বড় চোখ, নাকে সেই তারই দেওয়া ওপেলের নাক-ছাবিটি, কানে লাল পাথরের সেই ছুটি টিপ! সেই চলকো লালপেড়ে শাড়ি, সেই পানের রঙে রাঙা ঠোঁট! বাসিনীই তো!

ও বাসিনীকে বৃকে জড়াইয়া ধরিয়৷ জিজ্ঞাসা করিল,—বাসিনী, কেউ দেখেনি তো? ভোর বাবা, দাদা—

বাসিনী অতি দ্রুতভাবে আপনাকে মুক্ত করিয়া লইবার চেষ্টা করিয়া বলিল,—না, আজ আমাদের বাপী-পাড়ায় ভাসান গান হচ্ছে। তুমি বেরিয়ে এস শীগগির।

—কেন?

—ঘরে শেকল দিয়ে আশুন দিয়ে পুড়িয়ে মারবে তোমাকে।

—কে?

—মাবার কে? সে মুখপোড়া রাখাল মজুমদার। আজ সে-ই আমাদের পাড়ায় ভাসান গানের পয়সা দিয়েছে। আমাদের বাড়ির পেছনে ছুঁদলে বসে সব পরামর্শ করছে, আমি শুনে এলাম। আর একটু বাদে তোমার ঘরে আশুন দেবে, আর আমাকে ধরে নিয়ে যাবে।

বাসিনী কোঁপাইয়া কাঁদিয়া উঠিল।

নিজের বৃকে বাসিনীর মুখখানি আরও জোরে চাপিয়া ধরিয়৷ সে বলিল,—কার সাধি? কালী কামার বেঁচে থাকতে কোন শালার সে সাধি নেই। বোসু তুই এখানে।

—না না, তুমি বেরিয়ে এস, ওরা শেকল দিয়ে ঘরে আশুন দেবে।

একটা বিপুল সাহসের যুহু হাসি হাসিয়া কালী কহিল,—আচ্ছা চল।

তখনও তারা বেশী দূর যায় নাই। বাসিনী পিছন ফিরিয়া সহসা আতঙ্কে চিৎকার করিয়া উঠিল,—ওই দেখ, আশুন দিয়েছে—

কালী ফিরিয়া দেখিল, হ্যা আশুন! তাহারই ঘরখানা জলিতেছে।

ভয়ে ভয়ে বাসিনী বলিল,—ওগো, আমি যাই, এখুনি লোক লমবে!

আর একবার আশুনটার পানে চাহিয়া ও বলিল—আচ্ছা যা, সাবধানে থাকিল।

বাসিনী চলিয়া গেল।

কালী নিজের প্রজ্বলিত বাড়িটার দিকেই আগাইয়া চলিল।

ওই যে, ওই যে ঘরের আশুন সমস্ত গ্রামখানা দাউ দাউ করিয়া জলিতেছে,—ওই যে শূন্য পথ বহুদূর আলোর আলোময় হইয়া বসিয়াছে, উপরে আকাশ নিবিড় কালো; নীচের অন্ধকার

আলোর ভয়ে উপরে গিয়া জমাট বাধিয়াছে।

ওই—কোলাহল!

হাঃ হাঃ হাঃ, চমৎকার,—পোড়াও, কালী কামারকে পুড়িয়ে মার! কেমন, তোমাদের দেওয়া আগুন তোমাদের বৃকে কেমন ছড়িয়ে দিয়ে এসেছি!

জল, জল, জল!

হাঃ হাঃ, জল শুকিয়ে গিয়েছে; তোদের অধর্মে পাপে বোশেখের সৃষ্টি জল শুবে নিয়েছে। কাঁদ, কাঁদ, চোখের জলে নেভে তো দেখ।

ওই, ওই, রাখাল মজুমদারের ঘর জ্বলছে,—ওই উঁচু তেতলা ঘর। ওঃ আগুনটা ঘন আকাশ ছোঁয় ছোঁয়! কি লাল! পাকা পাকা শাল কাঠ, রং দেওয়া দরজা,—শুধু কি তাই, কত গরিবের বৃকের রক্ত—লাল হবে না! নিবি, শালা বুড়ো যথ, বাসিনীকে কেড়ে নিবি?—বামুন হয়ে বাগদীর মেয়ের উপর লোভ! খুব খাও বাবা ব্রহ্মদেব, খুব খাও।

ও কি? আগুনের আলোয় দেখা যায় নড়ে চড়ে—ও কি? মাহু? হ্যাঁ মাহুই তো! গ্রাম ছেড়ে পালায় বৃকি!—

তাই, তাই ঠিক। আগুনের আঁচ সওয়া কি সোজা কথা! পাকা পাকা শাল-কাঠ পুড়ছে, রং পুড়ছে, কাঁসা—ভাল ভাল খাগড়াই বাসন গলে টলটল করছে, লোহা গলছে, বাবান্দার রেলিং, লোহার শিশুক, তার ভেতরে টাকার কাঁড়ি, সোনার গয়না গলছে, গুলে টগবগ করে ফুটেছে; সে কি সোজা আঁচ! খানিকটা লোহার আঁচেই কালী কামারের বৃকটা সদাই তপ্ত বাঁ বাঁ করে, বৃকের রোঁয়াগুলো পুড়ে যায়,—আর, এ বাবা রাশি রাশি লোহা, পেতল, কাঁসা, তামা, রূপা, সোনা!

কেমন, যাও রাখাল মজুমদারের তাঁবেদারী করগে যাও,—কালী কামারকে একঘরে কর, তার ঘরে আগুন দাও, দাও! হাঃ হাঃ—

ওকি? ওরা যে এ দিকেই আসে! ধরতে আসে না-কি?

হ্যাঁ, ওই যে শোনা যায়—‘ওই—ওই শালা কামার, ধর, পোড়াব শালাকে আজ; ওই জলস্ত ঘরে হাত পা বেঁধে ফেলে দেব! ধর—ধর’—

ওই যে লোকগুলো মতায়ী ছুটিয়া আসিতেছে!

লোহার মত বৃকখানাও ওর কাঁপিয়া উঠিল, অসম্ভব দ্রুতবেগে স্পন্দিত হইতে লাগিল; ও নিজেও যেন সে শব্দ শুনিতে পাইতেছিল। বেচারী পলাইতে চেষ্টা করিল, কিন্তু যেন পায়ে পায়ে বাধিয়া যায়; ছুটিতে পারিল না।

উষেগে আশঙ্কায় ওর বৃকটা আরও দ্রুত স্পন্দিত হইতে লাগিল। কিন্তু আর দ্রুত চলিবার শক্তিও বৃকি সে যন্ত্রটার নাই, এইবার বৃকি একেবারে থামিয়া যাইবে!

সহসা ভাস্মা টুটিয়া গেল, ও উঠিয়া বসিল, সর্বান্ন ওর বোঁপাশুত হইয়া গেছে, আকর্ষ ছুকা!

উঃ—জল, জল, জল!

অন্ধকারে বৃকে হাঁটিয়া লোকটা মেঝেটা হাতড়াইয়া কিম্বিতে লাগিল, জলের বাটিটা হাতে

লাগিয়া উলটাইয়া গেল, সামান্য যে জলটুকু ছিল সেইটুকুও মেঝের উপর গড়াইয়া পড়িল।

ওর হাত পড়িল ওই স্বল্প সিন্ধুতাটুকুর উপর—আঃ, জল, এই যে জল!

পল্লব মত মেঝের জলটুকু ও জিত দিয়া চাটিয়া খাইতে শুরু করিল।

কতটুকু, কতটুকু,—আর নাই, আর নাই যে!

হতাশ ভাবে ওই সিন্ধুতাটুকুর উপরেই ও শুইয়া পড়িল।

আঃ, ঠাণ্ডা ঠাণ্ডা! জুড়াইয়া গেল, আঙনের আঁচে ঝলানো দেহখানা ওর যেন জুড়াইয়া গেল!

আঃ, বাঁচিয়াছে সে, এমন ঠাণ্ডা জায়গা, আর এমন গোপন স্থান!—অন্ধকার, নিজেকেই নিজে ও দেখিতে পাইতেছে না, এখান হইতে কে খুঁজিয়া বাহির করিবে?—খোঁজ, খোঁজ, খুব খোঁজ শালারা—

বাহিরে ফটকের ঘণ্টায় বারোটা ষা পড়ে।

এ সময় পাহারা বদল হয়—অনেক ক’টি তৎপর পদের বুটের আওয়াজে বাঁধানো ফালি-রাস্তাটা মুখর হইয়া উঠে, দরজার তালাগুলি ঘটাঘট শব্দে টানিয়া দেখা হয়। ভিতরের লোক অন্ধকার ওই কঠিন শব্দধ্বনিতে যেন শিহরিয়া উঠে; বন্দিশালায় ভিতরের বন্দীগুলার মতই যেন তাহারও ভঙ্গী টুটিয়া যায়।

ওই আওয়াজে জেলের খুনী আসামীটির সত্ত-আগত তন্দ্রাটুকু ছুটিয়া গেল। বেচারী জমাট অন্ধকারের মাঝে দৃষ্টি বিক্ষারিত করিয়া বিহ্বলের মত দেখিতে লাগিল—এ কোথায় সে!

অন্ধকার—সুধু অন্ধকার! সহসা অ্যাণ্ডিসেলের দরজার ঘুলঘুলি দিয়া কে একটা আলোক-রশ্মি নিক্ষেপ করিল। ওই রশ্মিটুকুতে তার নজরে পড়িল—গরাদে-ঘেরা পিঞ্জর-ঘারের মত কুকঠিন দরজাখানা আর চারি পাশের নির্মম পাষাণ-বেষ্টনী।

সব মনে পড়িয়া গেল। জেলখানা, ফাঁসি!

উঃ, গলায় দড়ি দিয়া ঝুলাইয়া দিবে; গলাটা সরু, লম্বা হইয়া যাইবে, চোখ দু’টা বিক্ষারিত বীভৎস—হয়তো বা ঠেলিয়া বাহির হইয়া আসিবে; কত যন্ত্রণা—উঃ কত যন্ত্রণা!—হয়তো বা শেষ মুহূর্ত পৰ্ব্বন্ত বাঁচিয়া থাকিবার ক্ষণ কত বার্থ চেষ্টাই তাহাকে করিতে হইবে।

সতাই তাহার দম বন্ধ হইয়া আসিতেছিল যেন! নাসারন্ধ্রের লওয়া নিঃশ্বাসে আর ফুলায় না,—মুখখানা আপনি হাঁ হইয়া যায়,—জিভটা বাহিরের দিকে টানে যে! বাঁকিয়াও যাইতেছে যে!—

কি বীভৎস,—কি ভয়াবহ!

বুক চাপড়াইয়া ও কাঁদিয়া উঠিল। বাহিরে সাত্তী হাঁকিল,—খবরদার!

তাহার আর কাঁদা হইল না! কিন্তু সে ভাবিতেও যেন আর পারে না। চূপ করিয়া আচ্ছন্নের মত মেঝের ওই সিন্ধুতাটুকুর উপরে ও পড়িয়া রহিল।

বাহিরে সব নিস্তব্ধ হইয়া গেছে, স্পর্শপূর্ব্বের আলোকে শব্দে বিচ্ছিন্ন রহস্য আবার যেন



ধনীভূত হইয়া উঠিয়াছে। শুধু রজনী প্রবাহের একটা কীর্ণ অবিচ্ছিন্ন স্বর আর মাঝে মাঝে নির্দিষ্ট সময়ান্তরে ওয়ার্ডারের বৃটের আওয়াজ বাজিয়া চলিয়াছে—খট্—খট্—খট্—খট্।

শ্রান্ত চোখ দুইটা তার আবার তন্দ্রায় মুজিত হইয়া গেল, আবার বাস্তবের ভূঃসহ স্মৃতি নিজের প্রশান্তিটুকু তার বিভীষিকায় পূর্ণ করিয়া দিল।

—বিশ্রাম, বিশ্রাম, একটু বিশ্রাম—তা না হইলে আর প্রাণ যে বাঁচে না!

—এইখানে, ই্যা, এইখানেই বেশ নির্জন, এই অন্ধকারে এই প'ড়ো-বাড়িটার এই দোতলা কোঠাঘরে একটু বিশ্রাম। এখানে আর কে সন্ধান পাইবে?

চারি রাত্রি ঘুম নাই, চারি রাত্রি ;—তিনটা দিন বিশ্রাম নাই, সোয়ান্তি নাই, ছুটিয়াছে, কেবল ছুটিয়াছে—প্রাণের জ্ঞান শিয়াল কুকুরের মত ছুটিতে হইয়াছে। ঘুমে যে চোখ আশনি মৃদিয়া আসে!

তাই হোক,—ঘুম আসে আসুক।

এই যে একটা শাবল ;—থাক শাবলটা হাতের গোড়ায়।

—তোরা আমার ঘরে আগুন দিলি, আমি দেব না?

—আয় না সব দেখি—একা একা আয়, কে কেমন মরদ দেখা যাক! দেব শাবলের ঘায়ে পিণ্ডি পাকিয়ে!

—আমার জেল হলে তোদের হবে না? হাকিম যখন জিজ্ঞাসা করবে, তোদের ঘরে না হয় আগুন দিলে ও, কিন্তু প্রথমেই ওর ঘরে আগুন দিলে কে? নিজের ঘরে তো নিজে কেউ আগুন দেয় না! তখন?

—আমিও বলব, আগুন দিইনি হজুর, ঘরের আগুন ঘরে লেগেছে, কাউকে লাগাবার দরকার হয়নি। তোরাই যাবি জেলে, আমি খালাস!

—এবার বাসিনীকে নিয়ে গ্রাম ছেড়েই চলে যাব। যেখানে খাটব সেইখানে ভাত! বাসিনী! আঃ, সে কি সুন্দর কালো-পাথরে খোদাই করা চেহারাখানি, কি চলচলে চোখ, কি চুল—

—ও কি? বাইরে ও-শব্দ কিসের?

চাপা গলায় বাহিরে যেন কারা কথা কয়!

—ঠিক তাই, ওই যে বলছে এই ঘরেই। আমি একটু তফাতে ছিলাম, ওপরের কোঠায় ঢুকছে।

উঃ, এখানেও? এ তো রামা গয়লা!

ওই আবার কে কয়,—‘থাক, তোরা চারিপাশ ঘিরে থাক, যেন জানলা-টানলা দিয়ে না পালাতে পারে, আমি ওপরে উঠছি।’

এ যে ভূপতি মিত্রী, মিতে ভূপতি!

উঃ—, সে সুন্দর ওদের সাথে জুটেছে! শয়তান, ছনিয়াসুন্দ সব শয়তান। বন্ধুঘের দাম

নেই, কাউকে বিশ্বাস নেই। ওর পায় কাঁটা ফুটলে আমার সহিতো না! আচ্ছা, হুহু পয়োয়া নেই, আর, আমিও কালী কামার; কই, এই যে শাবল। শালা হাত্তির মাথা চুব করে দেব।

নীচে তখনও যেন জল্পনা-কল্পনা চলে, 'না না, ভূপতি, ওপরে যেয়ো না, বে-কারদার কি জানি—'

'কিছু ভয় নাই।'

'ভবু, কাজ কি? পুলিশে খবর তো গিয়েছে।'

'না, ওকে না মেয়ে আমার মনের জালা মিটছে না। আমার সর্বনাশ করেছে ও, আমি ওর কি করেছিলাম? জান, সমস্ত গাঁয়ের ফাতেও ওকে আমি ছাড়িনি, তার ফল এই! দেখব আজ ওর কত হিম্মৎ!'

উপরে ও গর্জিয়া উঠিল,—হিম্মৎ? আও, চলা আও! ওঃ, হাতের শাবলটা নাচে যে! না, মিতে—মিতে—

ভূপতি বলিল, হ'শিয়র তোরা, আমি উঠছি, ভূপতি মিল্কীর হিম্মৎটা দেখাব আজ।

—খবরদার ভূপতি! মেয়ে ফেলব, খুন করব, খবরদার—

—খবরদার কেলে! ধরা দে বলছি ভালোয় ভালোয়, নইলে জানে মেয়ে দেব। আর তোর পালাবার পথ নেই—

কালী ভাবিল, ধরবে! ওই জানলা দিয়ে পালাই, কিন্তু নীচেও যে লোক, তবে? ধরলে ওরা নিশ্চয় সেই আগুনে ফেলে দেবে। ওই এল, কি করি, কি করি? এই যে শাবল হাতে রয়েছে, মার—

ওই পড়েছে! কেমন? ইস, ওকি? মূতুটা চেপটে বসে গেল! ঘিলু, রক্ত,—ইঃ—ইঃ—এখনও নড়ছে, এখনও নড়ছে,—উঃ—উঃ—

দারুণ বিভাবীকার তাহার স্বপ্নানু তন্দ্রা আবার টুটিয়া গেল, পাগলের মত ও উঠিয়া বসিয়া পড়িল। কিন্তু তার চোখের বিভাবীকার ঘোর তখনও কাটে নাই—

—এই যে, এই যে রক্ত! উঃ,—কত রক্ত!

কৃষ্ণা একাদশীর নিশাতে তখন আকাশে চাঁদ উঠি-উঠি করিতেছে, নিবিড় নিকষ-কালো অন্ধকার স্বচ্ছ হইয়া উঠিয়াছে; ওই স্বচ্ছতায় মেঝের উপর জলের দাগটুকুকে ওর স্বপ্ন-বিভ্রম-ভরা চোখে রক্ত বলিয়া মনে হইল।

ও হাত দিয়া তাড়াতাড়ি ওই সিক্ততাটুকু মুছিতে শুরু করিয়া দিল। কিন্তু মুছে না, সিক্ততাটুকুর পরিমাপ ঘর্ষণে ঘর্ষণে আরও বাড়িয়াই গেল।

—ও কে? অন্ধকার কোণে দাঁড়াইয়া ও কে? চেপটা, বসে-বাওয়া বীভৎস মুণ্ড, ঘিলু রক্তে ওই অঙ্গ ভেসে যাচ্ছে। ও কে? ভূপতি? হ্যা, ও-ই ত!

—এখনও মরে নাই! শাবল, কই শাবল?

—আচ্ছা আর, নখে করে ওই বীভৎস মাথাটা ছিঁড়ে ফেলা যাক!

বাঘের মত অঙ্ককার কোণে ওই অলীক ছায়া-ছবিটার ওপরে ও কাঁপাইয়া পড়িল।

—কোথায়—কোথায় ভূপতি ?

দেওয়ালে ধাক্কা লাগিয়া দারুণ আঘাতে ও নিজেই নিস্পন্দের মত মেঝেতে লুটাইয়া পড়িল।

তখন চাঁদ উঠিয়াছে। রাত্রি-শেষের হিমধারার সহিত ওই চন্দ্রালোকের স্নিগ্ধতা পরানের ফাঁক দিয়া সস্তূর্ণণে মেঝের প্রবেশ করিয়া ওর সর্বাঙ্গে যেন লঘু হস্তে স্তম্ভবাব স্পর্শ বুলাইয়া দিল।

বাহিরে চারিদিক স্তব্ধ। শুধু সিপাহীর সেই অবিশ্রাম বুটের শব্দ ;—তাও শিথিল হইয়া আসিয়াছে, ঠিক তালে তালে আর পড়িতেছে না। ওদিকে ওয়ার্ডে ওয়ার্ডে কয়েদীদের অবসন্ন আচ্ছন্ন কণ্ঠ এলাইয়া পড়িতেছে, মাঝে মাঝে শোনা যায়, আবার যায় না।

তিন নম্বরে বাবুটি বালিশে মুখ লুকাইয়া বোধ করি কাঁদিতেছে।

চার নম্বরে তরুণটি বোধ করি তখন স্বপ্ন দেখে, স্মারল ধরণীর বুক হইতে ওই আকাশ অবধি ব্যাপ্ত তার মায়ের রূপ, মায়েরই দীপ্ত কপালে শোভা পায় ওই চন্দ্রকলা, সীমন্তে জলজল করে ওই স্তম্ভভারা !

‘লালটুপি’টাও তন্দ্রায় আচ্ছন্ন, মুখে ওর মুহূ হাসি,—হয়তো বা গৃহ-পরিত্যক্তা প্রতীক্ষমাণা তরুণী বধুটি ওর মনের বৃক্কে গাঢ় আলিঙ্গনে শয়ন করিয়া কানে কানে কত কথাই বলিতেছে।

মূর্ছাহত আসামীটির আবার ধীরে ধীরে চেতনা ফিরিয়া আসিল, আগিয়া বেচারী ভয়ানকের মত চারিপাশে তাকাইতে লাগিল।

চন্দ্রকলার কীর্ণ রশ্মিতে ঘরটা তখন বেশ দেখা যায়। দরজার গরাদেগুলার ছায়া বীকা বীকা হইয়া ঘরের মেঝের উপর স্পষ্ট জাগিয়া উঠিয়াছে।

—এ কি ! এই যে রক্ত এখন স্পষ্ট দেখা যায় ! ওই যে দরজার শিকণলাতেও রক্ত !  
দ্রস্তভাবে আবার ও মুছিতে শুরু করিয়া দিল।

হায়, হায়—মুছে না যে !

চারি-পাশে খুঁজিতে খুঁজিতে এক কোণে রাত্রির অভূক্ত ভাত-ভরকারিগুলি পাইল ; তাহাই লইয়া ও জলের দাগের উপর লেপিতে শুরু করিয়া দিল।

—এগুলো কি ? বিলু, বিলু, মাথার বিলু ! ওরই চর্বিত উদ্ভিগরীত উচ্ছিন্নগুলিকে ওর বিলু বলিয়া ভ্রম হইল। সেগুলো সে দ্রস্তভাবে ইতস্ততঃ ছড়াইয়া ফেলিয়া দিল।

—ওই যে গরাদেগুলোতেও রক্ত ! কিন্তু আর তো কিছুই নাই ; কি লেপিবে ?

—ওই যে টুকরিতে কাড়া !

টুকরির দুর্গন্ধ মল লইয়া উন্মাদটা দুয়ারে গরাদেগুলোতে ছুঁহাতে মাখাইতে লাগিয়া গেল।

আঃ, মুছেচে, অনেকটা মুছেচে। এইবার নিশ্চিন্ত। আর কেউ ধরতে পারবে না।

আর কাঁদা হইবে না ; ক্ষুতি করিতে হইবে, হাসিতে হইবে,—  
প্রাণপণে সে হাসিতে আরম্ভ করিল,—হাঃ হাঃ হাঃ হাঃ হাঃ হাঃ !

চং চং চং চং,—ভোর পাঁচটার ঘড়ি বাজিয়া গেল, ওয়ার্ডে ওয়ার্ডে কয়েদী গুলিয়া দরজা খুলিয়া দিল। কয়েদীর দল বাহির হইয়া আসিল।

খুনী আনামীটার সেলের দুয়ার খুলিয়াই সিপাহীটা পিছাইয়া গেল।

ভিতরের দুয়ারে, আপনার সর্বাঙ্গে গুর ময়লা মাথানো। আর লোকটা প্রবল ভাবে হাসিতেছে—হি হি হি হি হি হি।

মেথর আসিয়া জল দিয়া সমস্ত পরিষ্কার করিতে শুরু করিল।

কালীর সমস্ত বুকটা ঘেন ভয়ে কেমন করিয়া উঠিল,—ভিতরের বস্ত্র বাহির হইয়া পড়িবে যে !

ছুটিয়া সে মেথরটাকে ধরিতে গেল, মেথরটা ভয়ে পিছাইয়া আসিল। পাশের মেট গাছের ডাল ভাঙিয়া আনিয়া সপাং সপাং করিয়া বা কতক বসাইয়া দিল গুর পিঠে। পাগল চেঁচাইতে চেঁচাইতে এক কোণে গিয়া গুঁড়ি মারিয়া বসিয়া পড়িল। বসিয়া বসিয়াও সে প্রাণপণে সর্বাঙ্গ দিয়া দেওয়ালটাকে ঠেলিতে লাগিল। কিন্তু পাষাণ বেঠেনী নড়ে না।

এবার গুকে চিকিৎসার জন্তে হাসপাতালে পাঠানো হইল,—স্থান হইল সিগ্রীগেশন সেলে।

### ছয়

সেদিন সোমবার, স্থপারিণ্টেণ্ডেন্ট কয়েদীদের দেখিবেন,—ফাইলবন্দী কয়েদীর দল সারি সারি দাঁড়াইয়া গেছে।

মাথায় টুপি, গায়ে হাতকাটা জামা, কোমরে গামছা বাঁধা, পরনে জাকিয়া, এক হাতে খালা বাটি, এক হাতে টিকিট। ঐ টিকিটে প্রত্যেকের বন্দী-জীবনের ইতিহাস লেখা আছে। অপরাধ, শাস্তি, বন্দী-জীবনের পুরস্কার, যোগ, ওজন, কোথায় কোন দাগটি আছে সেটি পর্যন্ত, গুদের কর্ম আর চর্মের কোন বিবরণটি বাদ যায় নাই।

কেষ্ট দাসের খালা বাটি ময়লা, জামা জাকিয়াও তাই।

গণেশ বলিল,—আজ তোমার খাড়া-হাতকড়ি।

ভয়ে কেষ্টর মুখ শুকাইয়া গেল। পাকাটির মত সরু সরু পা ছুইখানা তার ঠকঠক করিয়া কাঁপিতে লাগিল। বেচারী কহিল,—পারি নে, জরে জরে সেরে দিলে যে।

চৈতন্য হাসিতে হাসিতে কহিল,—কবি করতে তো খুব পার, কবি করা বেরুবে তোমার আজ।

এ পাশের কয়েদীটা সহসা কেষ্টর গা টিপিয়া কানে কানে বলিল,—তাকছে তোকে।

ইশারার ইঙ্গিতে দৃষ্টি ফেলিয়া কেইট দেখিল—পায়খানার ধারে দাঁড়াইয়া সেই ছোড়াটা।

ওদিকে ষাইতে অভূহাতের অভাব হয় না। মিনিট কয় পরেই কেইট ফিরিয়া আসিল। গায়ে ফরসা জামা, ফরসা জাব্বিয়া, খালা বাটি তা-ও যেন কককক করিতেছে।

ময়লা পোশাকে ছোড়াটা আদিয়া ওধারে দাঁড়াইল।

চৈতন্য কেইটকে শাসাইয়া দিল,—দাঁড়াও শালা, সাইদ আসুক আজ—

সাইদ সত্তরঞ্চি বোনে,—সে আছে কারখানায়।

ওধার হইতে জমাদার জোরসে হাঁকিয়া উঠিল,—সরকার—

মেট হাঁকিল,—সেলাম।

এবা সেলাম বাজাইল।

সাহেব সকলকে দেখিয়া দেখিয়া চলিয়াছেন,—পিচনে জেলার, জমাদার, ওয়ার্ডার।

বুড়া মাঝিটার সামনে আসিয়া সাহেব দাঁড়াইয়া গেলেন। লোকটার পোশাক যেমন ময়লা, খালা বাটিও তেমনি অপরিষ্কার—গত সন্ধ্যার খাবারের দাগও সম্পূর্ণ ঘায় নাই। সাহেবের ইঙ্গিতে জেলার জিজ্ঞাসা করিল,—খালা বাটি এত ময়লা কেন ?

বুড়া মাঝি পথম ওদাশতরে উত্তর দিল,—আমারি তো এঁটো—

উত্তর শুনিয়া সাহেব কিক করিয়া হাসিয়া ফেলিলেন—ননস্বেল।

তারপর ওর টিকিটখানা লইয়া খসখস করিয়া লিখিয়া গেলেন,—‘পেনাল ডায়েট।’

ছোকরাটারও হইল তাই, কারও হইল হাতকড়ি, কারও রেমিশন কাটাংগেল।

কেইট দাসের রেমিশন মিলিল একদিন বেশী,—পরিচ্ছন্নতার পুরস্কার। টিকিট সই করিতে করিতে সাহেবের নজর পড়িল—ওজন ওর দশ পাউণ্ড কম। সাহেব বিস্মিতের মত কেইটর টসটসে মুখখানার পানে তাকাইয়া বলিলেন,—উদ্দি উঠাও।

কেইট গায়ের জামা উঠাইল,—ভিতরে শুধু চামড়া-ঢাকা একটা কঙ্কাল।

আবার সাহেব ওর টিকিটে হুকুম লিখিয়া দিলেন,—ওজন কমেব জগ্গ হাসপাতালের খাবার।

জেলার বলিয়া দিল,—হাসপাতালের খাবার পাবি।

আনন্দে কেইটর টসটসে মুখখানা যেন জ্বলজ্বল করিয়া উঠিল।

সাহেব চলিয়া ষাইতেই কেইট আসিয়া ছেলেটার হাত দুইটা চাপিয়া ধরিল;—বেচারী কৃতজ্ঞতা জানাইতে চায়, কিন্তু ভাষা খুঁজিয়া পায় না যেন।

ছেলেটা হাসিয়া কহিল,—জোর বরাত তোর।

—আধখানা মাছ কিন্তু তোকে খেতে হবে।

—না না, খেয়ে-দেয়ে তুই একটু ভাজা হয়ে নে, তার পর।

অতি ব্যগ্রভাবে কেইট বলিল,—না না, তোকে খেতেই হবে। না আমার দেওয়া খাবি নে ?

—জানিস তো সাইদ আলিকে ? ছেলেটা কিক করিয়া হাসিয়া ফেলিল।

—আমি লুকিয়ে দেব।

—আচ্ছা দিস। কিন্তু তুই এত বোকা কেন?

—কেন?

—জেলখানার কেউ কাউকে কিছুর ভাগ দেয়, জানিস? আপনি বাচলে বাপের নাম।

—তবে তুই দিলি কেন?

—আমার কথা ছেড়ে দে,—আমার আবার অভাব কি? হাত পাতলেই হল। তা ছাড়া তুই যোগা, তোকে দেখে কেমন মায়ী হয়।

কেষ্টর চোখ দুইটা কেমন ছলছল করিয়া উঠিল। ছেলেটা লক্ষ্য করিয়াছিল, কহিল,—  
আয় বিড়ি খাবি, ওই নেবু গাছের আড়ে,—

নেবু গাছের তলায় গুঁড়ি মারিয়া ঢুকিয়া ছ'জনে বিড়ি ধরাইল। কেষ্ট ভয়ে এদিক ওদিক তাকাইতেছিল, ধমক দিয়া ছোড়াটা বলিল,—দু-রো, এত ভয় কিসের?

কেষ্ট লজ্জা পাইল,—না, ভয় আমি কাউকে করি নে। তবে কি জানিস, যোগা শরীর, এখনই শালা পড়ে পড়ে মায় খেতে হবে, হয়তো মরেই যাব।

কেষ্টর গায়ে হাত ব্লাইতে ব্লাইতে ছেলেটা বলিল,—তোকে আমার বেশ লাগে জানিস?

কেষ্ট কহিল,—তোর মত আমার একটা ভাই আছে, মাইরি, তারি ফুঁটি তার।

—ভাগ শালা, বলিয়া রাগ করিয়া উঠিয়া চলিয়া গেল।

\*

\*

\*

কারখানার ভিতর—

মাহুযে ঘানি টানে। লোহার ডাণ্ডাটা চাপিয়া ধরিয়া মাহুযগুলি ঘানির চারিপাশে অবিশ্রান্ত ঘুরিয়াই চলিয়াছে—ঘুরিয়াই চলিয়াছে; ছাড়িয়া দিয়া বিশ্রামের উপায় নাই। এমন কৌশলে ঘানিগুলো তৈরী যে, ছাড়িয়া দিলেই ডাণ্ডাটা থামিয়া পড়িয়া যাইবে,—সুধু পড়িয়া যাইবে নয়, সমস্ত ঘানিটাই বিকল হইয়া যাইবে।

কিন্তু ওরাও কম চতুর নয়। এর উপায়ও ওরা আবিষ্কার করিয়াছে। পরিশ্রান্ত ঘর্মাক্ত বৃকে লোহার ডাণ্ডাটা এমন কৌশলে ধরিয়া বিশ্রাম করে যে, পড়ে না। কখনও বৃকে, কখনও পিঠের খাঁজে লাগাইয়া দাঁড়াইয়া স্বচ্ছন্দে হাঁপায়।

ঐ সোমবার দিনই—

ঘানি চলিতেছিল। ওপাশে সাইদ সত্তরঞ্চি বৃনিত্তেছিল, গণশা কামারের কাজে, চৈতন্য ছিল ঘানিতে। একটা নতুন আসামী ঘানি টানিতে টানিতেই গান ধরিল—

“মা আমায় ঘুরাবি কত?”

লোকটির বয়স হইয়াছে, অল্প জেল হইতে হালে চালান আসিয়াছে।

গান শুনিয়া আর এক জনেরও গানের নেশা পাইয়া বলিল, সে-ও গান ধরিয়া দিল—

“ধানি টানি পানি পানি করে যে জান যায়,  
কোথা রৈলি প্রাণ-প্রায়নী কলসী কাঁথে আর।”

লোকটা নতুন,—গানটা পুরানো ; কোন কয়েদী-কবির রচনা।

চৈতন্য হাসিয়া কহিল,—এরই মধ্যে কলসী ? তবে ঢেঁকিতে করবে কি নাগর ?

—ঢেঁকিতে খুব কষ্ট না-কি ?

—চরম। পায়ের শিরগুলো ছিঁড়ে যায়, মনে হয় শালা লে-আও দড়ি—গলায় দিয়ে  
ঝুলে পড়ি।

গণশা হাতুড়ি পিটিতে পিটিতে কহিল,—ধানিতে আবার কষ্ট কি ? পাক কতক ঘুরেচি  
কি মেরে দিয়েচি।

চৈতন্য বাঁ হাতে লোহার ডাঙাটার দুইটা চাপড় মারিয়া বলিল,—এর আবার ওজন কি ?  
নামেই লোহা, কাজে কিছু নয়। প্রথম পাক চার কষ্ট, তারপর ঘুরণ-পাকের নেশাতেই  
চলে। কোন্ কোটালের মা ধানিতে চেপে সগুঁগে গিয়েছিল না ?

গণশা হইতে একজন উত্তর ক্লবিল,—চেপেছিল,—এক চোর।

বেশ একটা হাসির কলরোল বহিয়া গেল।

নবাগত প্রোট লোকটি কহিল,—সে নিশ্চয় ভদ্রলোক চোর ?

গণশা কহিল,—কেন, ভদ্র লোক কিসে বুঝি ?

নতুন ছোকরাটি কহিল,—তা নইলে এমন ফিচলেমি বুদ্ধি হয় ? আমরা জানি যে যে  
করে কেবল ডাকাতি করতে।

—বেশ বলেছিস, ভদ্রলোক না মানেই ফিচেল, আর সব শালাই চোর। কেউ করে  
কলমের ডগায় চুরি, কেউ করে পিঠে হাত বুলিয়ে চুরি, কেউ দরের মাথায় চুরি।

নবাগত প্রোট লোকটি কহিল,—আর ছুনিয়াতে চোর নয় কে ? কেউ চোর, কেউ  
ফাঁকিবাজ। দেখিয়ে চুরির সাজা নেই, লুকিয়ে চুরি করলেই ফাটক খাট।

গণশা হাতুড়িটি পাশে নামাইয়া রাখিয়া বলিল,—জানিস্ মাইরি, আমাকে যদি ছুনিয়ার  
সাজা করে দেয়, তো আমি ছুনিয়াটাকেই একটা জেলখানা করে দিই। সব বাবা খাট আর  
খাও, খাও আর খাট, পরমা কেউ পাবে না।

প্রোট কয়েদীটা পরম দার্শনিকের মত গভীর ভাবে কহিল,—আরে তা হলে কি কেউ চুরি  
করত রে ? চুরি করে মানুষ অভাবে, হিংসেয়, লোভে। যদি বড় ছোট ছুনিয়ার না থাকে,  
তবে কে কার হিংসে করবে ? কারও ঘরে যদি সোনাদানা বোঝাই হয়ে না থাকে, তো লোভ  
করবে কিসের, অভাবই-বা কিসের আর চুরিই-বা করবে কেন ?

—তা হলেও করত। চোর চুরি না করে থাকতেই পারে না। এক সয়েসী চোরের গল্প  
জান না ? বেটা সয়েসী হয়েও চুরি না করে থাকতে পারত না, সন্সার বোলা-ঝাপটা রাস্তিরে  
উলটে পালটে রেখে দিত।

নতুন কয়েদীটি বলিল,—জানি, সে শেষে নাকি সিঁড়িও পেয়েছিল। তা হলেই বোঝ না,

নিশ্চয় সে শেষটায় সাধু হতে পেরেছিল। কিন্তু যদি তাকে জেলখানায় আসতে হত, তবে কি আর সাধু হতে পারত ?

লোকটির দার্শনিকতায় মগ্ন হইয়া গণেশ তাহার পরিচয় জিজ্ঞাসা না করিয়া পারিল না। জিজ্ঞাসা করিল,—ওস্তাদের বাড়ি কোথা ?

ওস্তাদ আপন পরিচয় দিয়া কহিল,—ডাকাতি করলাম চের এই পঞ্চাশ বছরে, পঁচিশ বছরে আরম্ভ করে আজ পর্যন্ত গোটা বাট-মস্তোর তো হবে। দেখলাম একটা একবার আরম্ভ করলে হয়, তারপর আর বাঁধ মানে না। তবে আমার ডাকাতি হিংসের, লোভে, অভাবে, এ আমি ঠিক বলতে পারি। কতবার চেষ্টা করেছি ভাল হয়ে থাকতে, তা শালায়া থাকতে দিলে না। জেল থেকে বেরুলাম, শালায়া ফের এক মামলায় জড়ালে,—মামলার খরচ ষোগাতে ফের ডাকাতি, ফের জেল, জেলে আবার নতুন দল—তাদের সঙ্গে মিশে আবার। আর, পরের কেড়ে নেওয়াতে যেন কেমন একটা সুখ আছে। এ-সুখ একবার পেলে মানুষ আর তা ছাড়তে চায় না, যেমন বাঘের রক্তের স্বাদ আর কি।

এরপর কতক্ষণ সব নীরব ; সবাই যেন ওস্তাদের কথাটা মনে মনে বিশ্লেষণ করিয়া দেখিতেছিল। প্রথম কথা কহিল চৈতন্য,—যা বলেছ ওস্তাদ! পরের কেড়েকুড়ে নেওয়ার সত্যি সুখ আছে।

সমর্থন পাইয়া দার্শনিক আবার উৎসাহভরে আরম্ভ করিল,—দেখ না, চোর, জোচ্চোর, ডাকাত, ঠগী, লুঠেলা, মায় রাজায় রাজায় যুদ্ধ হয়, তা-ও ওই তাই। তন্দর লোকেরা বড় বড় মাধ্যম এসব বেশ ভাল বোঝে ; তাই তো এত সব ফানাস,—খানা, পুলিশ, সেপাই, সাদী। আর শালা মানুষ মারবার কলই কত বকম বোজ বোজ তৈরী হচ্ছে! লাঠি, সডকি, তীর, ধনুক, বন্দুক, কামান, আজকাল না-কি কামানের মুখের ধোঁয়ায়ও মানুষ মরে। আচ্ছা বল দেখি, এসব তৈরী কিসের জন্তে ? একটা কথা আছে জানিস, সাধুর দৌলত মালা, ভিখারীর দৌলত কোলা, চাষার দৌলত মাটি, চোরের দৌলত সিঁধকাঠি—আর মানুষ-মারা কল বন্দুক কামান, সে-তো তোর লাঠিরও বাড়ী। এ সব হল যুদ্ধের জন্ত—যুদ্ধে হয় রাজ্য নিয়ে কাড়াকাড়ি।

গণেশ কহিল,—তাই তো বলছিলাম ওস্তাদ, দেয় ভগবান আমাকে ছুনিয়ার রাজা করে, তো দেখি আমি একবার। সব জেলে ভরে দি।

চৈতন্য বলিল,—তুই শালা ধর্মপুত্র থাকবি শুধু বাইরে ?

কথাটার উত্তর দিল দার্শনিক,—সে তো নিয়মই। আইন বল, কাহন বল, সাজা বল, জেল বল, সব নিজেকে বাদ দিয়েই মানুষকে করে, তারও ভয় হয়—

বাধা দিয়া গণেশ বলিল,—না ওস্তাদ, ও-কথাটা ঠিক হল না,—জোর যার আছে তার আবার ভয় কিসের ? সে তো সব সোজাহুজিই করতে পারে।

শ্রোতা লোকটি কহিল,—কথাটা মিথ্যে বলনি ; কিন্তু মানুষ যে মানুষেরই ভয়ে অস্থির ! বাঘ ভালুককে মানুষ বত ভয় না করে—তার বেশী ভয় করে মানুষকে। আর মানুষের স্বভাব



কি জানি? কাক পেলেই সে বর্তমানকে উলটে দেবে। সম্বন্ধে কিছুতেই হয় না। সেই তো ভয়। রাজা বল, প্রজা বল, ভয় যে সব মানুষেরই আছে। ভয় নেই এমন মানুষ নেই,—ভীতু সবাই—

নতুন ছোকরাটিও গণেশ চৈতনের দেখাদেখি দার্শনিক কয়েদীটিকে ওস্তাদ বলিতে শুরু করিয়াছিল; সে প্রতিবাদ করিয়া কহিল,—এ কথা তোমার মত লোকের মুখে সাজে না ওস্তাদ—আমরা সব ভীতু? আমরা—

ওস্তাদ হাসিয়া কহিল,—জরুর, একশোবার। নইলে রাজের অঙ্ককারে লুকিয়ে ডাকাতি করিস্ কেন? লোকে চিনে ফেললে খুন করিস্ কেন? ভয়, ও সব ভয়ের কাজ। আজকাল যে যুদ্ধ হয় জানিস্, তাও লুকিয়ে লুকিয়ে। এই যে আমাদেরই এমনি করে ধরে রেখেছে, শুধু কি আমরা পরের ক্ষতি করছি বলে? আর পরের ক্ষতি তো দিবা-রাত্রি হচ্ছে,—একজনের ক্ষতি না হলে আর একজনের লাভ হবে কি করে? আর সে-সব শিক্ষিত লোকেরা এমন কলে কৌশলে করছে যে, চোখের ওপর দেখেও তা ধরবার ছোঁবার উপায় নেই। আমরা গায়ের জোরে ক্ষতি করেছি, কেবল এই আমাদের দোষ।

কথাগুলো নতুন ছোকরাটির বেশ বোধগম্য হইল না বোধ হয়,—আর ভীতুতার অপবাদে সে চটিয়াছিলও দারুণ। সে চট্ করিয়া কহিয়া বসিল,—ছাড়ান দাও কর্তা, তোমার ও-সব কারো মাথায় ঢুকছে না। যত সব উদ্ভট উদ্ভট কথা। আমাদের ভয়? আমরা ভীতু, দূর দূর, যত সব. হ:—

ওস্তাদ একটু হাসিল, কোন প্রতিবাদ করিল না, আপন মনে ঘানি টানিয়া চলিল।

ওদিকে কথার মোড়টা তখন ফিরিয়া গিয়াছে। গণেশ চৈতনাকে কহিতেছে,—কেষ্ট শালায় জামা বদলের কথা বলেছিস্?

চৈতনা হাসিয়া চুপি চুপি কহিল,—কোন কালে! দেখ না, সাইদের মুখখানা একবার দেখ না!

সত্যই সাইদের মুখখানা অস্বাভাবিক রকমের গম্ভীর। সত্তরঞ্চির টানার স্ততার প্রায়ই ঘর ভুল হইয়া ষাইতেছে। গণেশা মুখ টিপিয়া হাসিয়া কহিল,—যেন আবারে-মেঘ নেমেছে, দেবে আজ ঘা-কড়ক, দেখিস তুই।

ওদিকে পিঠে লোহার ডাঙাটা লাগাইয়া বেশ হেলান দিয়া ঘুরিতে ঘুরিতে তখনও সেই ছোকরাটি ভয়শূন্যতার কথা প্রচার করিতেছিল,—ফঃ, বলে বন্দুক, বন্দুককে কে কেয়ার করে রে বাপু! বন্দুক ছোঁড়া চাই তো? বলে বিশ-পঁচিশ মরদে যখন আ-আ-আ হাঁক হাঁকে, তখন যাকে বলে সেই 'তোর হাতের ফাঁসি রইল হাতে, আমরা ধরতে পারাল না'। এই তোমার বেশী দিন নয়, বায়েদের বাড়িতে দু'-তুটো বন্দুক, বাড়ির মেজবাবু আর মেজবাবু,—ওরা পাখি বিঁধে পেড়ে ফেলে, বাবা, সেই সময় ওই হাতের বন্দুক রইল হাতে, হেঁ—হেঁ।

গর্বিভভাবে একটু হাসিয়া আবার বলিয়া চলিল,—আমরা যখন কাজটাঙ্গ সেবে গায়ের বাইরে, তখন শালা ফটাং ফটাং ফটাং, যেন পাখি বাসাতে গিয়ে মরে থাকবে।

‘কালাপাগড়ি’ আলিয়া কহিল,—‘চৈতন্য চরণ দাস’, ‘সাইদ আলি’, পত্র আছে তোমাদের।

—পোস্টকার্ড ?

—হা হা, ঘানি পড়ে যাবে চৈতন—ঘানি পড়ে যাবে। যা—যা। এইবার যা, আমি ধরেছি টিক।

সাইদ আলির হাতের সতরঞ্চির সূতার তলাটায় ফাঁস পাকাইয়া গেল। তাড়াতাড়ি মূক্ত করিবার অশ্রু নানাভাবে সে যত চেষ্টা করে, ফাঁসের পর নতুন ফাঁসে সেটা ততই যেন বাঁধা পড়িয়া যায়।

চৈতন্য ডাকিল,—আরে সাইদ মিঞা, এস—

সাইদ ব্যস্তভাবে আর একবার ফাঁসটা খুলিবার চেষ্টা করিল, এবার আরও একটা নতুন ফাঁস লাগিয়া গেল। সাইদ পটু করিয়া সূতার তালটা ছুঁড়িয়া ফেলিয়া উঠিয়া পড়িল।

প্রোট লোকটি দাঁড়াইয়া গিয়াছিল, চৈতন্য ও সাইদ চলিয়া যাইতেই একটা গভীর দীর্ঘশ্বাস ফেলিয়া একান্ত মনোযোগের সহিত আবার ঘানি টানিতে শুরু করিল।

গণশা কাহাকে লক্ষ্য করিয়া কহিল কে জানে,—চিঠি না আসাই ভাল, চিঠি এলে আমার তো হাত পা কাঁপে! ওই-যে কালির হিজিবিজি, হাকিমের রায় স্তনতেও বুক এত টিপটিপ করে না। হয়তো লেখা থাকবে, তোমার পুস্তকটি তিনদিনের অরে—যা: শালা, ভেঙে গেল।

হাতুড়িটি এমন ভাবে সে মারিয়াছে যে, সাঁড়াশিতে-ধরা লোহাটা ফাটিয়া ভাঙিয়া গেছে।

চৈতন্য ফিরিয়া আসিল নাচিতে নাচিতে, তাহার চিঠির খবর নাকি খুব ভাল—ধান খুব ভাল হইয়াছে, ছেলেটা হাল ধরিতে শিখিয়াছে,—এবার নাকি নিজেই বাড়িতে হাল গরু কিনবে! সব চেয়ে ভাল খবর হইতেছে—হাইকোর্টে তাহার আপীল মঞ্জুর হইয়াছে, খালাসের সম্ভাবনাই নাকি আঠার আনা! তবে মা চামুণ্ডার মাথায় মানত করিয়া ফুল চাপানো হইয়াছিল,—সে ফুল মাথা হইতে টপু করিয়া পড়িয়া গিয়াছে। শেষ দিকটার একটু হতাশা প্রকাশ করিয়া কহিল,—এর ওপর তো আর কারু হাত নাই! বাবা! এ হাইকোর্টের হাইকোর্ট! মায়ের মাথা হতে ফুল পড়ে না তো পড়েই না—আর যদি পড়লো তো একেবারে নিশ্চ্যাৎ—

ওস্তাদ একটু হাসিয়া কহিল,—মায়ের মাথা তো গোল ?

চৈতন্য একেবারে আগুন হইয়া উঠিল। কহিল,—হা গোল, গোল তার হবে কি? গোল হলেই বুঝি ফুল পড়ে? কই চাপাও দেখি তুমি, পড়ুক তো একবার

দেখি। এ বাবা যে-সে নয়—মাহুকের গড়া-পেটা দেবতা নয়,—সাক্ষাৎ শিল্প-রূপ—পাষণ! জান, একবার এক দল ডাকাত যেতে যেতে মায়ের ধানে পেনাম করেনি,—তা দলকে দল একেবারে—

সহসা কেটে হাঁপাইতে হাঁপাইতে আসিয়া উপস্থিত হওয়ার চৈতন্যর কথাটা মাত্রপথেই বন্ধ হইয়া গেল। কেটে কহিল,—গোসাঁইজী এসেছে—গোসাঁইজী।

গোসাঁইজী একজন 'কেটে-বিটু' ইহাদের কাছে। এইস্থান হইতেই অল্প জেলে চালান গিয়াছিলেন, আবার ফিরিয়া আসিয়াছেন। গোসাঁইজী সাধু-সন্ন্যাসী ব্যক্তি; ঝোলার ভিতর একটা খুনী মামলার মাল বাহির হইয়া পড়ায় সাত বৎসরের জন্ত মেয়াদ খাটিতেছেন। গুণী লোক। হাত দেখিয়া অদৃষ্ট গণনা, শুধু হাতে স্বগন্ধ আনা, ঘটির জলে হাত গুলিয়া সরবত বানানো ইত্যাদি হরেক রকম কসরত তাঁর জানা আছে। জেলে ওয়ার্ডার মহলে বেজায় খাতির! জেলার, ডেপুটী-জেলার পর্যন্ত বিশেষ শ্রদ্ধার চক্ষে দেখিয়া থাকেন। না দেখিয়া উপায় কি;—ডেপুটী-জেলারের কন্ডার পেট-কামড়ানি তিন ফুঁকে গোসাঁই ভাল করিয়াছেন, জেলারের তিন সের দুধের গাইটির দুধ ডাইনীতে হরণ করিত, গায়ে হাত বুলাইয়া গোসাঁই সে দুধ ফিরাইয়াছেন। মোট কথা, চাণক্য পণ্ডিতের 'বদেশে পূজ্যতে রাজা' শ্লোকটি গোসাঁইজী সম্পূর্ণ সত্য প্রমাণ করিয়া দিয়াছেন।

বদেশী বাবুদের ওয়ার্ডে গোসাঁইজীর নাম—'রামপুটিন'!

চৈতন্য গোসাঁইএর সংবাদ শুনিয়া লাকাইয়া উঠিয়া কহিল,—এই জিজ্ঞেস কর না গোসাঁইকে—ও যদি 'না' বলে, তখন আমাকে বলে, হ্যা—

ঠিক এই সময় এগারটার ঘণ্টা বাজিয়া গেল। কয়েদীদের স্নান আহ্বারের সময়,—এগারটা হইতে দুইটা পর্যন্ত বিরাম।

কাজ ছাড়িয়া সব হটপাট করিয়া ওয়ার্ডের দিকে চলিল।

তিন নম্বর ওয়ার্ডের দরজায় ভিড় জমিয়া গিয়াছে। ঘরের ভিতর গোসাঁইকে ঘিরিয়া প্রকাণ্ড এক চক্র বসিয়াছে। গোসাঁই 'কালাপাগড়ি'র হাত দেখিতে দেখিতে কহিতেছেন,—এক বরিষ ছ' মাহিনা কি দো বরিষ—ইস্কো মধ্যে তোমার খালাস।

'কালাপাগড়ি' কহিল,—ই ক্যা বোলতা হ্যায় আপ, হাম্বা তো ফর লাইফ মেয়াদ হুয়া—গোসাঁই কহিলেন,—জরুর-হোগা—হোতে বাধ্য।

'কালাপাগড়ি'র মুখখানা উজ্জ্বল হইয়া উঠিল, ক্যায়সে হোগা?

—আরে ক্যায়সে হোগা! হোগা এ্যায়সেই! এই একঠো যুদ্ধ-টুক হোগা, জিত হোগা ব্যাস, তোম মাপ পা মায়গা।

ভিড়ের মধ্য হইতে কে একজন কহিল,—যুদ্ধ হোগা?

মুখ তুলিয়া গোসাঁই দড়ি বাঁধা চশমার ফাঁক পানে চাহিয়া কহিল,—হাঁ হা, হোগা, আলবৎ হোগা, লাগলো বলে!

রোগা কেটে উল্লাসে বুক চাপড়াইয়া কহিল,—যুদ্ধে তাহলে এবারও তো জেল থেকে লোক নেবে? হামি যারগা, জরুর যারগা!

চৈতন্য কহিল,—তা হলেই হয়েছে, শালা বন্দকের আওয়াজ শুনেই কুপোকাং!

কেটে অসহিষ্ণু ভাবে কহিল,—হই হবো, জেল থেকে তো খালাস পাবো! এর নাম কি বাচা? এর চেয়ে বন্দকের গুলিতে মরি মে-ও ভালো।

তহিদ কেটের পিঠে হাত দিয়া কহিল,—না, তুই কি করতে ঘাবি? তোর তো আর এক বছর; আমি কিন্তু জরুর ঘাব।

—তু' মাস আগেও যদি বেকতে পারি তাই কি কম রে? আমি ঘাবই, তুই দোখসু।

ক্রক্বেপহীন ভাবে ভিড় ঠেলিয়া সাইদ আলি আদিয়া গোসাঁইএর সম্মুখে হাতটা মেলিয়া দিয়া কহিল,—দেখ তো গোসাঁই, ক'টা বিয়ে আমার?

চৈতন্য গণশার কানে কানে কহিল—জানিস? আজ খবর এসেছে সাইদের পরিবার নেকা করেছে।

গোসাঁই সাইদের হাত দেখিয়া হাসিয়া কহিল,—বিয়ে তো দেখি তোর তিনটে, আর—

সাইদ গোসাঁইকে আর হাত দেখিতে দিল না, রুঢ় ভাবে হাতটা টানিয়া লইয়া গম্ভীরভাবে একটা 'হু' বলিয়া উঠিয়া পড়িল।

কয় পা গিয়া আবার কি ভাবিয়া ফিরিয়া আদিয়া সাইদ হাতটা প্রসারিত করিয়া কহিল,—দেখ তো মরণ আমার কিসে হবে, ফাঁসিতে না—কি?

গোসাঁই মুহূ হাশ্বে সাইদের হাতখানা ঠেলিয়া দিয়া কহিল,—মৃত্যুর কথা বলতে নাই, গুরুর মানা আছে। বলিয়া সে গুরুর উদ্দেশে কপালে হাত ঠেকাইয়া একটা নমস্কার করিল।

সাইদ যেমন ক্রক্বেপহীন ভাবে ভিড় ঠেলিয়া আঁসিয়াছিল, ঠিক তেমনি ভাবেই চলিয়া গেল।

## সাত

মানখানের ভিতর জেলখানার আবহাওয়া যেন কেমন এক রকম হইয়া উঠিয়াছে।

নরুর অবস্থা অতি শোচনীয়। তিলে তিলে দীর্ঘ ত্রিশ দিনে তাহার দেহের উপর মরণ আপনার অশরীরী রূপের ছাপ সুপরিষ্কৃত ভাবে ফুটাইয়া তুলিয়াছে, যেন কোন স্বদৃশ চিত্রকর তুলিকার পর তুলিকা চালাইয়া পটভূমির উপর একটি মৃত্যুর চিত্র আঁকিয়া চলিয়াছে—পাতুর, স্থির, জীর্ণ সে রূপ, কঙ্কালসার মুখখানি, কিন্তু অপূর্ব আনন্দের জ্যোতিতে উজ্জল, প্রদীপ্ত; হয়তো-বা মরণ-গ্নান দেহখানির মধ্যে অবশিষ্ট জীবনের দীপ্তি সেটুকু।

জেলের অপর সমস্ত রাজনৈতিক বন্দীদের অস্ত্র অস্ত্র জেলে স্থানান্তরিত করা হইয়াছে।

স্বাধীন করেদীদের উপর খুব কড়া কড়ি ; খাও দাও, কাম বাজাও, কথা কি গল্প করিবার হুকুম নাই। সন্ধ্যা হইতেই কঘল চাপা দিতে হয়, ঘুম না আসে—আকাশ পাতাল ভাবনা ভাব, কারণ খিলানের ছাদে কড়িকাঠ নাই যে, গনিয়া সময় কাটিবে।

অপরোধ-সংস্কারগ্রস্ত জীবনগুলিও যেন কেমন হইয়া উঠিয়াছে ! একটা স্বগস্তীর বিবাদের কালিমায় যেন সব আচ্ছন্ন, চটুল হাসির তারল্য কে যেন সব নিঃশেষে শুষ্কিয়া লইয়াছে। গৌর, তাহিদ, কেট, গণেশ, সবারই যেন কেমন একটা ধমথমে ভাব, অন্ধকার বাদল রাত্রির মত উদাস, বিষন্ন, স্তব্ধ। সাইদ পস্তীর বিশ্বাসঘাতকতার সংবাদে কেমন উগ্র, অধীর হইয়া উঠিয়াছিল—এখন সে-ও যেন ও-কথাটা আর ভাবিতে পারে না, এই খেয়ালী অভুত ছেলেটির কথা তাহারও মন জুড়িয়া বসিয়াছে। ছোকরাটা আর লাক দেয় না, তুবড়ির মত মুখ তাহার এই উদাস শীতল আবহাওয়ার নিভিয়া গিয়াছে।

স্বরেশবাবু, তিন নম্বরের সেই বাবু-চোরটি জেল পরিবর্তনের অল্প দরখাস্ত দিয়াছে ; ডেপুটি-জেলার কারণ জিজ্ঞাসা করিলে কহিল,—দেখুন জীবনে এমনটি আমি কখনও ভাবিনি। আজ জেলখানাটাকে সত্যি আমার ভয় হচ্ছে। আমি এসেছি আজ কম দিন নয়, ঠগসি—তা-ও দেখেছি, কিন্তু এমন হয়নি—ঘণ্টা কয়েক পরেই আবার স্বাভাবিক অবস্থা ফিরে এসেছে। কিন্তু এ কি ? মৃত্যু যেন চব্বিশ ঘণ্টা জেলখানার ভিতর পা টিপে টিপে ঘুরে বেড়াচ্ছে। জানেন, পায়খানার মেথর ওই উমেশ ময়রা, লোকটা জেল খাটবে আরও কতবার সেই কল্পনায় মেথরের কাজটা করে,—তারও যেন কেমন একটা পরিবর্তন ! দেখি বসে বসে ঐকটা বই পড়ছে। একটা দপ্তর আছে ওর। একখানা অঞ্জলি গানের বই আগে ওকে পড়তে দেখেছি। জিজ্ঞাসা করলাম,—কি গান শিখছ উমেশ ?

উমেশ বললে,—এটা গানের বই নয় বাবু—

জিজ্ঞাসা করলাম,—কি বই ওটা ?

দেখালে, দেখলাম ব্যাকরণ-কৌমুদী একখানা। আশ্চর্য হয়ে গিয়ে জিজ্ঞাসা করলাম,—তুমি বুঝতে পার এ ?

ও বললে,—না, সংস্কৃত লেখা রয়েছে, মস্ত-টস্ত হবে। আরও বললে—আর ও-সব গানের বই ভাল লাগছে না বাবু ; জীবনে তো অনেক পাপই করেছি, এবার ছ'-একখানা ভাল বই পড়ে যদি মতি-টতি ফেরে। সে পর্যন্ত পাপের ভয়ে মুবড়ে পড়েছে। আমার এক এক সময় কি মনে হয় জানেন ? যদি ছেলেটি আহাির করব বলে, তবে হয়তো পাখরের পাঁচিলটা পর্যন্ত ওর পায়ে বিদ্যুৎগিরির মত মাথা লুটিয়ে ফেলবে।

কতক্ষণ সব নীরব, নিঃশ্বাসগুলি পর্যন্ত যেন সস্তর্পণে বহিতেছিল, সহসা স্বরেশবাবু আবার কথা কহিল,—ধাক গে ! সেই লোকটা, সেই কালী কর্মকারের খবর কি ? সে বেশ স্বস্থ হয়ে উঠেছে, নয় ?

ডেপুটীবাবু কহিলেন,—হ্যাঁ, লোকটা সেয়ে উঠেছে,—লোয়ার কোর্টের বিচার শেষ হয়েছে—সেসনে গেছে কেস। সে বিচার আরম্ভ হতেও আর দেরি নাই।

—লোকটা আর সেই আর্ডনার করে না ?

—না, তবে কাদে, চোখ দিয়ে দরদর করে জল পড়ে, ঠোঁট কাঁপে, কিন্তু চোঁচায় না। মনে হয় ফাঁসিও যদি হয়, তো সঙ্গে নিতে পারবে—prepared হয়ে যাবে।

স্বরেশ কিছুক্ষণ বিস্মিতের মত ডেপুটীবাবুর মুখের পানে চাহিয়া রহিল, তার পর অতি ধীরে ধীরে ঘাড় দোলাইয়া কহিল,—না, মনে হয় না, না ডেপুটীবাবু, এ অসম্ভব। ওই লোকটির জীবনের অন্ত যে আর্ডনার শুনেছি, তাতে কিছুতেই তা বিশ্বাস করতে পারব না।

ডেপুটীবাবু হাসিয়া কহিলেন,—না স্বরেশবাবু, এ অনেক দেখেছি। মৃত্যুদণ্ডের আদেশের পূর্ব পর্যন্ত যে-কাল্য মানুষকে কেঁদেছে, তাতে মনে হয়েছে ফাঁসিই যদি হয় এর, তবে আদেশ শুনবার সঙ্গে সঙ্গেই লোকটার হৃদযন্ত্রের ক্রিয়া বন্ধ হয়ে যাবে। কিন্তু দেখেছি ফাঁসির ইকুম নিয়ে সে ফিরে এল—দীর স্থির, কোন চাঞ্চল্য নাই তার।

স্বরেশ কিছুক্ষণ নীরব থাকিয়া কহিল,—হয়তো-বা মৃত্যুর আদেশের সঙ্গে সঙ্গে মানুষ আপনাকে, মানে selfকে চিনতে পারে, জীবনের চেয়েও বড় কেউ তার ভেতরে জেগে ওঠে। মানবের জাগরণ, এই হয়তো মানবের জাগরণ,—যা ওই ছেলেটি জন্ম থেকে নিয়ে এসেছে ;—না, ওর সঙ্গে কিছুই তুলনা করা ঠিক নয়, ও আমাদের কল্পনার বাইরের বস্তু।

ডেপুটীবাবু কোন উত্তর করিলেন না, হয়তো-বা দিবার মত উত্তর তাঁহার মনে যোগাইল না। স্বরেশও নীরব হইয়া কি একটা ভাবনায় যেন ডুবিয়া গিয়াছিল, সহসা একটা দীর্ঘশ্বাস ফেলিয়া কহিল,—আচ্ছা ডেপুটীবাবু, আপনি কি বিশ্বাস করেন যে, আমিও ওই ভাবে মরণের সম্মুখে দাঁড়াতে পারি ?

ডেপুটীবাবু এবারও কথা কহিলেন না। তিনি এই খেয়ালী লোকটির মুখপানে চাহিয়া বোধকরি ভাবিতেছিলেন,—এ আবার কোন্ খেয়াল!

স্বরেশ নিজেই আবার কহিল,—না, তা পারি না। রাজির পর রাজি বিনিময় ভাবে কেটে যায়, তখন মনে হয় গলা টিপে ওই অবশিষ্ট জীবনটুকু শেষ করে দিয়ে আসি। পাপ বলে কোন বস্তুকে আমি বিশ্বাস করি না, সমাজশৃঙ্খলার পরিপন্থী বলে, বেআইনী বলেই বিশ্বাস করে এসেছি। সেই পাপ যেন চোখের সম্মুখে আজ মূর্তি পরিগ্রহ করে উঠেছে। দোহাই আপনার—আমার ট্রান্সফারটা যাতে হয় তার ব্যবস্থা করুন ; জীবনের সমস্ত সঞ্চয় আমার কপূরের মত উপে যাচ্ছে। এতদিনের পথ-চল্য যদি আমার আজ মিথ্যা হয়ে যায়, তবে যে আমার আত্মহত্যা বই উপায় থাকবে না।

স্বরেশ যেন হাঁপাইয়া উঠিয়াছিল—চোখ দুইটার অশ্রুভাবিক দৃষ্টি, সমস্ত শরীর দিয়া বিন্দু বিন্দু ঘাম দেখা দিয়াছে।

ডেপুটীবাবু কহিলেন,—এত চঞ্চল আপনি হবেন না। আপনি এ সেল থেকে সরে আসুন, আজই আপনাকে পাঠিয়ে দিচ্ছি দশ নম্বর ওয়ার্ডে—যেটা পলিটিক্যাল ওয়ার্ড ছিল। ওই ওয়ার্ডে আপনাকে যেতেও হবে, এখানকার পলিটিক্যাল ওয়ার্ড একেবারে উঠে গেল—গিয়ে এ, বি, ক্লাসের ওয়ার্ড হল। প্রিজনারস-ও সব এসে পড়বে ছুঁচার দিনের ভেতর।

স্বরেশবাবু ভাড়াভাড়ি কহিল,—আজই—এখনই। ওর সারিখ্য আমার সহ হচ্ছে না,—  
আমায় বাঁচান জেলারবাবু।

দিন কয়েকের মধ্যেই ওই অস্বাভাবিক আবহাওয়াটা কতকটা যেন সহজ হইয়া উঠিল।

নরু সেই জীবন-মরণের সন্ধিস্থলে। তিল তিল করিয়া যে-কর, সে-কর মানুষের চোখে  
পড়ে না; কাজেই সংবাদটা জেলময় রোজই একরূপ প্রচার হয় যে, সে সেই বকমই আছে।

এখানকার অধিবাসীগুলি তাহার প্রতি একটা দেবত্ব আরোপ করিয়া অনেকটা হুহু  
হইয়াছে—বুকের ভার, উৎকর্ষা যেন অনেকটা কমিয়াছে।

স্বরেশ দশ নম্বরে বলিয়া সে কথাই কহিতেছিল, দশ নম্বর তখন গুলজার। বাঁড়ুজ্জ,  
চাটুজ্জ, মুখুজ্জ, বোব, বোগ, রায়, প্রভৃতি ফুলান-কয়েদীতে ঘরখানা একমত্ত বোঝাই হইয়া  
গেছে। স্বরেশ কহিতেছিল অমর রায়কে,—ওরা এতে উৎকর্ষা থেকে বেঁচে গেছে অমরবাবু।  
ওদের জীবনের দৈন্ত, হীনতা ঢাকা পড়েছে। ওই ছেলেটিকে মানুষ ভাবলে কি নিজেদের  
মানুষ ভাবতে পারা যায়? যায় না। তাই সত্য-মানুষের যখনই যে-যুগে বিকাশ হয়েছে,  
তখনই সমাজ তাকে দেবত্ব দিয়ে হাঁক ছেড়ে বেঁচেছে। নিজের কাছে লজ্জার চেয়ে বড় লজ্জা  
আর কিছু নেই রায়; সে একটা প্রচণ্ড দাহ, তাতে সব পুড়ে ছাই হয়ে যায়।

অমর রায় কহিল,—তা হলে তুমিও পাপ-পুণ্যে বিশ্বাস কর স্বরেশবাবু?

স্বরেশ কহিল,—ধারণা ছিল বিশ্বাস করি না, মনে মনে ভাবতাম আমি, আগামী যুগের  
মানুষ,—যে-যুগে মানুষের সেন্টিমেন্ট বলে কিছু থাকবে না। প্রথম দিনই কি ভেবেছিলাম বা  
ভাবতে চেষ্টা করেছিলাম জান? ভাবতে চেষ্টা করেছিলাম he is a fool.

তারপর আবার একটা দীর্ঘনিশ্বাস ফেলিয়া কহিল,—আজ কিন্তু তা ভাবতে পারছি না।  
আজ মনে হচ্ছে, বর্ষরতার যুগে যখন মানুষ আপনাকে ছাড়া চিন্তা না, অবলীলাক্রমে হত্যা  
করে এক টুকরা ফল বা মাংস কেড়ে নিত, সেদিনও মানুষ এই ধর্মে মুগ্ধ হয়েছিল। নইলে লক্ষ  
লক্ষ বৎসর সাধনা করে এই আদর্শের দিকেই মানুষ চলে আসবে কেন! আরও একটা কথা  
কি জান? দুনিয়া বড় বস্তুতন্ত্রবাদী হয়ে উঠুক না কেন, ফুল লোপ পেয়ে শুধু ফলে তার বুক  
ভরে উঠবে না—উঠতে পারে না।

ওপাশে বলিয়াছিল গিরীশ চাটুজ্জ, সে বলিয়া উঠিল,—তুমি বড় আবেল-ভাবোল বক  
স্বরেশবাবু, কি সব ভগবান মানি না—পাপ-পুণ্য মানি না—

রায় কহিল,—তুমি ভগবানে বিশ্বাস কর নাকি চাটুজ্জ?

চাটুজ্জ যেন ফাটিয়া পড়িল,—মানি না? ভগবান মানি না? নাস্তিক কোথাকার!  
জান, পুলিশের সাব-ইনস্পেক্টারী করেও কখনও ত্রিশদ্ব্যা না করে জল খাইনি, মহামারাকে  
প্রণাম না করে কোন কাজ করিনি? মায়ের পুষ্প পকেটে নিয়ে যেখানে গিয়েছি সেইখানেই  
লাক্লেস!

রায় হাসিয়া উঠিল।

চাট্জে লাকাইয়া উঠিয়া কহিল,—এ দস্ত থাকবে না, রক্তের ভেজ কমবে, মহামারাকে অবহেলা—

রায় কহিল,—বিন্দুযাত্র অবহেলা আমরা করিনি চাট্জে। তোমার মা মহামারী চিরজীবিনী হোন, তাঁর ভক্তের সংখ্যা মা-বঞ্জীর রূপায় সংখ্যাতীত হোক।

চাট্জে আর দাঁড়াইল না। ভয়ানক বাগিয়া গালাগালি দিতে দিতে বাহির হইয়া গেল।

স্বরেশ ঈবং হাসিয়া কহিল,—লোকটার মধ্যে পাপেরও একটা বিপুল নির্ভীকতা আছে। আমাদেরও আছে কিন্তু তার ভিত্তি হল যুক্তিতর্কের ওপর; আর ওর সংস্কার, সহজাত—হয়তো সহজাতই; এ ওর টলবার নয়। এঞ্জিনীয়ারে গড়া structure ভূমিকম্পে চূর হয়ে যায়, ও কিন্তু পাহাড়।

অন্ন কিছুক্ষণ নীরবতার পর সহসা রায় কহিল,—বাড়িতে তোমার স্ত্রী আছেন স্বরেশবাবু?

স্বরেশ তাহার মুখপানে চাহিয়া কহিল,—হ্যাঁ আছে। কেন বল তো?

—তুমি তাঁকে চিঠিপত্র লেখ?

—লিখি।

—বেশ আবেগ-দিয়ে-ভরা প্রেমপত্র?

—না, তা পারি না। কেন পারি না জান? বোধ হয় এই জেল হওয়ার ক্ষণে কেমন একটা প্রচ্ছন্ন লজ্জা আছে আমার। স্ত্রীর কাছে মাহুষ খাটো হতে চায় না। যত সবল যুক্তিই আমার কর্মের পেছনে থাক না রায়, তার সংস্কারের কাছে ঠেকে সে সব চুরমার হয়ে যায়। আমি বেশ অসুস্থ করি অমরবাবু, আমার কৃতকর্মের ক্ষণ তার লজ্জার আর অবধি নাট! এ লজ্জার ক্ষণেই আমিও তার কাছে লজ্জা পাই।

অমর রায় কহিল,—চাট্জে কিন্তু বেশ বড় বড় প্রেমপত্র লেখে—হু'-তিন পাতা। শুধু প্রেমপত্র নয়,—এইখানে আবদ্ধ থেকেও লোকটা আপনার বিষয়-সম্পত্তি বেশ নিপুণ ভাবে চালিয়ে যাচ্ছে। কোন্ খাতকের নামে নালিশ করতে হবে, কার কোন্ জমিটা নিতে হবে—এ সব ওর নখদর্পণে। আর সেই সমস্ত জুকুম ও চিঠি মারফৎ পাঠিয়ে থাকে।

স্বরেশ কথা কহিল না। অমরও কিছুক্ষণ চূপ করিয়া থাকিয়া সহসা আবার কহিল,—আমার বিয়ে হয়নি স্বরেশবাবু।

স্বরেশবাবু কহিল,—নিশ্চিন্ত আছ রায়—দুর্ভাগ্যের মধ্যেও সৌভাগ্য।

অমর তাহার কথা কাড়িয়া লইয়া কহিল—না, আমার মনে হয় সে আমার দুর্ভাগ্য! জান স্বরেশবাবু, এক এক সময় একটি নারীর মুখ কল্পনা করবার ক্ষণ অন্তরাখ্যা লালায়িত হয়ে ওঠে।

ঠিক সেই সময়ে চাট্জে আবার আলিয়া টেবিলে একটা প্রচণ্ড চাপড় মারিয়া কহিল,—ভগবানকে—মা মহামারীকে না মানবার তোমাদের কারণ কি? কেন—

অমর রায় সবল যুট্টিতে চাট্জের কাঁধে একটা ঝাঁকানি দিয়া কহিল,—Shut up you



devil. Get out, get out. সেই সন্ধে অজুলি সংকেতে বাহিৰেৰে সাজাটাও দেখাইয়া দিল।

অমৰেৰ চোখ দুইটা মপমপ কৰিয়া জলিতেছিল। স্বৰেশ চট কৰিয়া ৰায়কে ধৰিয়া বশাইয়া সান্ধনা দিয়া কহিল,—বোস বোস অমৰবাবু, আপনাকে হাবিয়ে কেলো না,— আপনাকে হাবিয়ে কেলো না !

চাটুজ্জের মুখ দেখিয়াই বোকা গেল, সে বীভীমত ভয় পাইয়া গিয়াছে। ৰায়ের হাত হইতে নিষ্কৃতি পাইবামাত্ৰ একটু দূৰে সরিয়া গিয়া মুখ ভেঙচাইয়া কহিল,—ওঃ, ভগবানকে তুই না মানলি তো আমাৰ ভাতী বয়েই গেল !

অল্পদূৰ গিয়া চাটুজ্জে আবার ফিৰিল। এবাৰ স্বৰেশের কাছ ধেঁৰিয়া বসিয়া একেবাৰে আকৰ্ষণ দস্ত বিস্তাৰ কৰিয়া কহিল,—তুমি বেশ লোক মাইরি স্বৰেশবাবু, তোমাকে আমি ভালবাসি—

সহসা ভালবাসাটার হেতু না পাইয়া স্বৰেশ জিজ্ঞাসু দৃষ্টিতে তাহার মুখপানে চাহিয়া রহিল। চাটুজ্জে আবার হাসিতে হাসিতে কঁহিল, আমাৰ বউএৰ চিঠি দেখবে স্বৰেশবাবু ?

স্বৰেশ কহিল,—না।

চাটুজ্জে ব্যগ্ৰভাবে তাহার হাত দুইটা ধৰিয়া কহিল,—না মাইরি, তোমাকে দেখতেই হবে, কালীৰ দিব্যি বইল।

স্বৰেশ বিৰক্তভাবে কহিল,—আচ্ছা দেখব'খন।

চাটুজ্জে আবার কহিল,—তোমাৰ চিঠি 'ডিউ' হয়নি স্বৰেশবাবু ?

—আমি বড় একটা চিঠি লিখি না চাটুজ্জে, দু'মাস তিনমাস অন্তৰ একখানা।

—এবাৰ তাহলে তোমাৰ পাওনা চিঠিখানা আমায় লিখতে দেবে স্বৰেশবাবু ? বউকে একটা চিঠি দেওয়া আমাৰ বড় দরকার।

স্বৰেশ বিস্মিত ভাবে কহিল,—তা কেমন করে হয় চাটুজ্জে ? তোমাৰ বউকে চিঠি লিখবে—সে আমাৰ নাম দিয়ে কেমন করে হবে ? তলায় তো আমাৰ নাম দিতে হবে !

স্বৰেশের আহুতে সোৎসাহে একটা চাপড় মাৰিয়া, সন্ধে সন্ধে একটা অশ্লীল বাক্য উচ্চারণ কৰিয়া চাটুজ্জে কহিল,—তলায় লিখে দেব শুধু—'তোমাৰ স্বামী।'

অমৰ উঠিয়া চাটুজ্জের হাত ধৰিয়া টানিয়া কহিল,—আমি দেব এস।

সন্ধে সন্ধে চাটুজ্জে উঠিয়া পড়িয়া কহিল,—তাহলে তোমাৰ খানাও দরকার হলে নেব কিন্তু স্বৰেশবাবু।

সমস্ত দিনে আৰ ৰায়কে দেখা গেল না। স্বৰেশ একা একা বসিয়া কত কথাই ভাবিতে চেষ্টা কৰিতেছিল, কিন্তু সূৰিয়া ফিৰিয়া ওই নৰু ছেলেটিৰ কথাই আসিয়া পড়ে। তাহা জানিছিল সংস্কাৰকে সে জয় কৰিয়াছে, কিন্তু ননীৰ মত দেহ ঐ কিশোরটি তাহার সমস্ত শক্তি বেন চূৰ্ণ কৰিয়া দিয়াছে।

ছেলেটার যদি পরাজয় হয়,—কোন রকমে যদি সে আহার গ্রহণ করে, তবে যেন শান্তি-সোয়ান্তি সে পায়। কতক কল্পনাও সঙ্গে সঙ্গে সে করিয়া যায়,—এই দারুণ রোজ, আজ ক্রীণ কর্তে সে নিশ্চয় কহিবে—একটু জল! আর সে ক্রীণ কর্তের ধনি তন্দুতির মত এই বিরাট পুরীর পাষাণে পাষাণে প্রতিধ্বনিত হইয়া উঠিবে।

কিন্তু তাহাতেও স্নেহ নাই, চিন্তার ভীতৃতায় সমস্ত শ্রোণটা যেন হাঁপাইয়া উঠে।

স্বরেশ বারান্দাময় সঙ্গীর সঙ্গানে কিছুক্ষণ ঘুরিয়া ফিরিয়া আবার নিজের স্থানটিতেই আসিয়া বসিয়া পড়িল।

বিনাশ্রম কারাদণ্ড আজ যেন তাহার পক্ষে অভিশাপ হইয়া উঠিয়াছে। পরিষ্কার আকাশ প্রদীপ্ত প্রথর সূর্যের আলোকে যেন জ্বালাময়, আকাশপানেও তাকাইয়া থাকিতে পারা যায় না। ঘরখানির প্রতি খুঁটিনাটি দেখিয়া দেখিয়া দৃষ্টি যেন ক্লান্ত হইয়া পড়িয়াছে।

স্বরেশ গামছাখানা ঘাড়ে করিয়া অগত্যা পাইখানার পানেই চলিল; সেখানে সেই যে ময়রাটা মেথরের কাজ করে, তার সঙ্গে তো কয়টা কথা কওয়া চলিবে!

লোকটি বেশ! অতীতের অভিজ্ঞতায় সে আপনার ভবিষ্যৎটা বেশ আঁচিয়া লইয়াছে। জেলে তাহাকে আবারও আসিতে হইবে—হয়তো জীবনটাই কাটাইতে হইবে, তাই নিজে যাচিয়া মেথরের কাজটা গ্রহণ করিয়াছে। কাজটা হালকা, ভাড়া নাই বরং ভোষামোদ পাওয়া যায়, আবার আহারও পাওয়া যায় ভাল।

খুশীর সময় সে অশ্লীল গানের বইখানা পড়ে, আবার মন খারাপ হইলে ছেঁড়া ব্যাকরণ-কৌমুদীখানা খুলিয়া বসে।

স্বরেশ আসিয়া কহিল,—কি হচ্ছে? বই পড়ছ না আজ?

লোকটি পা দুইটা ছড়াইয়া, বসিয়া বসিয়া কি যেন ভাবিতেছিল, একটা দীর্ঘশ্বাস ফেলিয়া কহিল,—জেলের পাঁচিলগুলো কি উঁচু আর কি শক্ত! আচ্ছা পাকা গাঁথনি!

স্বরেশকে দেখা গেল চারিটার পর—

বারান্দার ধারে সম্মুখের পানে চাহিয়া শূন্যমনে দাঁড়াইয়া ছিল, স্বরেশ ভাবিল,—এস স্বর—এস এস!

স্বর আসিয়া বসিয়াই কহিল,—ও-বেলার কথাটাই মনের মধ্যে ঘুরছে স্বরেশবাবু, তুমি আমার ঘেরা করছ বোধহয়?

স্বরেশ কহিল,—ঘেরা কেন করব অমরবাবু?

—আমার স্বরূপ দেখে—আমার রক্ত-মাংসের বুকুকার ভীতৃত্য দেখে?

—না, রক্ত-মাংসের মাছবের ওটা অগত্যা প্রবৃত্তি—তার বিকাশ মাছবের জীবনে তো স্বাভাবিক!

—তারও মাত্রা আছে স্বরেশবাবু, কিন্তু আমার এ যে কি ভীতৃত্য, তা তোমার প্রকাশ করতে পারি না। এর সঙ্গে আমার শান্তি হয়েছে জেলে এসেও,—আমার টিকিটে লেখা আছে,

তোমার দেখাব।

স্বরেশ কথাটার গতি ফিরাইতে কহিল,—তুমি কতদিন জেলে আছ রায় ?

—চার বছর।

স্বরেশের ইচ্ছা হইল অপরাধের কথাটা জিজ্ঞাসা করে, কিন্তু পারিল না। রায় আপন্য হইতেই কহিল,—কি করেছিলাম জিজ্ঞাসা করলে না স্বরেশবাবু ?

স্বরেশ লজ্জিত হইয়া কহিল,—সে ঠিক নয়।

রায় কহিল,—সবাই কিন্তু করে।

কিছুক্ষণ নীরব থাকিয়া আবার রায় কহিল,—তুমি বোধহয় বেশী দিন জেলে আস নাই, না ?

—না, এই মাস চারেক হল।

—ভাই, ভাই তোমার জীবনটা আজও সম্পূর্ণ উলঙ্গ হয়নি।

—তা নয় রায়, আমার জীবনে আমি কখনও কোন আবরণ রাখিনি কিন্তু হঠাৎ আজ আমি আপনাকে যেন হারিয়ে ফেলেছি।

অমর কি যেন ভাবিতেছিল, কথাটা বোধহয় সে শোনে নাই। সহসা কহিল,—বিনা অপরাধে শাস্তি হয়, এ তুমি বিশ্বাস কর স্বরেশবাবু ?

স্বরেশ অস্বমনস্ক ভাবেই সায় দিল,—করি।

আবার একটু নীরবতার পর রায় কহিল,—আমার বিনা অপরাধেই শাস্তি হয়েছে স্বরেশ-বাবু। কর্তৃত্বের তাহার একটা বিবাদক্ষিণ গাঙ্গীর্ষ, সে স্বর মাহুঘের মনের এমন একটা তাতে যা দেয়-যে, মাহুঘ তাহা উপেক্ষা করিতে পারে না। স্বরেশ মুখ তুলিয়া চাহিল।

রায় যেন আর সে মাহুঘটিই নয় ; ভঙ্গিমায়, স্বরে সহসা তাহার ভিতর যেন একটা আমূল পরিবর্তন ঘটয়া গেছে। স্তিমিত চোখের বিষণ্ণ দৃষ্টি দূরে-দূরে ওই আকাশের বৃকে নিবন্ধ, যেন অতীতের কি একটা স্মৃতি তার চোখের ওপর স্থষ্টি ফুটিয়া উঠিয়াছে।

রায় কহিল,—ওই নরু ছেলোটর শিক্ষা-দীক্ষা কল্পনা করতে পার,—ওই ধারারই আর একটি ছেলে, একটা বিরাট মনুষ্যত্বের আদর্শ সম্মুখে রেখে জীবনপথে চলা শুরু করেছিল। সমিতির পর সমিতি গড়ে উঠেছে তাকে কেন্দ্র করে, মহামারীকে সে দু'হাতে ঠেলে তার পক্ষী থেকে বের করে দিয়েছে, দুর্ভিক্ষের সঙ্গে যুদ্ধ করেছে, আগুন, জল, যখন যে সংহারমূর্তিতে মাহুঘকে আক্রমণ করেছে, তারই সঙ্গে বুক দিয়ে অমিতবীর্ষে সে লড়াই করেছে।

গায়ের জামাটা তুলিয়া পিঠটা দেখাইয়া বলিল,—দেখছ স্বরেশবাবু ?

প্রায় সমস্ত বুকটা জুড়িয়া একটা মস্ত ক্ষত-চিহ্ন।

—আগুন একবার তার জীবনকে গ্রাস করতে এসেছিল। জলস্ত ঘরে একটি মেয়ে,—তাকে বাঁচাতে আগুনে বাঁপ দিয়েছিল সে, মুখের আহার কেড়ে নেওয়ার ভয়ে ক্রুদ্ধ অগ্নি-শিখা সহস্র হস্ত বাড়িয়ে তাকে আক্রমণ করল। বেরুবার মুখে জলস্ত দরজাখানা তার পিঠের ওপর চেপে পড়ল। কিন্তু এত অমৃত জীবনে তার সঞ্চিত হয়ে উঠেছিল স্বরেশবাবু যে, তার জীবনের

কণামাত্র পেয়ে আগুনের ছুঁপি হয়ে গেল। সে বোধহয় বলতে পারতো স্বরেশবাবু, অস্তুত তার নিজের পল্লীখানিকে দেখিয়ে বলতে পারত—“আমার জীবনে লভিয়া জীবন জাগরে সকল দেশ।” রায় একটা দীর্ঘশ্বাস ফেলিয়া নীরব হইল।

কিছুক্ষণ পরে আবার কহিল,—একটা জিনিস সে জানতো না,—জানতো না যে, মহত্ত্বের বিকাশে মানুষের এত প্রচণ্ড হিংসা হয়, যে, মানুষ মানুষকে হত্যা করতে পারে। জমিদারের সে কোন অনিষ্ট করেনি, সে কমিউনিস্ট ছিল না স্বরেশবাবু, তার শ্রাঘ্য অধিকারে হস্তক্ষেপ করেনি, তবে অগ্নায়ের প্রতিবাদ করেছিল। এক দরিদ্র বিধবার গ্রামাচ্ছাদনের অবলম্বন নামাত্র কিছু সম্পত্তি—

এইখানে রায় একটু হাসিয়া কহিল,—কিন্তু, “বাবু কহিলেন, বুঝেছ উপেন, ও জমি লইব কিনে”। স্বামীর সম্পত্তি বিধবা ছাড়তে রাজী হয় না, শেষে জোর করে জমিদার তা কেড়ে নিলে। অভ্যাচারের বিরুদ্ধে ছেলেটি স্বেচ্ছায় মাথা তুলে দাঁড়াল। সম্পত্তি অবশ্য ফেরাতে পারল না;—ফেরাতে পারল না নয়, সম্পত্তি ফিরত, কিন্তু তার আগেই জমিদার টাকা দিয়ে মেয়েটাকে কিনে ফেললে স্বরেশবাবু! যে মেয়ে খানিকটা মাটি দিতে চায়নি, সে শেষে তার দেহ পর্যন্ত তাকে বিক্রী করলে। ষাক, টাকা দিতে হল জমিদারকে। তারপর হল কি জান? শব্দ রটল, সেই টাকা নাকি সেই ছেলেটি ডাকাতি করে লুটে নিয়েছে, তার মর্দাদাও নাকি হরণ করেছে; মেয়েটি তাকে নাকি খুব ভাল করে চিনতে পেরেছিল। আদালতেও সেই শাস্তিই সে দিয়ে এল! ছেলেটির সাজা হল পাঁচ বৎসর জেল আর বিশ ঘা বেত। স্বরেশবাবু, পিঠে যে দাগ দেখলে, উলঙ্গ হলে দেখতে ওই বেতের দাগও ঠিক এমনি অক্ষয় হয়ে গিয়েছে।

রায় নীরব হইল। স্বরেশ রায়ের কথাটা সম্পূর্ণ বিশ্বাস করিয়াছিল। তার মন যেন আরও স্তিমিত হইয়া গেল, একটা উত্তর, একটা সহায়ভূতির কথা বলিবার ভাষাও যেন সে খুঁজিয়া পাইতেছিল না; শুধু নীরবে সন্মুখের পানে উদাস নেজে চাহিয়া রইল। দূরে আকাশের গা বাহিয়া সন্ধ্যার অন্ধকার সন্ন্যাসের মত আগাইয়া আসিতেছে, পাখিগুলার কলরব তখনও শেষ হয় নাই, একটা পেঁচা কোন অজ্ঞাত স্থান হইতে ডাকিয়া উঠিতেছে—চ্যা—চ্যা—

বারান্দার ওদিক হইতে চাটুজের সাড়া পাওয়া গেল।

—রায়—রায়, এই শালা, অন্ধকার হয়ে এল যে, ঘর বন্ধ হয়ে যাবে যে—আরে এই—  
রায় উঠিয়া পড়িয়া স্বরেশকে কহিল,—মন কি তোমার খারাপ হয়েছে স্বরেশবাবু?

স্বরেশ কহিল,—হ্যাঁ—কেমন এক রকম—যেন,—

রায় কহিল,—আসবে আমার সঙ্গে?

—কোথায়?

—গাঁজা খাবে! ওই দেখ চাটুজের ডাকছে। রাজে বেদম ঘুম হবে। আমরা বোজ খাই—ওই শালা আমাকে শিখিয়েছে।

স্বরেশের বিন্ময়ের এবার আর অবধি রহিল না, সে রায়ের মুখপানে বিশ্চিত দৃষ্টিতে চাহিয়া

রছিল। কথাটা যেন সে বিশ্বাস করিতে পারে নাই।

রায় হাসিয়া কহিল,—তুমি কি আমাকে সেই ছেলেটি ভাবছ না-কি ? He is dead—  
সে মরে গেছে স্বরেশবাবু সে মরে গেছে।

স্বরেশ কহিল,—মাণ কর অমরবাবু, মরালিটি আমি মানিনে কিন্তু নেশাও করিনে।  
জিনিসটাকে আমি ঘেঁষা করি।

রায় চলিয়া গেল।

মিনিট বিশেক পরে আবার রায় আসিয়া কহিল,—চাটুঞ্জ-শালা বেড়ে লোক মাইরি।  
সিগ্রেটের ভিত্তর মাল পুরে—হি-হি-হি—

সে হাসি আর ফুরায়ই না।

স্বরেশের বিশ্বাস হইতেছিল না যে, এ হাসি যে-কণ্ঠ হইতে বাহির হইতেছে, সেই-কণ্ঠ  
হইতেই একটু পূর্বেকার সেই স্বর বাহির হইয়াছিল।

সে হাসি ধামিলে কিছুক্ষণ সব নীরব। আবার হঠাৎ রায় কহিল,—আচ্ছা, বি ইউ টি  
বাটু হলে পি ইউ টি পাটু হবে না কেন স্বরেশবাবু ? হি-হি-হি—

ওদিকে ঢং ঢং করিয়া ছ'টা ঘড়ি বাজিয়া গেল। বাহিরে তালার পর তালার বন্ধ হইতেছিল।  
মাঝে মাঝে হাঁক আসিতেছিল,—সরকার—

—সেলায়।

রায় উঠিয়া আপনার ঘরে বাইতে বাইতে আবার কহিয়া গেল,—বি ইউ টি বাটু হলে পি  
ইউ টি পাটু হবে না কেন ?

স্বরেশ তাহারই পানে চাহিয়া ছিল, সহসা একটা দীর্ঘশ্বাস ফেলিয়া কহিল,—‘বি ইউ টি  
বাটু হলে পি ইউ টি পাটু হবে না কেন’ ! খেলে মন্দ হয় না।

## আট

ঘণ্টার পর ঘণ্টা বাজিয়া বাইতেছে—স্বরেশের ঘুম আসে না, বিনিস্র চোখে বিছানায় ছটকট  
করিতেছে।

বাহিরে রাজিটা জ্যোৎস্নাময়। দূরে কোন দরিত্র-পল্লীতে মাদল, কঁাসি বাজিতেছে, একটা  
পরিপূর্ণ আনন্দের আমেজে বাতাসও যেন উন্নাদ হইয়া উঠিয়াছে। এদিক দিয়া কোন  
কাহারশালার একঘেয়ে ঠং ঠং শব্দ সময়ের লমতা রাখিয়া বেশ বাজিয়া চলিয়াছে। শব্দটা  
স্বরেশের বেশ লাগিল। ঠং করিয়া ধনিটা উঠিয়া দিক-দিগন্তরে ছড়াইয়া কীণ হইয়া আসিতে  
আসিতে, আবার ধনিয়া উঠে—ঠং, একটি স্বন্দর সংগীতের বেশ গুর মধ্যে আছে।

মধ্য রাত্রে ভারী বৃটের আওয়াজ যেন বাড়িয়া গেল, জেতভাবে যেন সব চলা-ফেরা

চলিতেছে। বড় ফটকটা খোলারও শব্দ পাওয়া গেল।

স্বরেশ উৎকণ্ঠিত হইয়া উঠিল।

এদিক ওদিক ফিরিয়া কোন কিছু নির্ণয় করিতে না পারিয়া সে আবার বিছানায় শুইয়া পড়িল। জ্যেৎস্নার ঝলক জাল-ঝাঁটা জানালা দিয়া নিক ও জালের চায়ী ফেলিয়া মাৰ্বেলের জাকরির মত দেওয়ালের গায় মুছিত হইয়া পড়িয়া আছে। ওদিকে তখনও সেই কামারশালের শব্দ ভাসিয়া আসিতেছে—ঠং ঠং।

সহসা স্বরেশের মনে হইল, নরক বোধ হয় আহাৰ গ্রহণে সম্মত হইয়াছে।

উৎসাহে উঠিয়া বসিয়া বিছানার উপর একটা চাপড় মারিয়া সে কহিল,—Fool, he was a fool,

ভারপর একটা স্বস্তির আনন্দে অল্পক্ষণের মধ্যেই গভীর নিদ্রায় অভিভূত হইয়া পড়িল।

ঢং, ঢং, ঢং, ঢং।

ভোর পাঁচটার ঘড়ি পেটা শেষ হইয়া গেল; কয়েদীরা সব জাগিয়া সারিবন্দী বসিয়া গেল, —এখনি দরজা খুলিবে।

কিন্তু দরজা খুলিল ছয়টার সময়—এক ঘণ্টা পর।

হেড-ওয়ার্ডার কয়েদী গণনা করিয়া বলিয়া গেল,—আজ ছুটি হ্যায়। বাহ্যরসে মু-হাত ধোকর—ঘরমে ঘুস্ ঘাও।

বাহিরে আসিয়াই সকলের সেদিন বুক কাঁপিয়া উঠিল। সশস্ত্র গ্রহরীগুলি সব স্তর গাভীর্থে পেটোল করিয়া ফিরিতেছে,—সমস্ত জেলখানাটা যেন একটা ধূমায়মান আগ্নেয়গিরি।

কেউ ফিসফিস করিয়া পাশের কয়েদীটাকে জিজ্ঞাসা করিল,—কি ব্যাপার বল দেখি?

—সেটা কামার বেটা বোধ হয়—

সিপাই হাঁকিয়া উঠিল,—চোপ!

পায়খানার দিকে ষাইতে ষাইতে গোসাঁই নাকে হাত দিয়া তঁকিয়া মাথা নাড়িয়া কহিল,—জারমানী কলকাতার ধার পর্ষন্ত এসে পড়েছে, খাসা গুণে বৃথতে পাবছি।

একটা অপ্রত্যাশিত আশায় ও আনন্দে সকলের চোখ যেন জলজল করিয়া উঠিল। গোসাঁই আবার একবার নাকে হাত দিয়া কহিল,—হঁ—বী-নাকে খাসা বইছে, ঠিক।

সারিবন্দী পায়খানার ধারে বাঁধানো জায়গাটার অভ্যন্ত ভাবে সকলে বসিয়া ছিল। গৌর ছেলোটাকে চুপি চুপি জিজ্ঞাসা করিল,—কি রে—এ সব কি? তুই তো সব জায়গায় বাস।

একটা দীর্ঘশ্বাস ফেলিয়া সে কহিল,—পাঁচ নম্বরের সেই বাবুটি—

বেচারী আর বলিতে পারিল না। বাহিরে একটা কলরোল উঠিতেছিল—সেই দিকে অজুলি নির্দেশে ইঙ্গিত করিয়া কহিল,—ওই শোন।

বাহিরে সে কি কলরোল!

স্বপ্নের-রথে-জীবনের-অস্বাভাব্য মাহুকের উল্লাস-কলরোল উচ্ছ্বসিত হইয়া উঠিয়াছে।

মরণ-ভীতু মানুষ দলে দলে কলরোল করিয়া এই শবের আভিষ্কার করিতেছে ;—  
মুহূর্তের জন্য ওরাও যেন আজ মরণ জয় করিয়াছে ।

করেরীর দল চঞ্চল হইয়া উঠিল মনে হইল, ষাণ্ড উচু করিয়া ওরাও বাহিরের ওই  
জীবনোচ্ছ্বাস একবার দেখিয়া লয়, কিন্তু সম্মুখে বিশাল প্রাচীর-বেষ্টনী !

দুর্ধোগের ত্রাত্রে প্রাস্তরে পথহারা-যাত্রিদল দূর গ্রামের জীবনের সাড়ায় উদ্গ্রীব  
উদ্বেজনায় যেমন বলে, কোথায়, কোথায়, তোমরা কোথায় ? ভেমনি একটা উদ্গাদ  
কোলাহল যেন বাহিরের জগৎটাকে আলোড়িত করিয়া তুলিয়াছে ।

সঙ্গে সঙ্গে বাঁশির পর বাঁশির তীক্ষ্ণ শব্দে সমগ্র জেলখানাটা রোষে চিৎকার করিয়া উঠিল,  
—গুমটিতে 'পাগলা ঘণ্টি' বাজিয়া গেল—চনচন চনচন—

জীবন-সন্ধানী ব্যাকুল যাত্রিদলের সম্মুখে দুর্ধোগের আকাশে যেন বাজ গজিয়া গেল ।

জীবনের স্বাভাবিক চলমান স্রোতে বাধা পড়িয়া যে-আবর্তের সৃষ্টি হইয়াছিল, তাহাতে  
খড়কুটার মত পাক খাইয়া খাইয়া বন্দিশালার অভাগা মানুষগুলি যেন হাঁপাইয়া উঠিয়াছিল ।  
একটা অতি চঞ্চল হাসির সংঘাতে ওই আবর্তে একটা স্বাভাবিক প্রবাহ আসিতে পারে—এটা  
সবাই জানে ; কিন্তু কারোই যেন হাসি আসে না । সময়ে স্বযোগে ওই কথা, ওই ছেলেটিরই  
কথা আসিয়া পড়ে ।

ঝড়ের মত অকস্মাৎ কোথা হইতে আসিয়া এই অদ্ভুত ছেলেটি যেন বন্দিশালায় একটা  
বিপর্যয় ঘটাইয়া দিয়া আবার অকস্মাৎই কোথায় মিলাইয়া গেছে !

মাঝে মাঝে কৌতুক উত্তিতে উত্তিতে মিলাইয়া যায় । বড়ো মাঝিট' অতিষ্ঠ হইয়া সেদিন  
গৌরকে কহিল,—

—দু-রো মোড়ল, এটা হলো কি ?

—কি হল বল দেখি ?

—ও মল তো আমাদের কি ?

ওর ক্ষুদ্র জীবনও যেন এ ক'দিনেই বিষন্নতার চাপে পড়িয়া হাঁপাইয়া উঠিয়াছে ।

গৌর কথাটার প্রতিবাদ করিতে পারিল না । মানুষের মরণজয়ে যে-আশ্বাস মানুষ  
পাইয়াছিল, সে-আশ্বাস দুর্বল মানুষ এই কয়দিনেই হারাইয়া আবার নিঃস্বল হইয়াছে । কি  
লইয়া আজ সে বাঁচিয়া থাকিবে, পলে পলে, দণ্ডে দণ্ডে মরণ যে নিশ্চিত পদক্ষেপে আগাইয়া  
আসিতেছে—কোন অবলম্বনে তাহার পানে নিরন্তর পথ-চাওয়া সে তুলিয়া থাকিবে !

মাঝি কহিল,—আজ আমি গায়ের করব মোড়ল ।

গৌর সহসা সকলকে ডাকিয়া দুইটা হাত নাড়িয়া কহিল,—চোপ চোপ, আজ মাঝি গান  
করবে,—সাঁওতাল নাচ হবে আজ ।

সবাই যেন এই চাহিতেছিল । সব সরিয়া সরিয়া বলিয়া গেল—মাঝি দুই হাতে দুইখানা  
খালা লইয়া বাজাইতে বাজাইতে গান ধরিল ; তাহার স্বর এই—

কালো মেয়েটি চলিয়া যায়, মাথার তাহার জবাজুলের গোঁহা, জবার শিব করটি ওর দেহের কোলার সঙ্গে হেলিতেছে, ছাঁলিতেছে ; ওই ভালে ভালে তোরাও পারিস তো;নাচ।

গান শেষে খালা বাজাইয়া নাচিতে নাচিতে বাজনার বোলটাও মুখে আওড়াইয়া গেল—  
চিলাক চিলাক, চিলাক—দিপং, চিলাক—দিপং, হরবু—হরবু—হরবু—

গানখানির ভাবের সহিত ওর মনের কোন সঘন্ধ নাই হয়তো, কিন্তু সুরের সহিত নাচের একটা স্বেদ সংগতি আছে ; সে নাচে শিল্পও আছে—নৈপুণ্যও আছে।

বাহিরে নূতন বর্ষার মেঘাচ্ছন্ন কৃষ্ণ পক্ষের রাত্রি—নিবিড় অন্ধকার, জানালার বাহিরে সমস্ত পৃথিবীটা ঘেন হারাইয়া গেছে ; ভিতরে স্বল্প আলোকে কতগুলি প্রাণী বাঁচিবার চেষ্টায় এমনি প্রাণপণ করিয়া আনন্দ সঞ্চয় করিতেছিল।

অমর রায় আপনার তার-ধেয়া জানালাটা দিয়া বাহিরের পানে তাকাইয়া ছিল।

বাহিরে যুহু বারিপাত হইতেছে—তার শব্দ বড় শোনা যায় না। বর্ষাভিষিক্ত গাছগুলির পাতা-ঝরা জল অনিবার টুপটুপ শব্দ করিয়া পড়িতেছে। গুর চোখে সব চেয়ে আজ হৃদয়ের লাগিতেছে জোনাকির মেলা! গাছে গাছে অসংখ্য অজস্র জোনাকি মুহুমূহ বিকশিত হইয়া গভীর কালের বৃকে আকাশ-জোড়া তারা-ফুলের আভাস বাজি জ্বলাইয়াছে। এক নেড়ে, এক জলে, এ-গাছ হইতে ও-গাছে আনাগোনা করে।—

অমর এর বিজ্ঞানসম্মত অর্থ জানে।—এ হইতেছে ওদের নারী-পুরুষের পরস্পরের প্রতি আভিনাবের আহ্বান। এ ওকে ডাকে, ও একে ডাকে। বেগুলা চলাফেরা করে সেগুলো পুরুষ। কিন্তু এ অর্থে রায়ের আজ মন উঠিল না—খালো অন্ধকারের বৃকে আলোর ফুল ফোটার যে সৌন্দর্য, তাই ঘেন আজ তার বৃকে বাসা গাঁড়িয়াছে ; চোখে তার রূপের অঙ্কন লাগিয়াছে। রায়ের মনে পড়িল সে কবিতা লিখিতে পারাত ; আজ জবার তাহার সাধ হইল কবিতা লেখে। সে একটা সিগারেট ধরাইয়া মনে মনে কাঁবতা রচনার চেষ্টা করিল।

দূর হইতে সেই কামারশালার উত্তপ্ত পোহার আঁশ্রাম ঠুং ঠাং শব্দ নিরঙ্ক অন্ধকারের গা বাহিয়া দিকে দিকে ছড়াইয়া পড়িতেছে। রায় বেশ বোধ করিল শব্দটা নিঃশেষ হইয়া বাইতেছে না—দূরে-দূরাস্তরে ছড়াইয়া পড়িতেছে যাত্র।

এই দৃষ্টবৈচিত্র্য ও অতুভূতির মাঝে কতক্ষণ কাটিয়া গেল খেয়াল ছিল না, সহসা তাহার মনে হইল কে ঘেন বিনাইয়া বিনাহয়া কাঁদিতেছে। সে কান্নায় উজ্জ্বাস নাই, আবেগ নাই, ভাবা নাই, শোনা যায় শুধু—ধ্বনিতে বিলাপ।

কয়েক মিনিট পরেই পাশের ঘরে চাটুজ্জে বিরক্তিতরে বলিয়া উঠিল,—আঃ, জালালে শালা কামার ; শালাকে তো লটকে দিলেই হয়।

অমর জানালার মুখ রাখিয়া যুহু-কণ্ঠে ডাকিল,—চাটুজ্জে।

চাটুজ্জে বেশ আশ্চর্য কণ্ঠে কহিল,—কে অমরবাবু নাকি ? দিলে শালা কামার যুহুটা চটিয়ে, জুনি বুঝি পেয়া মনে করেছ ?



—ও কি সেই কামারটা ?

—হ্যাঁ, শালা এখন আর বেমক্কা চেষ্টায় না, রাজে এমনি ধারা কাঁদে ! শালা পাপী হে !  
ওয়ার্ডার সাড়া দিয়া উঠিল,—চূপ রহো বাবু, নিদ যাও—নিদ যাও ।

চাটুজ্জ্ব মুখ ভেঙচাইয়া কহিল,—লে—লে বাবা, বলে লে যত পারিস । কথায় আছে সেই  
যে 'বে-কারদার পড়লে হাতি, চামচিকিতে মারে লাথি', নইলে আমি বাবা সাবইন্স্পেকটর—  
হঃ ! তারা—তারা, মা মহামায়া—

একবার নড়িয়া চড়িয়া শোওয়ার একটু শব্দ হইল, তারপর আর চাটুজ্জ্বের কোন সাড়া  
পাওয়া গেল না ।

অমর দাঁড়াইয়াই ছিল,—কবিতার এক লাইনও তার মাথায় আদিল না, কিন্তু সহসা মনে  
পড়িয়া গেল একটা বিখ্যাত কবিতার একটি পদ "মরিতে চাহি না আমি স্বন্দর ভুবনে"—

রায় একটা দীর্ঘশ্বাস ফেলিয়া মনে মনে কহিল,—এ লোকটার জীবনের বেদনার গান-রচনা  
তুখু ওই বিলাপ—ওই কান্না ; মাহুষের ভাবা যেদিন হয়নি সেই-দিনের মাহুষের কাব্য এ-ই ;  
শ্রেষ্ঠ সত্য ।

আরও দিন পনেরো পরে—ওদের জীবন তখন অনেকটা সহজ হইয়া আসিয়াছে ।

সে দিনটা রবিবার, কয়েদাদলের বিজ্ঞানের দিন । সেইদিন সকাল হইতে ওরা কামায়,  
কাপড় জামা সাফ করে, আপনার পরিচরার জন্ত এই একটি দিন তাহাদের অবসর । এ দিনটা  
ওদের ছয় দিন খরিয়া কামনা-করা দিন ।

ছোড়াটার কিছু কাজ বাড়িয়াছে । ওকে এখন নাপিতের কাজ করিতে হয় । ছোড়াটা  
কাজ করিতেছিল, কেটা আসিয়া পাশে মাটির উপর পা ছড়াইয়া বসিয়া পড়িল । কেটার  
শরীরটা একটু মারিয়াছে...দেখিলেই বোকা যায় দেহ নীরোগ, সর্ব অবয়বে একটি মুহু সজীবতা  
দেখা দিয়াছে ।

ছোড়াটা কহিল,—আজ ভোর চুল কাটব মাইরি ।

কেটা একটা দীর্ঘশ্বাস ফেলিয়া কহিল,—সাইদের ছেলেটা মারা গেছে যে, খবর এসেছে ।  
ছেলেটার হাতের মুখের কাঁচখানা সহসা বিহ্বলস্পৃষ্টের মত ধামিয়া গেল । সে অপলক  
নেত্রে কেটের মুখপানে চাহিয়া রহিল ।

কেটা আবার কহিল,—সাপে খেয়ে মারা গেছে ।

এ আকস্মিক দুঃসংবাদে উপস্থিত সব কয়টি লোকই খেন স্তম্ভিত, মুক হইয়া গেল ।

বহুকণ নীরব থাকিয়া ধীরে ধীরে ছেলেটা কহিল,—সাইদ কি করেছে যে ? খুব  
কাঁদছে ?

—তনেই কিট হয়ে পড়ে গিয়েছিল, তারপর জ্ঞান হলে উঠে বসে চোখের জলে বুক ভেসে  
গেল ; মুখে কিছু চেষ্টায়নি ।

যে লোকটির চুল কাটিতেছিল সেও মাথায় ছ'হাত দিয়া কি ভাবিতেছিল । একটা

দীর্ঘনিশ্বাস ফেলিয়া ছেলোট কহিল,—এস ভাই, তোমার কামিয়েই আজ শেব করে দেব, সাইদের কাছে যাব একবার।

চৈতন্য বলিয়া উঠিল,—আমার কামাতে হবে।

—তোকে ভাই বুধবার দিন দিয়ে দেব—নয় তো কাল; দশ নম্বরের অন্তে কুর কাঁচি সকালে আনতেই হবে।

চৈতন্য কহিল,—না, আমার মাথা ভার হয়ে আছে, আমার না দিলে আপিসে বলে দেব।

সেদিনের সেই গুস্তাদ বসিয়াছিল এ পাশে, সে কহিল,—বার পাঁচেক তোমার জেল ঘোরা হয়েছে, না চৈতনচরণ?

প্রশ্নের প্রচ্ছন্ন বিষটুকু জালা ধরাইয়াছিল, চৈতন্য উকতাবে কহিল,—তোমার তো ভারী চণ্ডা চণ্ডা কথা হে।

গুস্তাদ উঠিয়া যাইতে যাইতে কহিল,—দোষ দিই নাই ভাই, এ জেলখানা, গম্ খানা—আপনা বাঁচানা।

চৈতন্য কিছুক্ষণ নীরব থাকিয়া যেন আঘাতের তীব্রতাটা অমুভব করিয়া লইল, তারপর গণেশকে উদ্দেশ্য করিয়া কহিল,—বটেই তো—‘আপনা বাঁচানা’ তো বটেই, উনি-ত ভারী আমার, ওঃ—

বলিয়া সে-ও উঠিয়া পড়িল।

কেউ কহিল,—চুল কেটে যা, ও তো দেব না বলেনি।

—না, আর চুলই কাটব না, চুল রেখে দেব এইবার।

একদল লোক সাইকে ঘেরিয়া বিষন্নভাবে বসিয়া আছে। গুস্তাদ ইতিপূর্বেই আসিয়াছে—চৈতন্যও আসিয়া এক পাশে বসিয়া গেল, একটু সংকোচভরেই বসিল।

সাইদ হাঁটু দুইটাকে হাতের ছাঁদে ঘেরিয়া সেই অন্তরালে মুখ লুকাইয়া বসিয়া ছিল। বুঝি কাঁদিতেছিল।

এত বড় একটা নিষ্ঠুর মৃত্যুর মর্মান্তিক সংবাদে সব যেন মুক হইয়া গিয়াছে—সাম্বন্ধার ভাষা খুঁজিয়া পাইতেছে না—

চৈতন্যই প্রথম কথা কহিল। বলিল,—সন্ধ্যাতে মিত্যু আহা-হা! ও কিন্তু সাইদের পাপেই হয়েছে, সন্ধ্যাতের মিত্যু বেস্বশাপ ভিন্ন হয় না। একটা দীর্ঘনিশ্বাস ফেলিয়া আবার কহিল,—একেই বলে ‘কে কল্পে বেস্বহত্যে কার প্রাণ যায়,’ আহা-হা নির্দোষ শিশু! কি বল গোসাঁইজী!

গোসাঁইজীর মনেও যেন শোকের ঝাঁচ লাগিয়াছে। ওপাশে বসিয়া একটা বিড়ি টানিতে টানিতে গোসাঁইজী বাহিরের পানে শূন্য মনে তাকাইয়া ছিল,—অন্তমনক্ তাবেই উত্তর করিল,—কোন জানে-য়ে বাবা।

তারপর একটু নড়িয়া চড়িয়া আবার কহিল,—উস্কা নসীব—নিয়তি !

গুস্তাদ একটা দীর্ঘশ্বাস ফেলিয়া কহিল,—ছেলেটার নিয়তিই হয়তো বটে—কিংবা হয়তো ব্রহ্মশাপেই সে মরেছে, কিন্তু মনে হয় কি জান ? মনে হয়, আমার যদি জেল না হত, আমি যদি তার তদ্বির করতে পেতাম, তবে হয়তো এমনটা হতে পারত না। আমারও ছুটো ছেলে গিয়েছে,—একটা জরে, একটা কলেরায়। ছেলে ছুটোর মুখ আর এখন মনে পড়ে না, তবু সময় সময় মনে হয়, এমনি করে আমাকে যদি জেলে না থাকতে হত, আমি যদি তদ্বির করতে পেতাম, তবে হয়তো তারা,—কথাটা অসমাপ্ত রাখিয়াই একটা দীর্ঘনিশ্বাস ফেলিয়া সে নীরব হইল।

সাইদ এবার মুখ তুলিল, চোখের জলে মুখখানা তাহার ভিজিয়া গেছে, কহিল, সত্যি কথা গুস্তাদ, আমি যদি থাকতাম তবে এমন হত না, কক্ষনো হত না; সাত-আট বছরের ছেলেকে আমি ঘাস কাটতে পাঠাতাম না, কেউই পাঠায় না। কিন্তু এ হয়েছিল পরের গল-গ্রহ! মা করেছে নেকা সে লোকের কোন্ দরদ ? পরের ছেলের ওপর কেন থাকবে বল ?

গৌর কহিল,—এমন পরিবারের গলায় পা দিয়ে আমি মারতাম। গৌরের মুখখানা ভীষণ হইয়া উঠিল—ও বেচারীও একটা শিশুকে একটি নাগীর হাতে রাখিয়া আসিয়াছে।

সাইদ কহিল,—নাঃ, আর আমার সে ইচ্ছে হয় না। যখন তার নেকা করার খবর পেয়েছিলাম, তখন তাই ভাবতাম। রাতের পর রাত আমি ঘুমুইনি, শুধু কেমন করে পালানো যায়, তাই ভেবেছি। এক টুকরো দড়ি, একটা লোহা সব জুগিয়েছি—পালাবার অস্ত্রে। কালও রাতে তাই ভেবেছি আমি, কিন্তু আজ চিঠি পেয়ে সে ইচ্ছেই আর নেই। মনে হয় কি জান ? সে তো মা, মা হয়ে সে যে-দুঃখে ছেলের কষ্ট দেখেও নেকা করেছে, সে-দুঃখ তো কম দুঃখ নয় !

কথাটার উত্তর কেহ দিতে পারিল না। বোধ করি এই দুঃখবোধের মুহূর্তে সকলেই সেট অসহায় নারীটির অসহ দুঃখের পরিমাণ অন্তরে অন্তরে কতক অহুভব করিতে পারিল,—শত দুঃখ কষ্টের বিনিময়েও পুরুষের আত্মগত্য লঙ্ঘন করার অপরাধে একটি নারীকে অপরাধিনী ভাবিতে আজ তাহাদের মন চাহিল না। নারী ও পুরুষের পার্থক্য পার হইয়া মাতৃষের একটা পৃথক সত্তা আছে—সে নারীও নয়, পুরুষও নয়,—সে শুধু মাতৃষ। সমস্ত বর্তমান, ভবিষ্যৎ, অতীতকে লঙ্ঘন করিয়া শুধু ওই বেদনার মুহূর্তটিতে অপরাধীর দলও মাতৃষ—সত্য তখন তাহাদের দৃষ্টির সম্মুখে।

এই সময় ছেলেটা আসিয়া দাঁড়াইল,—পেছনে কেট। সাইদ তাহাকে সন্তাবণ করিয়া কহিল,—আয়, বাস্।

অনেক দিনের পর আজ সাইদ ছেলেটার সঙ্গে কথা কহিল। স্ত্রীর নেকার খবর যেদিন হইতে আসিয়াছে, সেদিন হইতে সে আর ছেলেটার সহিত কথা কহে নাই। ছেলেটা মুখ নামাইয়া বলিল।

সাইদ তাহার পানে চাহিয়া কহিল,—ওকি-বে তুই কীদহিস ?

সত্যই ছেলেটা কীদিতেছিল ।

জেলের কটকে এগারোটার ঘড়ি বাজিয়া গেল । এদিকে ঝনো ঝনো করিয়া কাপড়-চোপড় পরিষ্কারের ঘণ্টা বাজিয়া উঠিল ।

চৈতন্য কহিল,—চল সব । ছ'নম্বরে আজ তেল দেবে ।

একে একে সব উঠিতে শুরু করিল ; ছেলেটা সাইদকে কহিল,—তোমর কাপড়গুলো দে, কেচে দেব ।

সাইদ ম্লান হাসি হাসিয়া কহিল,—না চল, আমারও তো বিছানা পেড়ে শুয়ে থাকলে চলবে না,—গায়ে কাপা মাথলে যমে ছাড়ে না ।

চলিতে চলিতে সাইদ কহিল,—আমার সব চেয়ে দুঃখ কি হচ্ছে জানিস ? এক মূঠো মাটিও কবরে তার দিতে পেলাম না । একটু খামিয়া আবার কহিল,—কোন্ কটটাই বা ছোট বলি ! মনে হচ্ছে আমি থাকলে এমন হত না, সে এক কষ্ট ; আবার কবরে মাটি দিতে পেলাম না, সেই এক কষ্ট ; যখন তার মায়ের কথা ভাবি, তখন তারই তরে কষ্ট হয় বেশী—সে হয়তো প্রাণ খুলে কীদিতেও পাচ্ছে না ।

সম্মুখেই ছ'নম্বর ওয়ার্ড । তেল লইতে কয়েদী দলের ভিড় জমিয়া গিয়াছে । চাপা কলরোল, তার মধ্যে একজন আবার খালা বাজাইয়া গান ধরিয়াছে—

“ও সে মুচকি হেসে গেল চলে কিছু না বলে,—  
বল গো মাথ পাব তারে কোন্ দেশে গেলে ।”

খালা দরজাটা দিয়া দেখা গেল—গাহিতেছে চৈতন্য । শুধু গান নয়, খালা বাজাইয়া কোন্সর ঘুরাইয়া নাচও জুড়িয়া দিয়াছে । গোসাঁই দাঁত মেলিয়া ঘন ঘন বাহবা দিতেছে ।

সাইদ একটা দীর্ঘনিশ্বাস ফেলিয়া চলিতে চলিতে কহিল,—এখানে কি চোখের জল ফেলা যায়-রে ! পরের দুঃখ দেখবার এখানে কার ফুরসত নাই । একটু খামিয়া আবার একটা দীর্ঘনিশ্বাস ফেলিয়া কহিল,—নিজের দুঃখেরই শেষ নাই, তার ওপর পরের দুঃখের বোঝা আর কত বইবেই বা ? আমিও এমন কত করেছি । যার দুঃখ, তার কাছে । সম্মুখে যতক্ষণ ভক্তক্ষণই দুঃখ, তারপর বেরিয়ে এলেই যা ছিল তাই,—যেন হাফ ছেড়ে বাঁচা যায় ।

উক্তরের প্রত্য্যশায় পিছু ফিরিয়া দেখিল ছেলেটা অনেক পিছনে—ওই ওয়ার্ডটার সম্মুখে দাঁড়াইয়া কাহাকে ডাকিতেছে ।

কেট কহিতেছে,—বাই বাই, চল না ভুই ।

সাইদের করদ্বিন দুটি মিলিয়াছে ।

চৈতন্য অস্তরালে কহিল,—বেশ আশ্রম যেরে দিলে বাবা ।

গণনা কহিল,—যা বলেছিল মাইরি ।

পীড়িত-জীবনের ঈর্ষা এমনই বটে ; হৃদয়-পীড়িত মাও সন্তানের মাংস খায় !

বন্দী-জীবনে ওই যে খানিকটা বিশ্রাম, বাধ্যতা-মূলক-পরিশ্রম লাগবেই দুটি দিন অবসর, ওরই দরবার ওরা কর্তর হইয়া ওঠে।

জানালায় গরাদের ফাঁকে মুখ রাখিয়া সাইদ দাঁড়াইয়া ছিল। ছেলেটার মুখ এখন আর অহরহ ওর চোখের সম্মুখে নাচে না, তবু মনটা সর্বক্ষণ উদাস। চোখের জল শুকাইয়াছে, দীর্ঘশ্বাসগুলো এখন শুধু কাঁপিয়া কাঁপিয়া বাহির হয়। একটা বিরাট শূন্যতা যেন তাহার বুকে বাসা বাঁধিয়াছে।

বাহিরে মোটরের হর্ন বাজিতেছিল। দশটার ঘড়ি বাজিয়া গিয়াছে, এগারোটা প্রায় বাজে, সাইদ বুঝিল,—সে কয়েদী গাড়ির হর্ন।

বিচারাধীন কয়েদীর দল ফটকটার সম্মুখে আসিয়া দাঁড়াইল। এখনি ফটকটা খুলিবে, বাহিরটা একবার দেখা যাইবে—সাইদ অভ্যাসবশেই সেইদিকে তাকাইল।

কয় কোড়া বুটের শব্দে চমকিয়া সাইদ ঠিক পিছন দিকের জানালায় বাহিরে রাস্তাটার পানে চাহিল। দেখিল দু'জন ওয়ার্ডার একটা লোককে লইয়া চলিয়াছে। সাইদ চিনিল,—সে সেই কামার আসামীটা। পিঙ্গল দাড়িতে লোকটার মুখ ভরিয়া উঠিয়াছে, চুলগুলো ছোট করিয়া ছাঁটা। আর তাহার সে অস্থিরতা নাই, উন্নয়নতা নাই, নতমুখে নীরবেই পথ বাঁহিয়া চলিয়াছে।

সাইদকে জানালায় দেখিয়া একজন ওয়ার্ডার জিজ্ঞাসা করিল,—কেয়া, দুটি মিলা ছায় ?

সাইদের মন ঠিক ওর পানে ছিল না, তবু সে ঘাড় নাড়িয়া কহিল,—হ্যাঁ।

—যাবড়াও মাং ভাই, দুনিয়াকা এইসিই হাল ; তেরা নসীব।

সিপাহীর কর্তব্যের আসামীটি মুখ তুলিয়া চাহিল,—পিঙ্গল চোখের দৃষ্টি আর ভেতন অস্থির নয়, কিন্তু কাতর চোখের প্রতি পাভাটিতে বিন্দু বিন্দু অশ্রু জমিয়া রহিয়াছে, স্নান-গতি, সমস্ত দেহ ব্যাপিয়া যেন একটা কাতর বিবশতা। সাইদ লোকটির পানেই চাহিয়া রহিল।

ঠিক ওই সময়টিতেই রায় আপনাদের ওয়ার্ডের বারান্দায় রেলিংএ ঠেস দিয়া আকাশপানে চাহিয়া দাঁড়াইয়া ছিল।

মেঘাচ্ছন্ন প্রকৃতির মধ্যে একটা সজল বিবশতা আছে, তাহারই প্রতিচ্ছবি কর্মহীন অবসরে মাল্লকে কেমন যেন আচ্ছন্ন করিয়া কেলে। ওই বিবশ আকাশের সজল স্নানিমায় মত্ত, তখন যত অতীত বেদনার ইতিহাস, কবে কোন প্রিয়জন বুকটাকে রিক্ত করিয়া দিয়া চলিয়া গিয়াছে, সব আসিয়া যেন মনের বুকে দর্শন দেয়।

বাপ-মা কবে কোন্ কালে চলিয়া গিয়াছেন, অমর তাঁহাদের মুখ আর স্মরণ করিতে পারে না। আজ তাহার মনে পড়িল, একটা শুভ্র আয়ত অপরিষ্কার দৃষ্টি, একটা নির্ভীক হাস্যমুখ,—নিষ্ঠায়, পবিত্রতায় তাহার নিজেরই অতীত জীবনের প্রতিচ্ছবি।

তাহার সেই শুভ্র দীপ্ত চোখ আজ কেমন বিবর্ণ, পাংশু ; যেন কে কালি মাড়িয়া দিয়াছে !  
কে দিল ?

এই বন্ধু পাশাপাশী—

এই নরকের মধ্যে যে-প্রোতগুলি কর্দমাক্ত পঙ্খলের মধ্যে আনন্দ-উচ্ছ্বাসে স্রবীশ্বরের মত -  
কিলবিল করিয়া বেড়াইতেছে—তাহারাই। তাহারাই তাহার সবাক্র এমন করিয়া কর্দমলিপ্ত  
করিয়া দিয়াছে।

এ কর্দম যে ধুইলে উঠিবে না; অক্ষয় হইয়া বাকীটা জীবনের মত তাহার শুভ্র জীবনকে  
অপবিত্র করিয়া রাখিবে!

মহলা বুটের শব্দে মুখ ফিরাইয়া দেখিল,—দুইজন প্রহরীর মধ্যে চলিয়াছে কালী। মালুঘটির  
সর্বদেহ ব্যাপিয়া একটি শোকাচ্ছন্ন অবসন্নতা। সমস্ত জীবন যেন ক্ষয় হইতে হইতে আর  
তিলেকমাত্র অবশিষ্ট আছে—সেটুকু কোন্ মমতায় দেহ আঁকড়াইয়া রহিয়াছে কে জানে, কিন্তু  
গুটুকুও গেলেই যেন ভাল হইত। নিম্নের অজ্ঞাতসারেই যেন অমর জিজ্ঞাসা করিল,—কাঁহা  
ষায়েরা সিপাহীজী?

একজন সিপাহী ছুরিয়া কহিল,—সেশন শুরু হয় বাবু, কোর্টে লে বাতা হ্যায়।

অমর আবার নির্বোধের মত প্রশ্ন করিয়া বসিল,—কেয়া হোগা ইসকা?

একটা দীর্ঘনিঃশ্বাস ফেলিয়া সিপাহীটা কহিল,—কেয়া জানে বাবু, উস্কা নসিব।

—উস্কা ফাঁসি হোগা।

অমর শেছন ফিরিয়া দেখে চাটুজ্জে হি হি করিয়া হাসিতেছে।

ধমক দিয়ান্টুটিল সিপাহীটি,—কেয়া বোলতা হ্যায় বাবু, তোমরা কলিজা কেয়া পাখলকে  
বনা হয় হ্যায়?

অমর লক্ষ্য করিল, আসামাটি কাঁদিতেছে, রব নাই, শুধু কন্নফোটা অশ্রু গাল বহিয়া  
মাটিতে পড়িয়া গেল।

ওই অশ্রুবিন্দুর মতই—ওর সব অস্তিত্ব অচিরেই হয়তো মাটির বুকে নিশ্চিহ্ন হইয়া যাইবে।  
তথাপি এই ধরণীকেই লোকে কহে—মা। রাক্সনী, ও রাক্সনী; আপন সম্ভানের রক্ত, মাংস,  
মেদে আপনার দেহ পুষ্ট করে।

আসামা লইয়া সিপাহীরাত্তন চলিতে শুরু করিয়াছে।

চাটুজ্জে পিছন হইতে ঠেলা দিয়া কহিল,—এই শালা, এই, আয়—আয়, এদিকে আয়।

অমর কোন কথা কহিল না, স্তম্ভিত ধীরতার সহিত তাহার হাতখানা ঠেলিয়া দিয়া আপনার  
ঘরের দিকে চলিয়া গেল।

চাটুজ্জে ডাকিয়া কহিল,—এই এই শোন—শোন না, এই দেখ—এইস্তা খুবসুরতি  
চিজ—

অমর কিরিয়া দাঁড়াইল। কে যেন তাহাকে পিছন হইতে টানিয়া ফিরাইয়া দিল।

চাটুজ্জে অস্বাভাবিক ভঙ্গিতে ইঙ্গিত করিয়া কহিল,—আজ একঠো জেনানা আসামা কোর্ট  
ষায়েরা, শালা খবর নিলাম—কি চিজ সে মাইরি, গোলাপ ফুলের রং, শালা চাউনি কি—যেন  
নেশা ধরে যায়।

অমর চাটুজের পানে একদৃষ্টে তাকাইয়া ছিল। কি বিশী লোকটার ভঙ্গী আর কি এর চোখের দৃষ্টি! যেন আদিম কালের সেই সাপটা রক্তাক্ত ছোট ছোট গোল চোখের হিংস্র দৃষ্টি দিয়া অতি তীব্র আকর্ষণে আকর্ষণ করিতেছে, সমস্ত চেতনা যেন বিলুপ্ত হইয়া যায়।

অমর অভ্যাসবশে যন্ত্রচালিতের মত চাটুজের দিকে কয়েক পা আগাইয়া গেল। চাটুজে হি হি করিয়া হাসিতেছিলে, সেই হাসিতে অকস্মাৎ তাহার মোহ টুটিয়া গেল। সে যেন আশ্চর্যকার চেষ্টায় সবেগে ঘুরিয়া ঘরের মধ্যে ছুটিয়া পলাইল। অতীতের সেই নিষ্কলঙ্ক কিশোরটির পবিত্র মুখচ্ছবি তখনও বৃষ্টি তাহার চোখের সম্মুখে জাগিয়া ছিল।

অমরের এই অস্বাভাবিক আচরণে চাটুজের মনটা যেন কেমন হইয়া গেল। সে কিছুক্ষণ রেলিংটায় ভর দিয়া রাস্তার পানে উদ্গ্রীব হইয়া চাহিয়া রছিল; যত দূর দেখা যায়—কেহ কোথাও নাই—

সহসা পায়ের তলায় দৃষ্টি পড়িতে দেখিল, একটি পিপীলিকার সারি। বর্ষার আগমনে উচ্চ বাসস্থান অভিমুখে ডিম মুখে সারি বাঁধিয়া চলিয়াছে। তাহার সহসা কোন্ খেয়াল হইল কে জানে,—পা দিয়া বেশ ধীর-ভাবে একটির পর একটিকে দলিয়া দলিয়া মারিতে লাগিল।

অমরকে কাজ করিতে হয় জেলের অফিসে—কয়েদীদের টিকিটের ফাইল রাখার কাজ। বেশ লাগে তাহার কাজটি। মাহুঘের পাপের হিসাব, তাহার দণ্ড—এ যেন চিত্রশিল্পের খতিয়ান!

এক এক সময় আবার সমস্ত চিন্ত তাহার স্কন্ধ হইয়া উঠে—মাহুঘের স্পর্ধা দেখিয়া—

মাহুঘের পাপের বিচার করে মাহুঘ!

কত বড় তাহার শক্তি! এই শক্তিবলেই তো সে সমস্ত করিয়া যায়,—রাজা হইয়া এসে, জায়ের বিধান করে, মাহুঘকে যত্নদণ্ড পূর্ণ দেয়!

স্বরেশের কথাগুলি তাহার মনে পড়িয়া গেল,—শক্তিমানের শক্তির অধিকারের চেয়ে বড় অধিকার আর নাই! বিধাতা যে অধিকারে খাতা—শক্তিমানও সেই অধিকারে দণ্ডদাতা—রাজা! সিংহ যে অধিকারে পত্তরাজ—মাহুঘও সেই অধিকারে মাহুঘের ভাগ্যবিধাতা—প্রভু!

স্বরেশ আরও বলে,—জান অমরবাবু, মাহুঘ এই নগ্ন সত্যটাকে কত কথার ভূষণে সাজিয়েই না মহিমাম্বিত করে তুলেছে! কিন্তু সকলের চেয়ে হিন্দুরাই একে বেশী মহিমাম্বিত করেছে—ওই 'বীরভোগ্যা বহুধরা' কথাটিতে। গোপন কিছু করেনি, কিন্তু এমন একটি মহিমা গুকে দিয়েছে যে, প্রজ্ঞার বিন্দয়ে নত না হয়ে উপায় নাই। ইংরাজীর might is right কথাটা নয়—মহিমাম্বিত নয়।

চেষ্টা করিয়া অমর যত বার কাজে মন বসায়—বাহিরের একটি না একটি বৈচিত্র্য আজ তাহাকে মুক্ত পৃথিবীর বুকে টানিয়া লয়। বাহিরের দিকে একটা জাল দেওয়া জানালা—তাহারই মধ্য দিয়া বিদ্যুত মুক্ত ধরণী—

লম্বুখে একটা পাঁকা বড় রাস্তা দূর বহুদূর দেশ-দেশান্তরে চলিয়া গিয়াছে—পথিকের সারি চলিয়াছে কোলাহল করিয়া; একটা গাছে বসিয়া কল-কঠ পাখি কল-কাকলিতে চারিদিক মুখরিত করিয়া তুলিয়াছে। কয়টা ছোট পাখি উড়িয়া আনিয়া মাটিতে নামে আর কুটা কুড়াইয়া গাছের ছোট নীড়টিতে গিয়া বসে।

ও-দ্বয় হইতে জেলারের ডাক আনিল,—সাইদ আলির ফাইলটা আন ভো হে,—চার হাজার পাঁচশো চল্লিশ নম্বর ফাইল।

অমর লইয়া গেল তিন হাজার পাঁচশো চল্লিশ নম্বর ফাইল।

জেলারবাবু তাহার মুখপানে চাহিয়া কহিলেন,—এ হল কি তোমার? ইন্ডিয়ট কোথাকার!

অমর চকিতে আশ্চর্য হইয়া তাড়াতাড়ি গিয়া ভুলটা সংশোধন করিয়া আনিল।

ভিতরের দিকের জানালাটা দিয়া চোখে পড়ে গরাদে-ঘেরা সারি সারি জানালা, যেন পশু-শালায় পিঞ্জর সব।

একটা জানালার মুখ রাখিয়া সাইদ আলি তখনও দাঁড়াইয়া ছিল।

অমর ভাবিতেছিল—পশুর মত মানুষের হৃদয়াবেগ তত তরল নয়, তাই মানুষ পশুর চেয়ে উচু। পশু হইলে ওই অবস্থায় ওই জীবটি ওই লোহার গরাদের গায়ে মাথা কুটিয়া মরিভ।

কিংবা হয়তো মানুষ পশুর চেয়ে কাপুরুষ, মরণের ভয়ে মুক্তির যুদ্ধে বীরের মত মে আগাইয়া বাইতে পারে না, পিঞ্জরের কোণে বসিয়া দীর্ঘ দিন-রজনী গোপনে কাঁদিয়া মরে।

বড় রাস্তাটা দিয়া পতাকা হস্তে একদল ছেলে গান গাহিতে গাহিতে কিসের শোভাযাত্রা লইয়া চলিয়াছে। অমরের সমস্ত ধমনীতে ধমনীতে শিরায় শিরায় যেন একটা প্রবাহ বহিয়া গেল—

তাহারই সন্ধানে যেন ওরা গান গাহিয়া গাহিয়া পথে পথে ঘুরিয়া মরিভেছে। তাহাদের মধ্য হইতে সহসা একদিন মে হারাইয়া গিয়াছিল, তাহাকে খুঁজিতে এরা আজ পথে বাহির হইয়াছে—দিগ্-দিগন্তরে ডাকিয়া ফিরিতেছে।

ফটকে সেই মুহূর্তে ঢং ঢং করিয়া প্রহর ঘোষণা করিয়া জানাইয়া দিল, বেলা নাই—বেলা নাই।

অমর ছুই হাতে মাথাটা টিপিয়া ধরিয়া বসিয়া রহিল।

এপাশে জানালা দিয়া দেখা বাইতেছিল,—একটা লোক হাতুড়ি হাতে ক্রমাগত ওই মোটা গরাদেগুলার ঠুকিয়া ঠুকিয়া চলিয়াছে আর লোহ-পিঞ্জরের প্রতি অঙ্গটি বন্ধন-কঠিন কঠে যেন কহিতেছে,—‘টুটি নাই—টুটি নাই—টুটিব না—’

বাহিরে শব্দ উঠিল মোটরেকর। জেলের কটক খুলিয়া গেল, অমর বুকিল বিচারাবধীনে আসামীর দল ফিরিয়াছে।

সহসা ও-বেলায় চাটুকের সেই ইঙ্গিতটুকু মনে পড়ায় তাহার মন যেন চঞ্চল হইয়া



উঠিল। গোলাপ ফুলের মত বর্ণ-বিলাস, স্বা-পাত্রেয় মাদকভার মত বিভোল চাহনি ভার,—  
সে-ও কিরবে।

অমর সামনের জাল-দেওয়া জানালাটার পাশে গিয়া দাঁড়াইল।

ফটকের চার্জ-ওয়ার্ডার গনিয়া গনিয়া খাতায় জমা করিয়া ছোট ফটকটা দিয়া কয়েদীর দল  
ভিত্তরে ঢুকাইয়া দিতেছে—

এ লোকটা চেনা—কটা চোখ, কটা চুল, মুখে চটুল হাসি,—এ সেই গুলিখোর  
ফুক মিঞা।

ফুক আপনা হইতে একটা সেলাম ঠুকিয়া কহিল,—সেলাম হজুর, হো গিয়া। দো বরিষ  
নিশ্চিন্ত।

গেট-ওয়ার্ডার একটা ধমক দিয়া খাতায় তাহাকে জমা করিতে ফিরিয়া দাঁড়াইতেই ফুক  
পিছন হইতে জ্বিত কাটিয়া ভেঙ্‌চাইয়া উঠিল। পিছনের কয়েদীগুলো মুখ টিপিয়া হাসিতে  
লাগিল...

অমরের কিন্তু হাসি আসিলনা, তাহার সমস্ত চিন্ত উদ্‌গ্রীব হইয়া ছিল সেই নারী-মূর্তিটি  
দেখিবার জন্য।

অভিসারগামীর মত আশায় আশঙ্কায় সে মুহূর্তে অস্থির হইয়া উঠিতেছিল

আবার কয়টা পুরুষ কয়েদী চলিয়া গেল,—কই আর তো কেউ আসে না!

এবার শোনা গেল কয়টা ভারী বুটের শব্দ, সিপাহীরা কি-যেন বহিয়া আনিতেছে।

অমর বেশ একটু সরিয়া গিয়া ভাল করিয়া আত্মগোপন করিল।

এ সেই খুনী আসামীটা! দুই জন সিপাহী ধরিয়া আনিতেছে। লোকটা ওই বাহকের  
টানে কোনরূপে পা ফেলিয়া ফেলিয়া চলিয়াছে,—যেন বলির পশু! অমর বিচলিত হইয়া  
উঠিল—

যুত্মার হিম-শীতল নিম্পন্দতা যেন ওর জীবনে একটা সুস্পষ্ট ছায়া ফেলিয়াছে। জীবনের  
এত বড় দৈন্ত আর অমর দেখে নাই। ও যা করিয়াছে সে হয়তো মুহূর্তের ভুল; মুহূর্তের ভুলের  
ফল এত বড় প্রায়শ্চিত্ত! অসহায় ভাবে অমর একটা দীর্ঘনিঃশ্বাস ফেলিল।

জেলারের গলা শোনা গেল,—এ বেটা তো জালাতন করলে দেখি! যা হবার একটা  
হয়ে গেলে যে বাঁচি।

অপর একজন কে কহিল,—আদালতেও এমনি হজুর, অসাড় হয়ে সমস্তকণ শুধু জজ  
সাহেবের মুখের দিকেই তাকিয়ে ছিল, ওর উকিল কতবার কত কথা জিজ্ঞাসা করলে, তার হাঁ-  
ও নাই, না-ও নাই—যেন পক্ষাঘাত হয়েছে।

লোকটা কোর্টের কনস্টেবল।

সহসা কালী স্করণ ভাবে কহিল,—আমার ফাঁসি হবে হজুর—জজ সাহেব কণে কণে তুফ  
কুঁচকে উঠছিল—

গেট-ওয়ার্ডার খাতায় কয়েদী জমা করিতেছিল। সাধুনা দিয়া কহিল,—দূর পাগল, দেখবি

তুই খালাস পেয়ে বাবি—বেকস্বর খালাস ।

সাত্বনা অবশ্র দিল, কিন্তু কঠোর স্বর যেন কথার সঙ্গে সায় দিতে পারিল না—মেকী টাকার বাজনার মত তাতে মূল্যহীনতা পরিষ্কৃত হইয়া উঠিল । সেটুকু বোধ করি ওই আশ্বাস-কাঙাল নিঃশ্র লোকটিরও অগোচর রছিল না, একটু স্নান হাসি হাসিয়া: আপনার কপালে হাত ঠেকাইয়া কহিল,—স্বীপাস্তরও যদি দেয় হজুর—

অমরের সমস্ত চিন্তা যেন বিক্ষিপ্ত হইয়া গেল—মানুষের অসহায় অবস্থার কথা ভাবিয়া । সহসা কে জানে কেন তাহার মনে হইল মানুষ অমর নয়, ওই বিচারকও একদিন মৃত্যুর কৃষ্ণগত হইবে ! ইহাতে যেন একটা দুর্বল সাত্বনা সে পাইল ।

আবার পরমুহুর্তে এই অসংলগ্ন চিন্তার কথা ভাবিয়া সে মনে মনে নিজেই হাসিয়া ফেলিল । আবার মোটরের শব্দ—

এবার একটি স্ত্রীলোক আসিয়া ভিতরের ফটকের সন্মুখে দাঁড়াইল । অমর ফিরিয়া তাকাইল কিন্তু সে দৃষ্টি তাহার অতি দুর্বল, মন হইতে লালসার সকল চিহ্ন মুছিয়া গেছে । উদাস চিন্তে কুংসিত চিন্তা মাথা তুলিতে পারিল না ।

তবে ইয়া, মেয়েটির রূপ আছে বটে ।

জেলার জিজ্ঞাসা করিল,—কি হল ?

জেনানা ওয়ার্ডার কহিল,—সেসনে গেল । পুলিশ যে এজ্ঞাহার করলে অ্যাস্ত্র ছেলের গলায় পা দিয়ে মেরেছে । দাইটিও কবুল খেলে যে, বললে—আমায় খালাস করতে ডেকেছিল, খালাস করে আমি দিলাম,—তারপর গলায় পা দিয়ে ছেলে ও আপনি মেরেছে ।

জেলার আপন মনেই কহিল,—মা হয়ে সন্তান হত্যা করে—

ফিমেল ওয়ার্ডারটি কহিল,—কলক যে বড় খারাপ জিনিস বাবু ! সৎ জাতের মেয়ে—মেয়েটি মুখ নত করিয়া রছিল ।

খাওয়ার্দাওয়ার পর স্বরেশ আসিয়া কহিল, কি রায়, ধ্যান করছ না-কি ?

অমর চকিত হইয়া কহিল,—ধ্যান ?

স্বরেশ কহিল,—চাটুজ্জ বলছিল, তুমি ফটকে নিশ্চয় দেখেছ—আজকের জেনানা-আসামী, কেমন হে ? চাটুজ্জ তো ঠোঁট চাটেছে ।

অমর শুধু কহিল,—হঁ ।

—শুধু 'হঁ' ? বলই না হে, তুমি তো কবিতা লিখতে—

সহসা অমর তাহাকে মধ্যপথে থামাইয়া দিয়া কহিল, আচ্ছা স্বরেশবাবু, হুভিকের মত অনাহারে মা যদি সন্তান হত্যা করে খায়, তবে তারও কি ফাঁসি হয় ?

স্বরেশ হাসিয়া কহিল,—অদ্ভুত মানুষ তুমি অমরবাবু, আর অদ্ভুত তোমার প্রশ্ন, কিন্তু কেন বল দেখি ?

—এ মেয়েটি কি করেছে জান ? • সন্তান হত্যা । বিধবা হয়ে জ্বরজ সন্তান হত্যা—নিজে

গলায় পা দিয়ে ঝেঁবেছে !

স্বরেশ কহিল,—বিচারকের বিধান কি আছে জানিনে অমরবাবু, তিনি বিধানমতে দণ্ড বিধান করবেন, তিনিও বিধানে বন্ধ ; আমি কি করতাম যদি জিজ্ঞাসা কর তবে বলি, আমি মেয়েটির ওই কৃত্রিম বৈধব্য ভেঙে দিয়ে ওর প্রণয়ীকে বিবাহ করতে বাধ্য করতাম । কিন্তু তুমি দুভিক্ষপীড়িতা মা-এর সম্বন্ধ আহারের কথা কেন তুললে ?

অমর কহিল,—আজ সমস্তটা দিন আমি ‘অভীত-আমাকে’ ফিরে পাবার জন্ত সাধনা করেছি—তাই স্বরেশবাবু, আজ কারও ওপর অবিচার আমি করতে পারিনি । প্রথমে যখন এই কথা শুনলাম, তখন মনে হল কি জান ? মনে হল এর জন্ত পৃথিবীর কঠোরতম দণ্ড একে দেওয়া উচিত । কিন্তু আমার ‘অভীত-আমি’ বললে—না, বিবেচনা করে দেখ, বক্ষিত জীবনের কত বড় আকাজক্ষা ওকে পাগল করে তুলেছিল ! বিধাতার দেওয়া ব্রহ্ম-মাংসের বুড়ুকা ওকে সংঘের গভীতে বন্ধ থাকতে দেয়নি । তারপর যা ঘটেছে, সে ঠিক লোহার-শেকলে-টানা চাকা যখন দাঁতে দাঁতে পড়ে ঘুরে যায়, তখন তারই মধ্যে পড়ে-যাওয়া জিনিসের মত ; ও মুহূর্ত দাঁড়িয়ে বিবেচনা করতে পারনি, ওর মাতৃস্ব, ওর বিবেক, মনুষ্যত্ব সব পিষে গিয়েছে—তবু সেই চাকায় চাকায় ওকে ঘুরে আসতে হয়েছে ।

স্বরেশ কহিল,—আমি তো তাই বললাম রায়, নারীর অন্তরের যে বেগবতী পুরুষ-সঙ্গ-কামনা, সেইটেই সংসারে পুরুষকে চিরদিন ধস্ত করে, সেইটেই নারীকে পুরুষের একান্ত বিশ্বস্ত করে, আদর্শ পত্নী করে তোলে ; তার কথা বিবেচনা করেই এ কথা আমি বললাম । ওই মেয়েটি যে-কোন পুরুষকে সেবার, সৌন্দর্যে, প্রেমে অভিষিক্ত করে তুলতে পারত ।

সহসা বুটের শব্দ শুনিয়া দু’জনেই চমকিয়া ফিরিয়া দেখিল,—জেলার আর জন দুই ওয়ার্ডার ।

একজন ওয়ার্ডার অমরকে দেখাইয়া কহিল,—এহি বাবু । এহি বাবু কো হাম হঁয়া দেখা, আউর কোই নেই গিয়া ।

অমরের মুখ বিবর্ণ হইয়া গেল ।

জেলার হাতের বেতটা দিয়া ওয়ার্ডারের হাতের কয়টা জিনিস দেখাইয়া কহিল,—তুমি সিগ্রিগেশন মেলের ওখানে গিয়েছিলে ? এ সব তুমি দিয়েছ ?

ওয়ার্ডারের হাতে এক টুকরা পাউরুটি আর একটা সিগারেট ।

অমর ঘাড় নাড়িয়া বলিল,—হাঁ ।

জেলার কঠোর গভীর কণ্ঠে কৈফিয়ৎ চাহিল,—Why ? কেন, কেন দিলে তুমি ?

হাতের বেতটা শূন্যে সজোর-আশ্ফালনে যেন শিল দিয়া উঠিল ।

তবু অমর কহিল,—বড় মায়ী হল—

—মায়ী ! মায়ী ! এটা ভীর্ণক্ষেত্র, দয়া মায়ী করবার স্থান,—নয় ?

যা-কয় বেত অমরের পিঠে পড়িয়া গেল ।

বাইবার সময় জেলার বলিয়া গেল,—এবার তোমায় কোন সাজা আমি দিলাম না, কিন্তু ভবিষ্যতের জন্য সাবধান, বুকেছ ?

স্বরেশ বিস্ময়ে বেদনার স্তম্ভ নির্ধাক হইয়া দাঁড়াইয়া ছিল, তেমনি দাঁড়াইয়াই রহিল। চাটুক্ষে আসিয়া কহিল,—কতবার না বলেছি তোকে, বিশ্বপ্রেম ছাড়—ছাড়, তা না, শালা কেবল—হাঁ:—

স্বরেশ একক্ষণে কহিল,—এর চেয়ে তোমার ফাঁসি হলেই ভাল হত রান্ন, এ তোমায় এয়া আছড়ে মেরে ফেললে !

চাটুক্ষে বাধা দিয়া কহিল,—কি যে বাবা তোমরা বল, আমি বুঝতেও পারি না ছাই ! নেঃ, আয়,—একটু বেশী করে না খেলে রাত্রে ঘুমতে পারবি নে।

অমর কহিল,—চল, সমুদ্রে পড়ে আর বার্ষ ভাসার চেষ্টা কেন—অন্তলের দিকে তুলিয়ে যাওয়াই ভাল ! এস স্বরেশবাবু।

স্বরেশও চাটুক্ষের চেলা হইয়াছে।

সেদিন অন্ধকার রাত্রি, আকাশে মেঘ—কিন্তু বর্ষণ নাই, সেই জোনাকির খেলায় দীপালিঙ্গ ফুলঝুরি,—গভীর রাত্রে দূরে মাদল বাজিতেছে। এদিক হইতে শোনা যায় কামারশালার সেই দীর্ঘ একঘেয়ে শব্দ—ঠ—নু, ঠ—নু—

সমস্ত জেলখানাটা তন্দ্রাচ্ছন্ন ; শুধু সেলের এক কোণে ঠেস দিয়া বিচারাধীন খুনী আসামী কালী আজ মুহু গুঞ্জে জীবনের জন্য বিলাপ করিয়া চলিয়াছে। সে বিলাপের ভাষা নাই, বিস্তার নাই—গুনগুন করিয়া কামা, কিন্তু অতি সকাতির, অতি সক্রম !

আদিম ভাবাহীন মানব প্রথম শোকের আঘাত পাইয়া বোধ করি ঠিক এমনি করিয়াই কাঁদিয়াছিল।

বাচিবার কোন আশাই আর সে করিতে পারিতেছে না। ক্ষীণ আশা ও গভীর নিরাশার স্বন্দে ক্ষীণ আশা বায়বার পরাজয় মানিয়া ওকে এমন শোকাক্ত করিয়া তুলিয়াছে। মৃত্যুর এমন নিষ্ঠুররূপে আগমন সত্য-সত্যই মানুষের পক্ষে অসহনীয়।

গুর দৃষ্টির সম্মুখে সমস্ত ধরণী আজ অর্থহীন হইয়া উঠিয়াছে, সম্মুখের ভবিষ্যৎ একটি ভয়াল অন্ধকারের মধ্যে লুপ্ত হইয়া গেছে। সেই অন্ধকার পারাবারের কুলে গতিহীন হইয়া আজ আলো-রূপ-রস-বর্ণ-গন্ধময়ী ধরণীর জন্য বিলাপ করা ছাড়া আর ও করিবে কি ?

জীবনকে সম্মুখের পথে টানে ভবিষ্যৎ, সেই ভবিষ্যৎ লুপ্ত হইয়া গেলে জীবন হইয়া উঠে বোকা। সে বোকা লইয়া পথ-চলা মানুষের শক্তির অতীত। জীবন দেহের বোকা বহিতে পারে, কিন্তু জীবন বোকা হইয়া উঠিলে সে বোকা বহিবে কে ?

কালী এক কোণে মাথাটা হেলাইয়া উর্ধ্বমুখে বসিয়া ছিল,—নিম্নলিখিত চোখ। বাহিরের নিয়বন্ধিত অন্ধকারের স্তম্ভ চোখের পাতার ভিতরেও একটি স্থনিবিড় অন্ধকার স্তর—কল্পনার রেখাতেও বুদ্ধি কোন ছবি সেখানে জাগিয়া ওঠে না,—বালিনীর মুখ পর্বত না, সমস্ত

পৃথিবীই যেন একাকার হইয়া গেছে।

ছবির মধ্যে একখানি ছবি—একটা মানুষের মুখ মনের নিবিড় অন্ধকারের মধ্যে বস্তুচক্কু মেলিয়া তীক্ষ্ণ দৃষ্টিতে নিরবচ্ছিন্ন তাহার পানে চাহিয়া আছে—সে বিচারকের মুখ।

মানুষটির প্রতি ভ্রুকুটি ওর মনের মধ্যে অক্ষয় হইয়া বলিয়া গেছে। গভীর শঙ্কা ও অন্ধকার সহিত বার বার ওই ভ্রুকুটিগুলির অর্থ ও বিচার করিয়া দেখিতে চায়। ওই লোকটিই যে আজ ওর দণ্ডমুণ্ডের কর্তা—ওর বিধাতা হইয়া দাঁড়াইয়াছে। প্রতিবারেই ওই ভ্রুকুটিগুলির অন্তরালে নির্দম দণ্ডলিপাই বেচারীর চোখের সম্মুখে জলজল করিয়া ওঠে। তাই সে এমন করিয়া কাঁদে, জীবনের জন্মে বিলাপ করিয়া যায়—চোখ হইতে ঝরে জল, তাও অবিরল ধারায় নয়, স্তিমিত গাততে, ফোঁটায় ফোঁটায়। শঙ্কার আঘাতে ও যেন পলু হইয়া গেছে—

হাসপাতালের উঠানে জুই-এর ঝাড়গুলায় ফুলের সমারোহ পড়িয়াছে, বর্ষার বাতাসে জুই-এর সজল মুহু গন্ধে চারিদিক সুরাস্তত,—ওর ওই সেলখানির মধ্যেও সে গন্ধ ঘুরিয়া ফিরিয়া বেড়ায়, নিঃশ্বাসের সঙ্গে ওর বৃকের অন্তস্তল পর্বস্ত যাওয়া আসা করে।

ও কিন্তু সে মিষ্টতা অহুস্তর্ব করে না—মূর্ছাচ্ছন্নের মত শুধু বিলাপই করিয়া যায়।

রাত্রির সঙ্গে সঙ্গে বিলাপ হইয়া আসে মুহু শিথিল। বাঁচিবার জন্ত আজও ওর জীবন বিজ্ঞান চায়, যে-কয়টা দিন বাঁচিতে পাইবে সেই কয়টা দিন বাঁচিয়া থাকিতেও যে শক্তির প্রয়োজন!

আপনার অজ্ঞাতসারে ও কখন ঘুমাইয়া পড়ে, চলিয়া পড়ে—ধরণী মা হাত বাড়াইয়া যেন আপনার পাতা-কোলে টানিয়া লয়।

এ কোল ছাড়িয়া যাইতে মানুষের মন চায় না।

### নয়

কয়দিন হইতেই স্বরেশের সিগারেট কমিয়া যাইতেছিল। সেদিন পায়খানার ফেরত বারান্দায় উঠিতেই দেখে চাটুজ্জে তাহার বিছানা নাড়িয়া ঝাটিয়া উঠিয়া আসিতেছে, স্বরেশের সহিত চোখোচোখি হইতেই চাটুজ্জে সপ্রতিভ ভাবেই একমুখ হাসিয়া কহিল,—খাবে নাকি, খাবে নাকি—আজ এক টুকরো বাড়তি হয়েছে।

—চাটুজ্জে তুমি চোর ?

চাটুজ্জে প্রবল প্রতিবাদ করিয়া কহিল,—খা-তা বলো না বলছি, মাইরি ভাল হবে না,—হ্যাঁ। তুমি ব্যবহারে মানুষ চিনলে না—

স্বরেশ গভীর ভাবে কহিল,—খুব চিনেছি চাটুজ্জে, পী যেমন জুতো চেনে, তেমনি ভাবে তোমায় চিনে নিলুম। চোর তো তুমি বটেই—সে আমি-ও, কিন্তু তুমি যে এত বড় চোর তা জানতাম না।

চাটুজে নিঃসংকোচে হাসিয়া উঠিল। কহিল,—স্বরেশবাবু বেশ মাইরি, বলে কিনা জুতো যেমন পা চেনে, না-কি—পা যেমন জুতো চেনে, বেশ মাইরি—হাঃ হাঃ হাঃ—

চাটুজে দিব্য হাসিতে হাসিতে আপনার ঘরে গিয়া উঠিল, আর স্বরেশ তাহার গমনপথের পানে চাহিয়া নির্বাক দাঁড়াইয়া রহিল।

এই সময় অমর কাজ হইতে ফিরিয়া আসিয়া স্বরেশের ঘরে চেয়ারখানার উপর বসিয়া পড়িল। সে যেন কেমন এক রকম—সকল উদাসীনতায় স্তব্ধ, মুক!

স্বরেশ সহসা যেন বিরক্ত হইয়া বলিয়া উঠিল,—এই এক মাহুষ—sentimental fool! আজ আবার কি হল তোমার?

অমর স্বরেশের কর্কশ উক্তিগুলা মনেই লইল না, একটা দীর্ঘশ্বাস ফেলিয়া কহিল,—লোকটার আজ ফাঁসির হুকুম হয়ে গেছে।

—কার?

—সেই কামারটার।

এবার স্বরেশও যেন কেমন স্তব্ধ হইয়া গেল, কোন উত্তর দিতে পারিল না।

একটু পরে আবার একটা দীর্ঘশ্বাস ফেলিয়া অমর কহিল,—মাহুষ কি ভগবানের আসনে বসতে পারে স্বরেশবাবু?

স্বরেশ মুহূ হাসিয়া কহিল,—আমি ভগবানকেই প্রশ্ন করি অমরবাবু—তারই প্রতিনিয়ত হত্যা করবার অধিকার আছে কি না?

অমর চূপ করিয়া রহিল, এই নাস্তিকতার বিরুদ্ধে কোন তর্ক তুলিতে আজ আর তাহার প্রবৃত্তি হইল না।

স্বরেশই আবার কহিল,—আমার অনেক expectation রয়েছে, আকাঙ্ক্ষা তৃপ্তির আশা রয়েছে, মরতে আমি চাই না অমরবাবু! কারও মৃত্যু দেখলে ভয় হয়—হয়তো আমিও জেলের মধ্যেই মরে যাব—জীবনটাকে ভোগ করতে পাব না।

অমর তবু কোন কথা কহিল না। সে ভাবিতেছিল ওই মাহুষটির হতভাগ্যের কথা। যুদ্ধ করিয়া মাহুষ মাহুষকে মারে—মাহুষ মরে, সে অস্তায় নিশ্চয়, কিন্তু তার মধ্যেও একটা সর্গোরব সাস্তনা আছে। নির্ভীকতার সঙ্গে মৃত্যুবরণের সর্গোরব আছে, সাস্তনা—সেও আপন শক্তি প্রয়োগ করিবার সুযোগ পায়।

ক্রোধের বলে মানব মাহুষকে হত্যা করে—সে হয়তো মাহুষের ভুল, তার মধ্যে গভীর আক্ষেপ আছে স্বীকার করিতে হয়, কিন্তু এই যে মাহুষ মাহুষের বিচার করিয়া প্রাণদণ্ডের বিধান দেয়—এর মধ্যে যে চরম দীনতা, তার চেয়ে দুর্ভাগ্য বোধ করি মাহুষের আর কিছুই নাই। সমান অন্তায় করিয়া অপরের কৃত অন্তায়ের প্রতিকার...তার নাম স্তায়—এ অমর স্বীকার করিতে পারিল না।

স্বরেশ আবার কহিল,—আমার ওপর বিরক্ত হলে অমরবাবু? কিন্তু আমি আমার অন্তরের কথাই বলছি, বিচার বিভর্ক করে কোন কথা বলিনি। সে বলতে হলে বলি কি জান?

মানুষকে তুমি যতখানি দায়ী করছ, যতখানি অজ্ঞানের বোঝা তার ঝড়ে চাপাচ্ছ, ততখানি দোষ সে সত্যিই করেনি। রাষ্ট্রশক্তি, সুপ্রতিষ্ঠিত প্রবল শক্তি স্বভাবতঃই চেষ্টা করে আপনার অধিকার অবাধ রাখবার—কিন্তু তার বিপক্ষে মানুষের প্রতিবাদেরও সন্তানাই। ওই প্রতিবাদ শুনে শুনে রাষ্ট্রশক্তি আপন অধিকার স্তম্ভ করছে, মানুষকে তার জ্ঞাত্য অধিকার ছেড়ে দিচ্ছে; সে মহত্বকে তার অস্বীকার করার উপায় নাই। হয়তো হয়তো কেন—নিশ্চয় একদিন দেখবে, মানুষকে প্রাণদণ্ড দেবার অধিকার সে যেচ্ছায় পরিত্যাগ করেছে। কিন্তু তোমার ভগবান অমরবাবু,—সে অতি নিষ্ঠুর হত্যালীলা প্রতিনিয়ত অবাধে চালিয়ে যাচ্ছে, তার প্রতিবাদ মানুষ কি করতে পারে না, না মনে মনে করে না? নিশ্চয় করে, কিন্তু অসীম তার শক্তি, প্রতিবাদে কোন ফল হবে না জেনেই মূখ ফুটে সে বলে না,—এ অধিকার তার স্বীকার করে নিয়েছে। কিন্তু যদি কোন দিন মানুষের সাধনা বিধাতার শক্তির পরিমাণ নিরূপণ করতে পারে, সেদিন জেনে সে প্রতিবাদ নিশ্চয় করবে, তার সঙ্গে সে যুদ্ধ করবে।—একি—একি, তুমি কাঁদছ রায়?

স্বরেশ তাহার হাত ধরিয়৷ টানিল।

অমরের চোখ দিয়া সত্য সত্যই জল পড়িতেছিল। স্বরেশের এত কথা একটাও তাহার কানে যায় নাই, সে শুধু ওই লোকটির জীবনের দীনতার কথাই ভাবিতেছিল। স্বরেশের আকর্ষণে অমর আপনার দুর্বলতা সযত্নে সচেতন হইয়া উঠিল—সঙ্গে সঙ্গে হাতখানি টানিয়া লইয়া ধীরে ধীরে নিজের সেলটার দিকে চলিয়া গেল।

স্বরেশ একটা দীর্ঘনিঃশ্বাস ফেলিয়া একটু শ্বাস হাসি হাসিল।

খাবারের ঘণ্টা পড়িতে স্বরেশ আপনার খালা-বাটি লইয়া অমরের পাশেই গিয়া বসিল।

অমর একটু সলজ্জ হাসি হাসিয়া কহিল,—সেস্টিমেন্ট আমার আর গেল না স্বরেশবাবু, ওইটেই আমার দুর্বলতা।

স্বরেশ কহিল,—দুর্বলতা কি-না জানিনে রায়, কিন্তু মানুষের জীবনে এটা একটা দুর্ভাগ্য, তাতে সন্দেহ নাই।

কয়েক মুহূর্ত নীরব থাকিয়া স্বরেশ আবার কহিল,—ওর ফাঁসির চেয়ে তোমার হত্যায় বেশী দুঃখ হয় রায়, এমন পরিবেষ্টনীর মধ্যে থাকার চেয়ে তোমার ফাঁসি হলে ভাল হতো। একটু থাকিয়া আবার কহিল, চুলোয় থাক, এস—বরং ফুটির কথা বলা থাক।

চাটুজ্জের ঠিক পাশেই বসিয়া ছিল কিন্তু এতক্ষণ কোন কথা কহে নাই—স্বরেশের দিকে আড়ে আড়ে চাহিতেছিল। এবার সে অতি আগ্রহে প্রস্তাবটাকে সমর্থন করিয়া কহিল,—বা বলেছ মাইরি স্বরেশ, কি তোমরা God God কর বাবু, ও hang your God, God is nothing but botheration—বলিয়া হি হি করিয়া হাসিয়া উঠিল। তাহপর স্বরেশের গা টিপিয়া কহিল,—বউ-এর চিঠি দেখবে? এইস্তা চিঠি—

স্বরেশ সহসা উগ্র হইয়া কহিল,—তোমাকে খুন করে ফেলব আমি।

খাওয়া-দাওয়ার পর খানিকটা এদিক ওদিক ঘুরিয়া সুরেশ ঘরে ফিরিতেছিল। ওদিকে তৃতীয় শ্রেণীর কয়েদীদের ওয়ার্ডে ওয়ার্ডে তালী বন্ধ করার শব্দে অন্ধকার যেন লচকিত হইয়া উঠিয়াছে। গাছের পাখিগুলো সন্ধ্যার কাকলি শেষ করিয়াও ওই শব্দে চকিত হইয়া মাঝে মাঝে ডাকিয়া উঠিতেছে...

পিছনে শব্দ শুনিয়া সুরেশ মুখ ফিরাইয়া দেখিল...অমর।

সুরেশ অমরকেই খুঁজিতেছিল। এই তরুণটির প্রতি একটি মমতা কেমন যেন তাহাকে বিচলিত করিয়াছে।

—এই যে, কোথায় ছিলে রায়, বেড়াবার সময় তোমায় পেলাম না যে ?

স্নান মুখে অমর কহিল,—একটু সেলের দিকে গিয়েছিলাম—

সুরেশ তাহার মুখপানে চাহিয়া কহিল,—লোকটা কি করছে ?

অমর কহিল,—ঘুমুচ্ছে।

কয় পা চলিয়া অমর আপন মনেই কহিল, আজ যেন নিশ্চিন্ত হয়েছে।

সুরেশ কহিল,—না, আমার বোধ হয় কি জান ? আমার বোধ হয় ও মরে গেছে। একটু খামিয়া কি ভাবিয়া লইয়া সহসা আবার কহিল,—ভীকর মৃত্যুর মত করুণ, ভীতিপ্রদ আর কিছুই নাই অমরবাবু! তাদের মৃত্যুভীতি সংক্রামক ব্যাধির মত, মানুষকে বিচলিত করে তোলে। *Cowards die many times before their death*—কথাটা মানুষের ইতিহাসে অভিব্যক্ত কর সত্য। নরু স্বেচ্ছায় সর্গোরব-নির্ভীকতায় মৃত্যু বরণ করেছিল,—আজ মনে হয় সেদিন মৃত্যুভয়ে বিচলিত হইনি—বিচলিত হয়েছিলাম ওর তুলনায় নিজের দীনতা উপলব্ধি করে, আর আজ মৃত্যুকে মনে পড়ছে, প্রচণ্ড একটা ভয় যেন অস্থির করে তুলতে চাচ্ছে!

জেলের ফটকের আসিয়া দাঁড়াইল একটি কালো মেয়ে,—নিকষের মত কালো বর্ণ কিন্তু তেমন কালোতেও একটি স্নেহমা আছে। বড় বড় চোখ, দীঘল পরিপুষ্ট দেহ, যেন পাথরে খোদাই একটি স্ত্রীমতী নারীমূর্তি। এই মেয়েটিই বাসিনী—ওই প্রাণদণ্ডে দণ্ডিত কালী কামায়ের প্রণয়ান্ধা! প্রাণদণ্ডে দণ্ডিত লোকটি কাহাকে শেষ-দেখা দেখিতে চায় জিজ্ঞাসা করিলে, সে এই সর্বনাশীর নামই করিয়াছিল।

সর্বনাশী বই-কি! ওই নারীটিকে লইয়াই তো বিবাদে কালীর এমন সর্বনাশ হইয়া গেল!

তা বাক, কালী কিন্তু এক মুহূর্তের অক্ষণও তাহাকে দায়ী করে নাই।

এ নতুন নয়, জগতে নারীকে লইয়া পুরুষে পুরুষে, জাতিতে জাতিতে বহু ধ্বংসযজ্ঞ ঘটয়া গেছে, তবু কেহ কখনও নারীকে দায়ী করে নাই,—সর্বনাশী বলে নাই!

ছোট একটি শব্বের মধ্যে বাসিনীকে বনানো হইল। শৃঙ্খল-জড়ানো লোহার গরাদে-ষেহা বিশাল ধ্বংস, রক্ত-বর্ণ প্রাচীরবেষ্টনী-বেষ্টিত পরিপার্শ্ব মেয়েটিকে যেন কেমন অভিভূত করিয়া তুলিল।



সমস্ত ঘর জুড়িয়া স্নান অঙ্ককার তস্মাচ্ছয়ের মত এলাইয়া পড়িয়া আছে; বাহিরের আলোকের ভয়ে সে যেন বাছিয়া বাছিয়া এই প্রাচীর-ঘেরা বন্দিশালাটার আলিয়া আশ্রয় লইয়াছে। হুনিয়া জুড়িয়াই তো এমন অঙ্ককার কিন্তু এমন অহুভূতিটি তো সেখানে আসে না! বোধ করি বন্দিশালার নামের মধ্যে যে বিভীষিকা লুকাইয়া আছে, সেই বিভীষিকাই এমন একটি ভয়াল অর্থ ঐ জড় উপাদানগুলিতে জড়াইয়া দিয়াছে।

বাসিনী সশব্দ অভিজুত দৃষ্টিতে ঘরখানির রুদ্ধ-চতুষ্পার্শ্ব, রুদ্ধ-উর্ধ্বের সর্বাক দেখিয়া লইল। পিছনের পানে চাহিল, দেখিল বাহিরে গরাদে-ঘেরা ফটক,—রুদ্ধ-প্রতি-অঙ্গে তাহার নির্মম বন্ধন, যেন নিষ্ঠুর তদীতে নির্দয় হাসি হাসিতেছে। তাহার পা দুইটা ঠকঠক করিয়া কাঁপিয়া উঠিল।

ভিতরের ফটক খুলিয়া একটি পাংগু, শীর্ণ লোককে বাহির করিয়া আনিল। রুদ্ধ, দীর্ঘ দাড়ি গৌফে মুখখানা ভরিয়া গিয়াছে; ষেটুকু দেখা যায় তাহাতেও যেন কে কালি মাড়িয়া দিয়াছে। নিশ্চত ঘোলাটে চোখ, তাহাতে দুটি পিকল তারা। তথাপি দেখিয়াই বাসিনী তাহাকে চিনিল—এ সে-ই!

হু'জনে মুখোমুখি যখন দাঁড়াইল তখনকার ছবি বোধ করি ছায়াচিত্রেও ফোটে না—ফুটিবার নয়। বাসিনীর ছল ছল চোখের করুণ ব্যথাতুর দৃষ্টি, কালীর মুখের সে বিমুগ্ধ অতি তৃপ্ত হাসি,—তাহার আকার হয়তো ছায়াচিত্রে ফুটিবে কিন্তু সে আবেগ—জীবনের স্পন্দন তো ফুটিবে না!

বাসিনী ছল ছল চোখে কালীর মুখপানে চাহিয়া ছিল,—ধীরে ধীরে দীর্ঘ রেখায় বিন্দু বিন্দু অশ্রু চোখের কোণ হইতে চিবুক পর্যন্ত গড়াইয়া পড়িতে লাগিল। কালী অতি তৃপ্ত হাসি হাসিয়া বাসিনীর একখানি হাত চাপিয়া ধরিয়া ডাকিল,—বাসিনী!

একাগ্র দৃষ্টি তার ওই নারীটির মুখের উপরে নিবদ্ধ, ওষ্ঠের বেড় বেয়িয়া নীরব তৃপ্ত হাসি—সে যেন কৃতার্থ হইয়া গেছে।

ঘরের দেয়ালের গায়ে ঘড়িটা অবিভ্রান্ত টিক্ টিক্ করিয়া সময় গনিয়া চলিয়াছে। চির-বিচ্ছেদের মুখে দুটি প্রাণী শেষ-মিলনের আনন্দে নির্বাক। হু'জনে যেন হু'জনের ছবি অন্তরে অন্তরে অঙ্কন করিয়া লইতেছে, কিংবা হয়তো শুধু শুধুই হু'জনে হু'জনের মুখপানে চাহিয়া আছে।

সহসা বাসিনী যেন উচ্ছ্বসিত হইয়া উঠিল, রোদন-স্বক কণ্ঠে সে কহিল,—ওগো কিছু বল তুমি!

কালী চকিতভাবে কহিল,—ভাল আছিল বাসিনী?

বাসিনী বিম্বিত নেজে লোকটির পানে চাহিল,—এই কি বলিয়া যাওয়ার কথা!

কালী সেমনি পরিভূপ্ত হাসি হাসিতেছিল। রব নাই, শুধু অধরের রেখার-রেখায় সে হাসির লেখা পূর্ণ-বিকশিত।

বাসিনী আবার কি বলিতে বাইতেছিল, সহসা দরজার মাধ্যম দাঁড়াইয়া জেলার কহিল,—

যাও, তুমি বাইরে যাও, সময় হয়ে গেছে ।

বাসিনী মুখ কিরাইয়া জেলারের মুখপানে চাছিল, দুটি দীর্ঘ জলধারা তার চোখের কোণ হইতে চিবুক পর্যন্ত ছলছল করিতেছে ।

জেলার কহিল,—এস ।

বাসিনী নতমুখে চলিয়া আসিল । পিছনে তাহার জেলখানার গরাদে-ঘেরা ফটক সশব্দে রুদ্ধ হইয়া গেল । কিছু আর দেখা যায় না—শোনা যায় শুধু পাষাণপূরীর অন্ত্যস্তরের কর্মপ্রবাহের বিচিত্র শব্দ ।

বাসিনী একটা দীর্ঘশ্বাস ফেলিয়া প্রাচীরের পাশের রাস্তাটা বহিয়া চলিতেছিল, সহসা তাহার মনে হইল কে যেন আর্তকণ্ঠে প্রাণ ফাটাইয়া ডাকিয়া উঠিল,—বাসিনী—

ধমকিয়া দাঁড়াইয়া সে কান পাতিয়া রহিল, কিন্তু কই আর তো শোনা যায় না ! হয়তো ভ্রম !

টলিতে টলিতে আবার সে চলিতে শুরু করিল,—কিন্তু অন্তর তাহার বার বার তারত্বের কহিতেছিল,—না না, ভ্রম নয়, এ ভ্রম নয়, সত্য, সত্য, এ ভ্রুক তাহারই—সে-ই নিয়ত তাহাকে এমনি করিয়া ডাকিতেছে । শুধু সে নয়—সকল বন্দীই বৃদ্ধি এমনি করিয়া নিয়ত প্রিয়জনকে ডাকিয়া ডাকিয়া মরে ।

বাসিনী সশব্দে বিন্মরে স্বদীর্ঘ স্বউচ্চ পাষাণ-বেষ্টনীর পানে একবার তাকাইল—একবার তার গায়ে হাত বুলাইয়া দেখিল ;—কি কঠিন ! কি বিশাল ! কি ভয়াবহ !

আপন অজ্ঞাতসারেই তাহার কণ্ঠ হইতে সহসা একটা আর্তস্বর বাহির হইয়া আসিল,—  
বাবা গো !

প্রাচীরের গায়ে আছাড় খাইয়া প্রাণধ্বনি কিরিয়া আসিল—বাবা গো !

ভিতরের ধ্বনিটিও তো তবে এমনি ভাবেই কিরিয়া যায় !

সহসা সাইদ আলি অস্থস্থ হইয়া পড়িয়াছে । ঘুসঘুসে জর, কাসি—দেহ শীর্ণ ! জেলার একদিন তাহাকে জিজ্ঞাসা করিল,—এমন শরীর কেন রে তোর ?

সাইদ সেলাম করিয়া কহিল,—কি জানি হজুর ! অস্থ-বিস্থ তো কিছু নাই ।

সাইদের আপাদমস্তকে দৃষ্টি বুলাইয়া জেলার কহিল,—হাসপাতালে যাবি, ডাক্তারবাবুকে দেখিয়ে আসবি ।

ডাক্তার দেখিয়া শুনিয়া কহিল,—ও কিছু নয় ।

সাইদ একটু হাসিল ।

দিনকয় পরে সকাল বেলায় গৌর, তাহিদ, কেউ জেলারের কাছে সেলাম জানাইয়া কহিল,—  
সাইদের মুখ দিয়ে রক্ত ওঠে হজুর, ওকে আমাদের সঙ্গে রাখলে—

জেলার চমকিয়া কহিলেন,—রক্ত উঠছে ?

—হ্যাঁ হজুর ।

সুপারিন্টেন্ডেন্ট সাহেব নিজে এবার সাইদকে দেখিলেন—সন্দেহজনক একটা কিছু ঘটনা আছে !

ওর অবস্থা লক্ষ্য করিবার জন্য ওকে সিক্রিগেশন সেলে পাঠাইবার হুকুম হইল ।

কালী গেল ফাঁসি-ঘরে,—ফাঁসির আসামীর জন্য নির্দিষ্ট সেলে । দরজার গরাদেগুলো পর্বস্ত জাল দিয়া ঘেরা, উপরের জানালার গরাদেও তাই, পাছে ফাঁসির আসামী গলায় দড়ি দিয়া কোন দিন ঝুলিয়া ফাঁসির দড়িকে এড়াইয়া যায়—তাই এই ব্যবস্থা ।

জিনিসপত্র আর কি,—স্বলের মধ্যে তো একজোড়া কয়ল, একখানা খালা, একটা বাটি, দু'খানা গামছা, বাই হোক—তাই গুটাইয়া লইবার সময় সাইদ সকলের নিকট বিদায় লইয়া কহিল,—আসি তাই সব, আবার কোন দিন থাইসিস ওয়ার্ডে ঠেলবে—

গৌর তাহার হাত দুইটা ধরিয়া কহিল,—দু'দিনেই সেয়ে যাবি দেখবি ।

সাইদ হাসিয়া কহিল,—না, ঝাঁজরা বুক কি আর সারে—আর সারাও আমি চাই না । কি হবে সেয়ে ?

গৌর সহসা গম্ভীর হইয়া কহিল,—পুত্রশোক বড় কঠিন, বড় খারাপ জিনিস—বুক একেবারে ঝাঁজরা করে দেয় । বলিয়া একটা দীর্ঘশ্বাস ফেলিল ।

সাইদ তেমনি হাসিয়াই কহিল,—পুত্রশোক কঠিন বটে কিন্তু তাতে বুক ছেঁদা করে না যে, এ করেছে কাচগুঁড়োয় । কাচ গুঁড়ো করে খেয়েছি আমি ।

গৌর চমকিয়া উঠিল ।

সাইদ কহিল,—বাঁচতে আর ইচ্ছে হয় না—খাটতেও পারি না আর । মনের সঙ্গে অনেক লড়াই করেছি, কিন্তু রোজ রাতে ছেলেটা যেন সেই খাস কাটতে কাটতে বিবের জালায় আমাকে ডাকে । তার চেয়ে—

একটা দীর্ঘশ্বাস ফেলিয়া সাইদ অনির্দিষ্ট লক্ষ্যে শূন্যদৃষ্টিতে চাহিয়া রহিল ।

গৌর ব্যাকুল ভাবে কহিল,—ছি-ছি, এই কি করে রে ? ছেলেমেয়ে সব গিয়েও তো মাহুব সংসারী হয় !

সাইদ কহিল,—হয়, বাইরে থাকলে হয়তো হতামও, কিন্তু সে এখনও অনেক দেরি, আর এই খাটুনি—

একটা দীর্ঘশ্বাস ফেলিয়া কহিল,—নাঃ, এ বেশ হয়েছে ! এ-ই ভাল, বতদিন বাঁচি ভাল খেয়ে, বিজ্রাম করে বাঁচি ; তার পর দেবে মুদফরাসে টেনে ফেলে, দিক—

সিপাহী সাইদকে ডাক দিল ।

সাইদ সিক্রিগেশন সেলে গিয়ে দেখে—বড় সুপারিন্টেন্ডেন্ট সাহেবও সেখানে হাজির ।

সাহেব বোধ করি তাহার ইতিহাস শুনিয়াছিলেন, কহিলেন,—মন খারাপ করো না তুমি, ভাল হয়ে যাবে অস্থখ । আমি সরকারকে লিখছি তোমার খালাসের জন্তে । বাড়ি যাবে, শাদি হবে—আবার বাচ্চা লেড়কা হবে—

সাইদ যেন বিন্ময়ে হতবাক হইয়া গেল । সে সাহেবের মুখপানে ক্যালক্যাল করিয়া চাহিয়া

রহিল। সাহেব চলিয়া গেলে জেলারের পায়ে ধরিয়া কহিল,—দোহাই হুজুর, আমার বেন খালাস দেবেন না। বলিয়া সে হা হা করিয়া শিক্তর মত কাঁদিয়া উঠিল।

## দশ

মাসখানেক পর।

নিশাবলানের অন্ধ অঙ্কারের মাঝেই জেলখানাটা বেন মুখর হইয়া উঠিয়াছে। অগণিত পদশব্দ শুধু,—কথাবার্তা বড় শোনা যায় না। এর অর্থ বন্দীদের অজানা নয়। তারা বুকিল—আজ আবার একজন যাইবে, ভোরের আলো ফোটার সঙ্গে সঙ্গে আর একটি দীপ নিভিয়া যাইবে—একটি জীবন-দীপ!

আপন জানালায় দাঁড়াইয়া অমর ডাকিল,—স্বরেশবাবু!

যুহু চাপা স্বরে স্বরেশবাবু উত্তর দিল,—রায়, তুমিও জেগেছ?

—হ্যাঁ, আওয়াজ শুনছ? মাহুকেরই হাতে একটা মাহুকের আয়ু শেষ হয়ে গেল বুকি।

স্বরেশ এ কথা কখনো জবাব দিল না। উপরের জানালা দিয়া আকাশপানে চাহিয়া কহিল,—আকাশটা কি গাঢ় কালো আর কি নিস্তরঙ্গ স্তব্ধতা ওর সর্বাঙ্গ ব্যাপ্ত করে; উঃ, ওর মাঝ দিয়েই কি-বিগত-আয়ু মাহুকের জীবনের পথ রায়?

রায় কহিল,—না স্বরেশবাবু, ওর জোর করে বের-করা প্রাণ --মাটির বুক বুক লুটিয়ে লুটিয়ে কেঁদে বেড়াবে, এ আমি নিশ্চয় বলতে পারি।

স্বরেশ কোন উত্তর দিল না, উপরের জানালা দিয়া আকাশের বুকজোড়া অঙ্কারের পানে তাকাইয়া রহিল। তার একাধি দৃষ্টির সম্মুখে ধীরে ধীরে অঙ্কারের রূপ ফুটিয়া উঠিতেছিল। অঙ্কারেরও একটা প্রভা আছে,—যে-প্রভার স্বচ্ছতায় সব কিছু দেখা যায়; কিন্তু মরণের সর্বাঙ্গ ব্যাপ্ত করিয়া যে-অঙ্কার—সে-অঙ্কারের নিবিড়তা যে কল্পনাও করা চলে না। উঃ, কি ভয়াল বিস্ময়িকা সে! স্বরেশ শিহরিয়া উঠিল।

সহসা সমস্ত জেলখানাটার বুক চিরিয়া একটা অতি কাতর চিৎকারে কে আর্তনাদ করিয়া উঠিল। স্বরেশের মনে হইল স্বূর আকাশের ওই হৃদয় স্তব্ধতাকে পর্বস্ত এই কাতর ধ্বনিত্তে ভরস্বিত হইয়া উঠিল,—প্রভাত-আকাশের স্তিমিতপ্রায় তারা কয়টি পর্বস্ত বুকি সে কম্পনে ম্লান হইয়া গেল।

শোনা গেল ও-র হইতে চাটুকে ভয়াব্ধ কণ্ঠে কহিতেছে,—তারা তারা ব্রহ্মময়ী। শিবরাম শিবরাম। রায়, ও রায়, শালা ছুত হবে নিশ্চয়।

আবার একটা চিৎকার—

সমস্ত পাখিগুলো সে চিৎকারে কলরব করিয়া উঠিল।

কিছুকণের অন্ত এবার সমস্ত জেলখানাটা জুতার কঠিন শব্দে মুখরিত হইয়া উঠিল; তারপর

সব নিস্তরু—একটা ভয়াবহ নিস্তরুভায় সমস্ত বন্দিশালাটা ভয়িত্তা গেল।

পরদিন। সে দিনটা ছুটি।

সমস্ত বন্দীর দল অকারণেই একটি সেলে স্তরুভাবে বসিত্তা আছে। একটা দুর্বহ বিবলভায় সকলেই নির্বাক।

অমর, সুরেশ, চাটুজ্জে, এরাও আছে—কিন্তু স্তরু, বিবল, নির্বাক। সহসা সুরেশ কহিল,—  
এ তো ভাল লাগে না। একটা কিছু কর,—যা হোক—anything; আচ্ছা, সব খালাসের  
দিন হিসেব করি এস—

অমর কহিল,—না, সে আমার—স্তরু আমার কেন সবারই পক্ষে একটা বিভীষিকা,—  
একটা dread! কালই বোধহয় কেউ বলে সেই ছোকরা বেরিয়ে গেল। বেরিয়ে সে  
কোথা গেল জান? বাড়ি গেল না, গেল কলকাতায় 'পিক-পকেটের' দলে। সেই ছোড়াটা  
ওকে ঠিকানা দিয়েছে। মুক্তি কল্পনার আগে আমার এমনি একটা দলের সম্ভান দিতে পার  
সুরেশবাবু?

চাটুজ্জে কহিল,—তার চেয়ে এস সকাল বেলায় এক 'দম' করে হয়ে যাক—

অমর কহিল,—The thing, ঠিক;—এইটেই চাইছিলাম যেন। আর সুরেশবাবু, তুমি  
আজ থেকে আমার তালিম দাও insolvency act-এ, যাতে বেরিয়ে একটা লাখে লাখে  
টাকার insolvency আমি নিতে পারি।

বলিত্তা সে টেবিলে মাথা গুঁজিত্তা অত্যন্ত অস্বাভাবিক ভাবে হি-হি করিত্তা হাসিত্তা উঠিল।  
চাটুজ্জে, সুরেশ দু'জনেই চমকিত্তা উঠিল। সুরেশ তার পিঠে মুহু ঠেলা দিত্তা কহিল,—  
কাদছ তুমি?

মুখ তুলিত্তা অমর হাসিত্তা দীর্ঘভয় করিত্তা কহিল,—না, হাসছি তো!



সেদিন রাজিত্তাও কেমন ধমধম করিত্তেছিল। সবারই যেন চোখের ঘুম কে কাড়িত্তা  
লইয়াছে,—সবাই যেন কান পাতিয়া আছে—সে কাঁদবে—নিস্তরু অঙ্ককারে সে আসিত্তা  
পাঁচাণপূরীর মাটিতে মাথা কুটিত্তা কুটিত্তা কাঁদবে—

কিন্তু কেউ কাঁদিল না—

সুপ্ত নিস্তরু রাজিত্তি বুক চিরিত্তা স্তরু বিজ্ঞার একটানা অবিপ্রাস্ত চিংকার—আর নিজেদের  
নিঃশ্বাসের মধ্যে বৃকের পুঞ্জিত্ত ব্যথা।